

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.82/4






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
C/MAGL 1.7.82/a




Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.82/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.82/G

IUSTI LIPSI
EPISTOLARVM
SELECTARVM
CENTVRIA
SINGVLARIS

Ad Italos & Hispanos, quive in iis locis.



ANTVERPIÆ,
EX OFFICINA PLANTINIANA,
Apud Ioannem Moretum.

MD. LXXI.

Cum Privilegijs Casareo & Regio.

LIBRERIA
DEI
SIGNORI
DE' MEDICI
E
DE' RICCI

LIBRERIA
DEI
SIGNORI
DE' MEDICI
E
DE' RICCI

ILL^{MO} ET REV^{MO}
F R E D E R I C O
B O R R O M Æ O,
S. R. E. CARDINALI, &
Archiepiscopo Mediolanensi.



NIMVS iamdiu me impulit,
munus aliquod ad te mittere:
& caussas habui à beniuolen-
tiâ , imò & beneficentiâ tuâ.
An non sic interpreter huma-
nissimam ad me scriptionem,
cùm in hæc loca primitus venissem , quâ me
non dicam in Italiam, sed in domum tuam in-
uitasti? Et iterasti hanc benignitatem sæpius:
vt iure obligatum me fatear, nexu quem pro-
fiteri magis, quàm soluere ego possim. Et ec-
ce profiteor animo, ore, stilo: & hoc nomen
in fronte huius libri proscribo. Quem non
donum, sed syngrapham ad te mitto. quî au-
tem donum, quod nec meum quidem dix-
erim? nisi collectione fortasse & ordine: cùm
singulæ Epistolæ singulos suos iamdiu domi-
nos habeant, ad eos missæ & inscriptæ. Hoc
tamen meum, quòd sparsas vel errantes rede-
gi in numeros & CENTVRIAM: si vel eo no-
mine ac titulo leuis hic miles dignus: qui

† 2 adeò

adeò arma aut ornamenta non habet, vt vix
vestimenta. Simplex rotum genus est, à cultū
omni nudum: & quod sola extemporali-
tas vel commendet, ve excuset. Prodeunt
tamen tuis auspiciis in lucem, imò in aciem:
& quidni aciem? ita multi, velut famæ præ-
dunculi, in subseffis hodie sunt, vt properos
& incautos istos sermones excipiant. quid ad
me? imò ad te iam Ill^m, cui perire eos dein-
ceps aut viuere proclamo, domo ac manu meâ
semel missos. Tibi militent. & quam à viri-
bus suis non spondeant vitam aut victoriam,
à tuâ virtute & prudentiâ consequantur. quæ
vtraque in te clara sunt, &

— *quæ nec ventura silebunt*

Lustra, nec ignotâ rapiet sub nube vetustas.

Viuit etiam nunc in te, & heroicâ istâ indole,
vel PIVS QVARTVS Pontifex Maximus,
proauunculus tuus; vel patruus CAROLVS
BORROMAEVS, magnum vterque æui nostri
fidus: cui alteri Concilium Tridentinum, ab-
solutum promulgatumque, Christianus or-
bis æternum debebit: alter ea pietatis & virtu-
tis eximiæ signa impressit, vt non cum nostræ
stirpis hominibus, sed

(Fas mihi sanctorum veniâ dixisse parentum)

cum illis è primâ & purâ Ecclesiæ luce com-
parandus, multis & præponendus, videatur.
Itaque Mediolanum veltrum talem Antisti-
tem

x
u
i-
t
:
:
s
d
-
â
-
:
e

tem optatsemper, nunquam sperat: nisi in te
fortasse, qui vt nomine & sanguine, sic virtu-
te accedis. nam vt contingere te dicam, bonâ
tuâ gratiâ non possum. Sed illum & te omit-
to: quia, vt poëta cecinit,

Fucati sermonis opem mens conscia laudis

Abnuat:

& vna ac verissima hæc illius laus est, ex vero
non posse laudari; tua, nec velle. Ad me &
munus meum redeo: quorum vtrumque ti-
bi consecro. istud vile aut leue, vt dixi: me,
utinam talem, qualem aut iudicas, aut optas!
Louanij, pridie Kal. anni noui ∞. MDCI. quem
felicem tibi, aliosque, ire voueo, vt ex bono
publico,

Iliacos equare senes, aut vincere possis.

† 3 AD



A D L E C T O R E M.

HN tibi, Lector, hanc CENTURIAM, nouo exemplo ad duarum regionum populares tantum scriptam. Causse mihi huius abiunctionis fuerunt, tum ut confusio tolleretur, in omni miscellaneo populo timenda; tum ne iteratio ad varios, eadem de re, eodem tempore, nauseam gigneret in animo lectoris. Est et alia causa, quam ego scio, alius suspicetur: et tres ista effecerunt, ut eligerem disparare. Nec sane omnes etiam ad eas ipsas duas gentes edo, qui possim? perierunt mea aut amanuensium incuria multa, et quedam feliciter fortasse nata: nec magis recolligam, quam vates illa sua folia, Quae dispersa volant rapidis ludibria ventis.

Qui etiam debeam? sunt quedam graues, seria, et in quibus de rep. aut consilia sunt, aut iudicia: quae submittere hodiernis linguis aut censionibus, non dicam parum tutum esse, sed et hominis parum tuti. Ego in his paucis si puncta suffragij tui feram, excitabor ad colligendas reliquas: tui, inquam, suffragij, qui inter bonos doctosque es, et cuius mentem liuor aut imperitia non habet. Nam de talibus, quid ad me? scio et Momum cum Venerem carpere non posset, sandalium eius obtrectasse: ita hic tales tale aliquid, quod in factioso isto auro non sit ad huius aut illius gustum. Equidem inter eos esse me fateor,

—quos nec

Falsus honos iuuat, aut mendax infamia terret:

tamen si bonis etiam ista non bona, desino, nec scopum me ultra

propono. Euripidem magis audio:

* Simplex
malum cum
licet, haud
feram dup-
plum.

* Ἀπλά; δε λύπας ἔξον, οὐκ οἶσθ' διπλάς.

INDEX
EPISTOLARVM
CENTVRIÆ III.

AENEAE Visanio Doctori Medico xxij.

Alfonso Ciaconi Doctori Theologo vj.

Andrea Schotto è Societate Iesu xxxvj.

Angelo Spanochio, Patricio & I^o xxvij.

Antonio Covarruvia vij, lxxvij.

Antonio Possenino Soc. Iesu lxij.

Ascanio Columnæ, Cardinali xl, lxix, lxxxvj.

B.

Balthasari de Zuniga, Legato Regio lxxxij, lxxxix.

Benedicto Aria Montano Theologo iv.

Bonaventura Calataieronense, Sodalium D. Francisci supremo Prefecto lvj.

C.

Cesari Baronio ix. Cardinali lxxj, xc.

Carolo Lafaillo lxxxj.

Cynthio Aldobrandino, Cardinali xcviij.

E.

Emanueli Correa Lusitano xcviij.

Emanueli Sarmiento de Mendoza, Doctori Theologo lxxxix.

Erycio Puteano lvij, lxxix.

F.

Ferdinando Diazio Lusitano ij.

Flaminio Moro xvij, xxvij, xxxv.

Francisco Bencio xj.

Francisco Houio lxxvj.

Francisco Leonino xxj.

Francisco Orano, XII. viro litibus iudicandis. xxxix.

Francisco Sfortie, Card. li, lxiv.

Frederico Borromæo, Cardinali xix, lxxij, xcij.

Fuluio Vrsino xlvij.

G.

Gabrieli Palæotto, Cardinali xlv.

Garcia Figueroa, Regi à cubiculo lx.

Gaspari Schoppio lxxxv.

Gastoni Spinula, Gubernatori Limburgensi xlv, lxxx, xcj.

Guilielmo Scarbergero suo c.

H.

Hieronymo Mercuriali j, viij, xlij, lxviij.

I.

Iacobo Maria Campanacio xxv.

Iacobo Sirmõdo Societatis Iesu ij.

Innocentio Maluasia, Nuncio Apostolico xx, xxxj.

Ioanni Baptista Hansenio xc.

Ioanni Baptista Sacco xiv, xlix,

ex-
um
se-
mi-
ad
ni-
ur-
m-
ant
ius
lia,

ui-
ho-
sse,
ra-
am,
uor
scio
um
isto
esse

st-

<i>xlix, lvij, lxv, lxx, lxxij.</i>	
<i>Ioanni Costao, Doctori Medico</i>	<i>xxx.</i>
<i>xxix, xxxvij.</i>	<i>lix, lxxxvij.</i>
<i>Ioanni Ferdinando Velascio, Co-</i>	<i>Nuno Mendozio Lusitano, à cu-</i>
<i>mestabili Castelle</i>	<i>biculo Principis</i>
<i>xlviij, lxj.</i>	<i>lxxxiv.</i>
<i>Ioanni ab Hollandt</i>	<i>O.</i>
<i>lxxv.</i>	<i>Obtauiio Episcopo Tricaricensi,</i>
<i>Ioanni Idiaqueo, ab interioribus</i>	<i>Nuncio Apostolico</i>
<i>consilijs Regi</i>	<i>xxxvij.</i>
<i>xxxij, xlvi.</i>	<i>P.</i>
<i>Ioanni Michaelio, Equiti, Procu-</i>	<i>Paulo Monelia Genuensi Patri-</i>
<i>ratori sancti Marci</i>	<i>cio</i>
<i>xvj.</i>	<i>xij, lv, lxvij.</i>
<i>Ioanni Ramirezio ab Arellano I^{to}</i>	<i>Petro Enriquez Comiti Fontano,</i>
<i>liij.</i>	<i>Gubernatori Belgicæ</i>
<i>Ioanni Verastegui, Presidi Censo-</i>	<i>xlj.</i>
<i>rj tribunalis</i>	<i>Petro Pantino Decano Bruxel-</i>
<i>xlviij.</i>	<i>lensi</i>
<i>Ioanni Vincentio Pinello</i>	<i>lxxv.</i>
<i>lxvj,</i>	<i>Petro Pendasio</i>
<i>lxxvij.</i>	<i>xxxij.</i>
<i>Ioanni Vouerio</i>	<i>Philippo Pigafetta</i>
<i>xciv, xcix.</i>	<i>xcij.</i>
<i>Iulio Casari Velio</i>	<i>R.</i>
<i>lxxxij.</i>	<i>Roberto Bellarmino Cardinali</i>
<i>L.</i>	<i>xcvij.</i>
<i>Ludouico Perezio</i>	<i>S.</i>
<i>l.</i>	<i>Stanislao Rescio, Legato Regis Po-</i>
<i>Lupo Dionysio à Castella</i>	<i>loniæ</i>
<i>liv.</i>	<i>xij.</i>
<i>Lupo Soárezio, Episcopo Portale-</i>	<i>T.</i>
<i>grensi</i>	<i>Thoma Segeto</i>
<i>v.</i>	<i>lxij.</i>
<i>M.</i>	<i>Triumuiris Instauratoribus Aca-</i>
<i>Martino Idiaqueo, Regi à secretis</i>	<i>demie Patauina</i>
<i>xxxiv.</i>	<i>xxv.</i>
<i>Matthie Ouando, Doctori Theo-</i>	<i>V.</i>
<i>logo</i>	<i>Valenti Acidalia</i>
<i>lj.</i>	<i>xxxvj.</i>
<i>Melchiori Zoppio</i>	<i>Ulyssi Aldroando</i>
<i>xxij.</i>	<i>xvij, xxiv.</i>
<i>N.</i>	
<i>Nicolao Damantio, Brabantia</i>	

ERRATA.

Pag. 48. lin. 1. cum in aliorum. lege, cam.
Pag. 54. lin. 26. CLXXVII. scribe, CLXXXVII.

IVSTI LIPSI
EPISTOLARVM
CENTVRIA III.

EPIST. I. *Pisas.*

IVSTVS LIPSIVS HIERONYMO MERCYRIALI S. D.



ERTE rarò inter nos scribimus, & id pro affectu meo in te dolet. Quid mihi gratius, quàm te affari & alloqui; quem amo & æstimo vnum nunc panè Itatorum? Sed loca nos seiungunt, vt vides; atque etiam miserie istæ temporum, & dissidia animorum. Cui rei tamen medicina nunc in parte. Nam ego me abduxi à locis, in quibus vixi hactenus, & transtuli in Germaniam ad loca puriora. Puto me capis. atque occasio erit non solùm sæpius inter nos scribendi, sed etiam liberius, remoto omni metu illo suspicionum, quæ me frustra premebant. Ego bonus sum, fui, & magis palàm ero. Tibi, pro amicitia nostrâ, liberè hoc indicatum volui. De Magni Ducis Etruriæ honestâ conditione, quam mihi defert; nihil adhuc accepi, præter ea quæ litteræ tuæ strictim delibant. Tamen, vt nunc valetudo & res meæ sunt, parere & obsequi vix possum, etsi benignissimè vocanti. Italiam vestram amo supra omnes terras, sed frui eâ & vobis multa nunc verant: vtinam tamen vel cursim iterùm possem inspicere, & vos tales amplecti digito videar mihi cælum tangere, & beatus esse supra omnes beatos. Videbo quid valetudo feret, in quâ curandâ nunc totus sum, & ad fontes acidulos me confero, ad intemperiem hanc mitigandam aut (ô vtinam Deo visum) tollendam. Vale vir maxime, & semper mihi care. Francofurti ad Mœnum, xviii. Kal. Maijas. ∞. 10. xci.

A. EPIST.

FERDINANDO DIAZIO LVSITANO.

SICVT ij qui in suaui concentu Musico fuere, sonores & harmoniam in auribus secum ferunt; sic nobis à tuo suauissimo conuictu Hamburgi factum, & te, sermones, conuiuia loquimur etiam, non solum cogitamus. Nam, per Deum, quæ tua in nos comitas, quæ liberalitas? quæ vita & mores? Cepisti me, è pectore dico: & æternum inhabitabis hoc ipsum pectus. Enimuerò hominem ignotum ignoto eam benignitatem & prothymias, vt cum Plauto hoc dicam, exhibere, mihi hactenus ignotum: & adscribam meritò occulto alicui astro, quod me tibi temperat & iungit. Iam mores tui, quales? non melius quàm Poëtæ verbis descripserim:

———— *fecunda quies, virtusque serena*
Fronte grauis, sanusque decor, luxuque carentes
Delicia. ———

Habes opes, industriam, litteras: sine iactantiâ, procaciâ, vanitate. Felicem animi & iudicij! manè in hoc limite, & inoffenso pede ad calcem decurre. Nec patria te moueat, de quâ in vltimis verbis tuis querebare, & tristiora præfagebas, quàm in re sunt aut erunt. Audi me. nihil noui ei factum, redijt à quibus auulsa est, & post annos CCCCLX. amplius, reliquo Hispaniarum corpori est inserta. At decus eius & imperium perijt! regna alia considera, non nouum. Illud Syriæ, Ægypti, Iudææ, Macedonia vbi est?

———— *quicquid in altum*
Fortuna tulit, ruitura leuat.

* Omnia
 que sunt,
 velut in Eu-
 ripho, sursum
 ac deorsum
 vertuntur.
 Plato.

& sapiens ille verissimâ imagine: * πάντα τὰ ὄντα ἀρχῶν, ὡς ἀπὸ ἐν Ἐυελκῶ, ἀνω καὶ κάτω σπέρσεται. Hæc meditemur, philosophemur. & sicut nube ingruente sub tectum confugimus: sic in calamitate ad Sapientiæ hanc arcem, quam fortuna nullis machinis euerit. Mihi quoque opus, ô amice. & priuatim calumniæ, incommoda, damna circumstant: sed vt gubernator fluctus assilientes negligit, manum in clauo habet, oculos in astris: sic nos oportet, quod benè agimus agere, & mentem ad Deum referre. Ego in eo sum, & consilium meum nosti. neque profectò decebat, cui natura

tura

tura cum bonis esset, vitam ultra cum aliis esse. Vale, & nouum quidem, sed ex asse amicum habe. Aquis Spadanis, xvii. Kal. Iul. ∞. 10. xci.

EPIST. III.

Romam.

IACOBO SIRMONDO *Societatis Iesua.*

GRATIAS tibi mi Sirmonde habemus & dicimus, quo nomine? inquires: hoc ipso, quod tam grata illa ad me misisti. Et si enim non à te, tamen per te accepi. & ut in digniore munere, etiam grati aduersus baiulos sumus, & munusculo prosequimur; sic ego te isto litterarum, cuius operâ & curâ sacra illa donaria accepi. Estne causa scribendi alia? etiam, simpliciter enim agere debeo. Audiui à nostro Delrio ea de studio non virtutis solum, sed eruditionis tuo, quæ excitarunt me ad amorem. Eum seriò nunc defero: si referre placet, fiet amicitiae nexus & copula, quæ ante extremum diem metuat solui. Urbem urbium, in quâ nunc agis, à Bencio meo desertam, tenui famâ acceperam. cur non autem ipsius litteris? nisi si subitum hoc iter fuit, ut solent vestra. Nos breui, nisi fallor, Louanium, idque habitandi causâ: nec aliâ re magis aut spes aut sermones inciderimus improborum. Nisi enim decreto bonus essem, an sic me darem in ipsam bonorum arcem? Et possent nos reuocare aliqua: ut quod locus nunc infrequens, quod limitaneus & parum tutus: sed Pietatis illo aspectu omnia spernimus, & cum Pindaro, * θεῶν δ' εὐχάρτος ἀρχὴν, εἰ δ' ἐν δὴ τὸ κα- * Deo dirigente, nihil est quod nocent.

Vale mi Sirmonde, & vota pro me interpone. Leodici, postfrid. Idus Iulias. ∞. 10. xcii.

EPIST. IV.

Hispalim.

BENEDICTO ARIAE MONTANO *Theologo eximio S. D.*

MIRA & sagax tua beniuolentia. ego vix has oras attigi, & litteras tuas video, aduentum gratulantes. Quis indicium fecit, nisi fama illa, cui ad stipulari nunc possum celeritatis, vel ab hoc exemplo? Sed ita me Deus & omnes cælites, ut iucunda mihi hæc tua gratulatio. illa tantum? beneficentia adiuncta, & munus vnâ mittis. Nec hoc, sed offers etiam alterum, & inuitas me in

A 2

Hispa-

I. LIPSII EPIST.

4
 Hispaniam, & tuam urbem, unò domum: nec ut hospitem, aut
 amicum, sed (eo verbo utendum est) quasi filium. & quis mihi
 crederet? te viuo rerum tuarum consortium, mortuo successionem
 ex asse offers. O pectus benignum, effusum, & cui quid aut quo-
 modò respondeam? Profectò redigor ad silentium, non excitatus
 beneficiis tuis, sed oppressus. Atque hæc delatio mihi maior, quia
 à tali viro. Inter vetera scitè dicta, Crispi Passieni, opinor, hoc est,
Malle se à Claudio beneficium, ab Augusto iudicium: at à te ego ecce
 vtrumque accipio, cuius vel iudicij vnus elogio censuerim me
 beatum. Sed age mi Aria, tu illum imitare ad quem accedis. da
 beneficia, offer beneficia: non aliter quàm arbor pomis grauida,
 quæ ramos demittit, & quasi inuitat ad carpendum. Ego me com-
 munitè olim tuum, qui totum nomen Belgarum opitulando &
 subleuando in asperis illis temporibus deuinxisti, nunc propriè
 sic obstrictum sentio, vt non dicam paria facere, sed nec linguâ,
 stilo, mente concipere possim. Sicut aqua multa per exiguum ca-
 nalem, quæ vult egredi, impetu ipso sistitur & se includit: sic mihi
 fit, qui copiâ beniuolentiæ simul & beneficentiæ tuæ obruor: atq;
 hanc remitto, illam intimis votis, vt in me serues, depono. De re-
 bus nostris, pauca adhuc scripserim, recens etiam de viâ: sed aut
 bonæ erunt spero, aut ego bonas faciam interpretando. Vale vir
 optime, maxime: & æternum me ama tu, pænè dixerim, æterne.
 Certè ingenio iam effecisti, vt mortalitas tua finiri possit, non vi-
 ta. Louanij, Nonis Septembris, ∞. ID. XCII.

EPIST. V.

Vlyssiponem.

LVPO SOAREZIO, *Episcopo Portalegrensi.*

QVID hoc esse dicam non affectus, sed vero verbo ardoris,
 quòd nulla à te epistola ad Plantinum, quin de me & soli-
 citè quæras, & benignè iudices, & amanter salutes? Diu sustinui
 manum, pronam scribere, & affectum reponere (quid minus pos-
 sum?) sic prouocanti: donec hæc vltima epistola tua laxauit, in
 quâ eò descendis, vt vota & cupidinem etiam interponas mei
 videndi, atque amplectendi. Significas dignitate auctum te, &
 opes non animum tantum esse ad benè faciendum. Itaque etiam
 inuitas. Maecte ô antistes! cui vtinam similes (nam pares nolo di-
 cere)

cere) plures Europa nostra habeat, felicius tranquilliusque regenda. Sed pretium quod artibus istis apud nos sit, pudet vel patriæ causâ dicere: iacent profecto, atque ij qui eas præferunt & profitentur. Sicut pueri trochos, pilas, pupas & leuia rerum admirantur, securi vitium: sic plerique è nostris ad vana diuertunt, honesta non neglegentes solùm, sed illudentes. Sed & publicè oleum huic lucernæ parcè infunditur: quod dicere tamen magis me scito, quàm queri. Nam ego cum illo veteri,

Felicem sciui, non qui quod vellet haberet,

Sed qui per fatum non data non cuperet.

In hoc æuum nati, in hanc sortem sumus: apto me ad illud, & hanc fero, sublimi animo, vtinam corpore tam valenti! Sed illud me deserit, lentum, languidum, & abiungi palàm minatur. Quid nouum?

———— *ibimus omnes,*

Ibimus, immensis vnam quatit Æacus vmbis.

Atque hæc talia in Thrasæâ nostro inclusa; de quo quæris, & elicis frustra. Ille caput non profert, & in vtero abortit hic infans. Vale vir Reu^m & magis tuo merito, quàm Regis beneficio magne. L. Bat. x. Kal. Ian. ∞. ID. XC.

EPIST. VI.

Romam.

ALFONSO CIACONI *Doctori Theologo.* S. D.

SVADET affectus meus, sed & tuus, vt ad te scribam. De meo; quomodo non is ad te inclinet, qui me ignotum beneficio, & quidè in re summâ, affecisti? nec enim ignota nobis sunt, quæ Romæ gesta. De tuo; illū ipsum amicū mihi esse, tum sermo quorūdam, tum propugnatio ea famæ scriptorumque meorum, palàm ostendit. Quam etsi iudicio datâ arbitror, & cupio; tamen quòd tam prompta, quòd tam sollicita, adscribo etiam certè amori. Gratum me esse dicâ? sum animo: verbis ægrè possum, minùs factis. Delego hoc nomen superis, & illos voto conuenio, vt pro me soluant. Sed tamè iudicij, & actionis tuæ, quò minùs te pæniteat, hoc addo: esse me corpore, vt antè animo, apud bonos: & mansurum, quandiu hæc vita. In scriptis ipsis meis, siquid minùs lucet aut liquet; non offero solùm interpretationem aut emendationem, sed

promitto. Hæc puro animo ad te: atque etiã illud, si minuta quædam offendunt quosdam (ita intelligimus) ea ipsa paratos aut corrigere, aut potius delere. Audio esse, qui de Bêbo aliquid liberiùs dictum impatienter ferant. Atqui virum eum depressum non iuimus, sed iuuentutem retractam voluimus ab imitariunculis quibusdã, vt nunc quoque censemus, ineptis. Scimus in versã & prosã oratione virum illum valuisse: sed in vtraque extra omnem iudiciorum aleam positum esse, non cõsentimus. Quid si cum modo & modestiã illa ipsa diximus? mihi videor: & si ab iis abiui; nihil recuso liberã admonitiunculã intra limites compelli. vtinam tu vsurpes! audis enim iudicia illic & voces nationis, quam nolo equidem offensam. Sed vellem iudicia semper, & nequid affectus officiat. quia vt oculus, in quem humor illapsus est, parũ clarè videt: sic mens, in quam ille. Ego hæctenus ita censeui. vt in musicã concentus quidã discors probatur; sic esse in studiis, nec liberum aliquem dissensum improbari, si citra conuicium aut litem. Sed vno verbo, tu iudex hïc atque alibi esto: & siue mitiùs ea dici, siue non dici voles, fiet. Librum tuum de *Signis crucis* vidimus, libetèr & opportunè, vt qui in simili iam argumẽto versamur, *De supplicio crucis*. Baroniùs si notus, aut potius quia notus, velim à me saluetur, vir quem meritò boni & docti amant. Idem de *Consaluo Pontio Leone*, cui iamdiu in pectore isto locus. Vale vir eximie, & nobis care. Leodici, post. Nonas Iulias, ∞. 10. XCII.

EPIST. VII.

Pisas.

HIERONYMO MERCVRIALI S. D.

EXCVSARI me ante omnia meritissimò cupio, quòd ad litteras tuas siluisse ais: quas testor sanctè, præter illas de Etrusco negotio, vidisse nullas. Atqui ad illud respondi, & ex Wittendellij litteris video meas quoque perlatas. An ego Mercuriali meo respondere grauarer, qui de plebe hominibus operam hanc defero? absit. Vtique in seriã istã & graui re, & quæ ab eo profecta, quem caput agnosco Reip. Christianæ. De quã vt breuiter & candidè respondeam (ita ingenium meum, & amicitia nostra postulant) sic habe. Ego me honore summo affici, quòd à summatibus illis viris dignus loco illo in primã vrbiuin iudicer, intra me sentio, & gaudeo:

gaudeo: cum tristitiæ tamen illo morfu, quòd nec eorum voluntati, nec meæ inclinationi, fas mihi, hoc quidem tempore, parère. Hæremus enim, mi Mercurialis, & implicamur veteri nostro morbo: qui meliorem hunc vitæ vsum mihi adimit, & non sinit esse earum rerum, ad quas aptus videor, & vos vocatis. Tu scis, quæ vis & effectus Atræ illius bilis sit: quam nos diluere & mitigare (tollere, vix ausim sperare) conamur, vfu fontium acidorum, qui sunt in hoc tractu. Iuuare aliquid videntur, si plenè & bonâ fide, tum denique seriò agere & deliberare mihi libeat, de honestissimo munere, quod defertis. Ego Italiæ amorem non exui, parentis olim & nunc ingeniorum, & altricis: nec stimulos volo qui illuc impellant alios, quam internū hunc affectum. Quid etiam, quòd auctoritas, imò nutus summi mortalium, mihi pro omni illicio & suasionem sit? meritò: qui agnosco obnoxium & subiectum esse debere, quidquid in terris est, capiti huic diuino. Sed causa illa magna, & verè fontica, valetudo, efficiet non vt negem, sed vt differam obsequi: donec Deo visum, firmiorem commodioremque me reddere, & parem muneri, cui destinastis. Id cum rogo, si mihi ex vfu & salute est: reque Clarissime Mercurialis animo amplector & saluto. Leodici, XI. Kal. Iul. ∞. 10. XCII.

EPIST. VIII.

Toletum.

ANTONIO COVARRUVIAE S. D.

O MI Covarruvia, quàm lætum lubentemq. Lipsium tuum fecisti! oculis opus sit vt credas, manus hæc non est exprimendo. Ergo tam amicas, post tam longum interuallum, litteras? ô candorem, ô fidem! Atquin ego nec esse te, nec talem certè in me esse, in omnium illic amicorum silentio, iam sciebam. Causam dicis candidè, & gaudeo, atque etiam approbo. Quid enim excusam? offendimus diuturnâ illic morâ: & cum fluctus isti magni nos eiecissent, stationem illam habere fortasse licuit, non licuit portum. Sed purgat animus inprimis iste, Deo teste, propior semper bonis: tum etiam fortis hæc mea discessio, fortis? imò pænè violenta. ita me eripui iis, quâ vi quâ astu, qui arctis lentisque vinculis detinebant. Deus mi Covarruvia fuit, Deus qui adiuuit. Ego & mea (mea, id est scripta & libri) iam salui sumus:

mus: nec Leodici vltra, sed quod gaudeas, Louanij in ipsâ bonorum arce. Nunquid magis palam possum ostendere me esse, qui sum? id est, pietati & regi consecratum? Atque ego (Deus faueat) hanc mentem habebō, quamdiu vitam. In scriptis nostris siquid obscuri aut ambigui est, aut siquid etiam prauis, declarabitur, affirmabitur, corrigetur. Crede firmiter,

* Nam tibi
firmiter
hee, animi.
que ex mē-
te, profa-
nitas.

* Τοι γὰρ ἐγὼ τοι τὰντα μάλ' ἀτρεκέως ἀγορεύω.

De me haec tenus. Illud in litteris tuis & nouum & iucundissimum, de viro Principe Ioanne Siluâ Comite Portalegrensi: quem non amicū solum litteris, sed etiam nobis significas, rarum in illustribus illis hodie bonum. Atque is, quod meas etiam ad te miserit, quā me deuinxit? Si occasio est, significa: & non moris dicisq̄ue causā, sed ex pectore, pectus hoc illi dona. Amamus veneramurq̄ue meritō tales, olim in vestra gente crebros: cur non nunc? & ad laudem militiæ, quā per omnes, imò super omnes, gentes florent, hanc quoque adiungunt sapientiæ & litterarum? Fiet paullatim, spero; utique cūm Principem nostrum ire hanc viam audio, & institui singiq̄ue optimis artibus, quæ culmen illud ornent. De studiis nostris siquid quæris; paramus ordine dare Historicos plerosq̄ue priscos: & nunc velut extra ordinem damus tres libellos de *Cruce*. quo argumento? inquires. mixto, & partim sacram, partim profanam historiam ijs illustramus. Quidquid in supplicio illo olim fuit,

* Apud illos
vsq̄ue ad
verticem
tibi dixero.

* Εἰ τῶν ποδῶν εἰς τὴν κεφαλὴν σοι πάντ' ἐρῶ.

ut cum Aristophane dicam. Videbis breui, saluebis, & me amabis. Louanij, III. Idus Octob. ∞. IO. XCII.

EPIST. IX.

Romam.

CAESARI BARONIO. S. D.

IAMDIV est cūm animo feci, quod re nunc praesto. Scripsi inquam ad te, & coire volui amicitiae quoddam foedus. & nonne me inuitet virtus & eruditio tua multiplex, & clara per Christianum orbem? Addo iam & beniuolentiam, quam nuper ostendisti palam, in re meâ curandâ, & cōmendandâ. Quod ad famam meam pertinere visum, id vltro suscepisti, & laborasti pro me, quasi pro amicissimo, aut ipso te posses. Ego hæc non scribo in obliuio-

obliuionis aquis : amo te iam olim magne Baroni , & deinceps magis magisque volo. Sum nunc denique purus, inter puros : & hoc quod agitarum de *Politicis* meis corrigendis, ipsi fecimus, uti amicus noster (nam & tuus certè.) *Henr. Cuyckius*, eximius Theologus, dicet aut scribet. Ad summam, amo te & colo : ut alterum mihi facias, te rogo. Louanij, III. Kal. Iun. ∞. IO. XCIII.

EPIST. X.

Patauium.

VALENTI ACIDALIO. S. D.

Tv verò quid facis mi Acidali? Amicitiam meam ambis? abi, abi, frustra: quid ita? iam diu habes. Testor Kalendas anni huius auspices, & ita mihi felix ille eat, ut te amaui cum primum factum illum ingenij tui vidi, *Velleianas Notas*. Leuiculas, inquis. Audacter dicito, & in hac modestiâ consta. Ornamentum iuuentutis, pudor: seges veræ gloriæ & doctrinæ! Alij, inquam, omnes melius de te, quàm tu sentiant: & sic parua tibi videantur quæ feceris, ut maiora cottidie possis. Vix autem faciet, qui facere se iam putat. Sed ad amorem. in clausulâ illius libelli tui, quàm veri & viui ignes? sensi, tetigi, & me quoque iam tunc accenderunt. Quid nunc, cum ventilas eos velut flabro suauissimarum epistolarum? vno veròque verbo, Amo: & velut ad aras tibi, cum poëtâ, spondeo:

* — σέθεν ἐκ ἐπιλήσσομαι, ὄφρ' ἀν' ἔρωγα.

Σωοῖσιν μετέω, καί μοι φίλα γένετ' ὄρωρεϊ.

Certè, naturâ ipsâ duce, amo ingenia, quæ rectiora video, & ire ad bonam famam. Ianum Guilielmium, popularem tuum, quanti fecerim, ipse sciuit, atque etiam posterì, si vita aut gratia meis scriptis. Tu succede. quoniam Deus illum eripuit, optimum æuo pessimo, & constituit in fælici illâ sede. Nos quoque (an aliquid vaticinabor?) breui illuc imus, ut valetudo hæc dictat, vacillans, tenuis: tu viue nostri memòr, & vale. Louanij, Kal. quas dixi anni ∞. IO. XCIII.

* — tui haud capiet me obliuio, quâ diu in vniuerso fuero, & mea cura hac membra mouebo.

EPIST. XI.

Romam.

FRANCISCO BENCIO. S. D.

MIHI verò exclamare magis lubet, O negligentiam, ô perfidiam! & nondum meas tibi redditas esse: tibi vni? imò

B

&

& Baronio & Bellarmino, ad quos utrosque scripsi. Quid autem scripsi? benignè & candidè, quod in animo sentio, rem totam me permittere arbitrio ipsorum. Mihi tamen & notas, uti hîc correximus, censore publico Henrico Cuyckio approbante. Mi Benci, alibi molles fortasse sumus: in re pietatis, sic ut ferrum. Prima illa & summa opinio est, nihil hîc sapere præter id quod Ecclesia prisca, id est nostra. Nam qui aliquid libavit è Patribus aut Conciliis (nos fecimus) scit illam esse vnam. Sed frustra, opinor, hæc itero, & nostras iam accepistis: nostras, inquam, nam Cuyckius adiunxit. Accepi nunc nuper epistolam à Stanislao Rescio; Deus bone qualem, & quàm non eleganter solum, sed nouiter scriptam! Me in Politicis imitatur, & frustula sumit ex auctoribus priscis, atque ea nectit. me imitatur? imò superat, & coronam hanc è capite meo illi dono. Ecce ad eum litteras vicarias, virum & titulum probè non noui (scripsisti Legatum Regis Poloniae esse) ergo tu pro me inscribe, & decòrum hoc serua. Id ipsum proximis tuis significa, quia percolere amicitiam cum illo viro mihi est in votis. Salue mi Benci, & per te quoque tuasque preces fac me magis saluum. Louanij, XIII. Kal. Septembres, ∞. 10. XCIII.

E P I S T. XII.

Neapolim.

STANISLAO RESCIO, *Legato Regis Poloniae.*

OBSTUPVI ad tuam epistolam, & ut legerè cœpi, statum non tenui (rem narro) sed resiliui & retrocessi. Tene, aut quem alium, in hoc genere tam subtiliter, tam scitè, & tam familiariter etiam loqui? Cæcidisti me in meis castris, fateor; & aut triumphum de me cape, si pergis: aut ciuicam, si seruas. Non hæc sunt verba. quis tu in alio trito genere, qui in hoc subito & inopinato sic excellis? Sed in laudes tuas parco, quas in me quidem congeffisti nimis benignè. O vim amoris! nam is elucet in tuâ epistolâ, & video eum ut si in ipso corde. Ille est, qui hæc iudicia tibi dictat, ille qui ad me mittit, & iubet petere, quod debebam deferre. Sed in ordine peccatum sit: in re non præuertes, & pari passu tecum decurram stadium hoc amoris. Nam eum quoque affectum in me cadere, Bencius tibi dicet, qui de religione non celauit. Ea prisca in nobis est (sepone omnes curas) & erit, auctore ipso

ipso fidei adiuuante, quamdiu ero. Enimuerò quem modicè peritum antiquæ historiæ & ecclesiæ, in Græcis Latinisque Patribus versatum, ceperit hæc nouitas? quæ surrexit ad turbas, utinam non exitium, Europæ. Nos abhorremus, & claro fortiq̃ exemplo docuimus, auulsi à locis in quibus ea erat. Ad bonos venimus, etsi iacentes & exhaustos: quia finis mihi non ditiori, sed meliori esse. Gratia tibi magne Deus esto (tuum hoc munus:) nunquam alacrior aut erectior fui, quàm in iacente hac publicâ & priuatâ nostrâ fortunâ. Sed publica, ut spero, resurget: & à quâ parte æquitas stat, felicitas etiam stabit. Ego interea in quiete, libris scriptisque nostris inuolutus; quæ voluptati mihi sunt, ut pietas saluti. Hanc salutem toto animo tibi voueo, & meipsum deuoueo deinceps tuum. xvii. Kal. Septemb. ∞. 13. xciii.

EPIST. XIII.

*Antuerpiam.*PAVLO MONELIÆ *Genuensi Patricio* S. D.

ANTVERPIA vestra plures amicos mihi dedit & nuper ostendit, quosdam veteres, quosdam novos; atque inter hos te, mi Monelia, animo planè meum. Affectus tuus in me, & bonas artes, ita clarus & ardens est, ut Pyrrho si sim vix dubitem, & redamare cogar sic amantem. Facio profectò, & hoc in chartâ istâ configno & testor. Italia vestra plura ingenia ob omni æuo dedit, & aluit: fac ut tuum inter ea censeatur, & Ligures quoque vestri veniant in hanc famam. Habes inter tuos, qui eminent, aut eminent: atque inter eos scriptorem historiæ Lusitanicæ, mihi prudentem & probum. Tua quoque vidi ad ius scripta, laudanda profectò, sed hæctenus, ut gradus tibi sint ad maiora, non ut meta. Ætas adest, ingenium, industria, opes etiam; id est, omnia quæ ducere te ad alta aut ad summa possint. Hortor & faueo; si quæ possunt, etiam iuuo. Expetire. Louanij, Nonis Nouemb. ∞. 13. xciii.

EPIST. XIII.

Mediolanum.

IO. BAPTISTÆ SACCO S. D.

QUOD te non fugit, varias, & à summis etiam viris dignitate aut doctrinâ, litteras accipio: sed tuæ me inter primas delectarunt,

lectarunt, & voluptatem inopinatam animo infuderunt, Ioannes Baptista Sacce. Quid ita? non ob causas, quæ tibi cum aliis communes, sed ob vnâ hanc eximiam, & in te propriam; quòd in eâdem domo & familiâ egeris magni illius viri, heu quondam nostri. Pectus meum mouit ea lectio. quia mortuum etiam nunc colo & veneror, & manes illius æternum mihi sancti. Benè fecit mihi, fateor: mihi, parum est, sed etiam reipublicæ, & toti, vt verbo dicam, Christiano orbi. O consulta eius consilia! quibus vtinam aut semper, aut non tardè vsi essent magni reges! Prudentiæ imaginem in terris si quis pingere aut cernere voluisset, credo eundum fuisse ad hunc nostrum. Iam animus quantus, & quàm altus? pariter vt corpus. Quid probitas & benignitas? summa. quis amor ia artes & litteras? magnus: & eò minus mirandus, quòd plerasque illas sciebat. Pulchritudinem peruiderat, & ideò amabat. Sed vide, quàm in ipso initio eam extra calcem: te alloquor, & de alio loquor. Hoc ipso disces, quàm magni mihi illa causâ, quam amicitie nostræ præterdis, quòd ille apud me tam magnus. Serio & ex animo loquor. Amauit te? te amo. Amasti illum? magis etiam amo. Et accedunt hæc alia, quòd mea & me æstimas, & vltra pretium suum (cur rem non dicam?) dilaudas. dilaudas tamen cum iudicio, & liberè etiam aliquid mones. Hoc est, non dicis te amicum, sed probas. Illa ipsa quæ de religione suggeris, iam aut vidimus, aut moniti ab aliis sumus; & *Politica* nostra reciduntur, cum immutatione aut lenitione, quæ erat opus. Tibi nihilominus gratia. & tales mihi sint amici, qui vtroque calculo vtantur, albo & nigro etiam cum est opus. Nam laudare in promptu est, & sine labore peragitur: iudicatio cum intentione & peritiâ est, & virum quærit. Scribis deinde de iudicio quodam nostro, quod super *Consolatione* feci, falsò (ita sentio, & leni) Ciceroni inscriptâ. Moueri te auctoritate meâ scribis, sed requirere tamen causas, quibus eò sim inductus. Prompsi eas, mi Sacce, iam olim, & publicè vulgauit Plantinus noster in eo ipso libello, quem excudit. si voles, pete. Etsi fortasse quædam etiam illuc calida: vt est ratio mea scribendi, præsertim in epistolis, nec nego: ne excuso quidem, ne bis peccem. Verè hoc quoque notas in epistolâ, vbi de eâ re **καταπέφρασε*: sed quid faciam? candidè hoc apud te promo, talia ista impetu & calore quodam scribimus. Neque id peccatum fortasse;

* *obiter.*

tasse; sed illud, quod vulgamus. Amici inducunt & trahunt, mollem naturâ, & facilem sequi. Sed & illud audi liberè. miror vos viros tales, æui & iudicij maturos; eruditione perpolitos (talem enim & *Folianum* habeo) ambigere in istâ re, quæ mihi extra litem videtur. Affectus aut præsumptiones ponite: quid in eo libello, re aut dictione dignum Tullio? vulgare aut frigidum totum negotium. nec excuset vir doctus, quod in dolore. Ille verò faces etiam admouet, & facit omnia magis excitata. Quis auctor tamen sit, haud temerè dixerim; suspiciunculas moui. & vos vel nunc dicite, vbi vetus illud & primogenium exemplar? vbi reperit? à quo? quis asseruat? Vnum id argumentum commenti, nisi profertur; vna reuictio nostra, si profertur. Aliàs, nemo ab animo hoc impetrabit, vt Tullij esse censeam, in quibus vim & spiritum Tullij non sentiam; & nihil pro illo viro, cui in facundiâ simile non natum, non nasceretur: post quem, vt ille verè canit,

Conticuit Latiae tristis facundia lingua.

Sic ego sentio: nec assentiendi cuiquam legem pono. Ultra in hoc certamen non descendo, nec habeo tanti. Iam in fine, quo magis amorem promas, inuitas amanter in tuam patriam, & in Italum illud solum: laudatum & amatum nobis semper, sed patria hæc tenet, in quam redij, & scito Louanij, in priscâ Academiâ (vt nunc appellamus) publicè me docere. Rex, & patriæ Ordines, honesto auctoramento me habent. Inuitarunt nuper & Veneti, & summus noster Pontifex; sed excusavi, & valetudinè etiam prætexui, vtinam non verè. Illa nobis vacillat mi Sacce, firmanda cum Deo videbitur, & tum quoque in scriptis à nobis expecta aliquid magis firmum. Vale V. C. Louanij, prid. Kal. Feb. an. ∞. MD. XCIII.

EPIST. XV.

Venetias.

Ad III. viros Instauratores Academie Patavinae.

MAGNO me honore afficitis, cum in locum & successionem magnorum illorum vocatis, *Sigonij, Robertelli, Bonamici*, luminum non Italiae solum vestrae, sed Europæ nostræ. Agnosco non beniuolentiam modò, sed hoc ipso beneficium; quoniam, quod in vobis est, datis, cum capere sit in manu nostrâ. In manu? addo etiam in mente, & voluntate. Cur non igitur sit? quia vires,

& valetudo, negant: ista quidem pertinaciter tristis, & illæ imbecillæ. An decipiam & frustrer vos? Lipsium vocatis & expectatis, & adferam eius umbram? bonâ fide hæc profero. Si benignus, & in omnia potens ille Deus, ista duo ex voto mihi daret, omnia essent pro voto vestro. Scio equidem apud vos medicos esse, peritiâ primos; scio benignum Patauij aërem; fontes in viciniâ & thermas: & quid non ad sanitatem, aut voluptatem? Sed chronici & diuturni isti morbi, quàm remediis nullis aut peritiâ cedant, periti vestri medici sciunt. Ad summam, vnum hoc excuso: in cetera utimini Lipsio, Ill^{mi} & Cla^{mi} Domini, tu nominatim Ioannes Michaeli, ut vestro. nec vulgi more prolatum hoc scitote. Louanij, Prid. Kal. Mart. ∞. IO. XCIII.

EPIST. XVI.

Venetias.

IO. MICHAELIO, Equiti, Procuratori Sancti Marci,
III. viro instaurandæ Academiæ Patauina.

MVLTA ad me signa beniuolentiæ tuæ perferuntur. Amici, qui inuisunt ab iis partibus, loquuntur; litteræ alienæ testificantur: quid opus est? tuæ sic palam præferunt, ut manu tangere & tenere videar hunc affectum. Benè sit litteris, quicquid earum in me est: quæ tales viros inclinant & iungunt. Atque utinam votis tuis fas obsequi, quæ in Italiam & ipsam Scholam vestram ducunt! Perhonestum mihi in eâ luce spectari: & quiuis etiam tenebrio, pænè dicam, ibi illustretur. Quid tamen me tenet? quæ publicè dixi, & priuatim candidè, imò sanctè, apud te reuelo. Valetudo mea est, quæ incitatum hunc animi cursum inhibet: mala & præceps, non solum anceps, & deterior etiam quàm in primore fronte exhibeo & ostendo. Sicut struthionem aiunt volandi speciè habere, non volare: sic de me dixerim, in adpectu sanum aut medium, in re non esse. Miserare. & vbi cumque sum, tuum cense: tuum tantum? imò & tuorum cense: quia certè hoc agimus, ut quicquid possumus, diffundatur ad plures & profit. Sicut in publicam popularemque viam omnes semitæ conueniunt: sic scribètiū nostræ stipes, in commune generis humani ærarium inferuntur. Itaque vsu etiam me vestrum interpretare: animo quidem, VTI IS OPTIMVS MAXIMVS QVE EST,
do

CENT. III. EPIST. XVII. 15
do me vobis ac dico. Ill^{me} Domine salve, inelytæ Reip. tutela &
decus. Louanij, prid. Kal. Mart. ∞. ID. XCIIII.

EPIST. XVII. *Bononiæ.*

VLYSSI ALDROANDO S. D.

NOMINE & famâ mihi notus fuisti, vir eximie, priusquam
scriptione. Etsi enim absumus, locorum vasto spatio dis-
iuncti; tamen conmeantium multitudo est, & eorum præfer-
tum, qui è nostrâ iuuentute ad vos se conferunt, optimarum ar-
tium causâ. Ex eo numero Hadrianus Romanus, & Thomas
Fienus, vterque nunc medici titulo donatus, sæpe mihi laudes
tuas prædicarunt, & seriam atque ab ambitione remotam doctri-
nam. O mi Aldroande, quam suaue est, variis præsertim his
epulis pasci? & animum permittere ad res superas, medias, infer-
ras, & quicquid spirituum aut animantium iis continetur? Tu
cotidie facis, & arcanum illum naturæ sinum excutis, fructus
quoque effusus aliquando in publicum & nostrum bonum.
Atque vtinam sint Reges & Principes, qui fuerunt! non teneret
te causa illa ab edendo, quæ nunc tenet, & thesaurum hunc redi-
merent vilioribus his thesauris. Sed bonâ fide, languet optima-
rum rerum artiumq. amor, vt ipsæ res optime; & quidlibet in pre-
tio magis est, quàm quod pretio nullo digno æstimeretur. At nobis
ignoscendum est nostrisq. que, quos civilis iste Mars vexat, & auer-
tit ab omni honestâ atque altâ cogitatione: vestri Dynastæ, in
gremio ipso pacis, cur negligunt? cur Italiæ hanc famam detra-
hant, non coluisse solum semper, sed excitasse ingenia & artes? Sed
est cursus hic nunc rerum, & lex quædam, nisi fallor, mundi: vt
honesti honestaq. iaceant, & exurgat quidquid turbidum est,
aut prauum. An ea quoque lex, vt optimæ artes à nobis vobisque
abeant, ad orbem secretum magis & longinquum? Mihi crede,
incipiunt, & frigidus ille Septentrio excolitur, & nouo hoc amore
inardescit. Quid ad ista me diffundo? amoris est, & iam nunc fa-
miliariter apud te loquor. quem amorem firmum apud me futu-
rum polliceor tibi, vir eximie; & te, qui tuum aperuisti, eodem
hortor. Vale. Louanij, IIII. Kal. Sextiles, ∞. ID. XCIIII.

EPIST.

EPIST. XVIII.

Bononiæ.

FLAMINIO MORO. S. D.

** Morus, id
est stultus.*

VNDE, quis, & quare, ad me scripseris, statim in fronte epistolæ tuæ vidi. Locus, Bononia, verus & vera studiorum mater; tu, minimè omnium quod * diceris, sed scientiæ & sapientiæ alumnus; causa, amor in me & mea, quem acrem profectò præfers. Hæc omnia, an grata mihi, quæris? sunt mi More, sunt: & vel vna quælibet ista res traxerit me ad redamandum. O Italia, quam olim infedi, si nunc videam! si oculis vsurpem insignes aliquot viros, mei sic amantes! profectò exsultem, & non capiam gaudij mei modum. Vnde tamen hic in me fautor, nisi à numine? Deus est qui impellit, & benigni cælites: quos scito mi More, piè & purè à me colî, id est ritu prisco. Opinionum hæc aura pestilens, quæ cælum nostrum infecit, me non afflauit: & inter ægros multos & causarios Ianus ambulo, in hac quidem parte. Argumentum tibi dabunt libelli nostri de *Cruce*, quos vel hæc causâ scripsi, vt præcones testesque essent, non doctrinæ meæ, sed auitæ pietatis. Ergo tu non solùm ita senti, sed vt alij sentiant facito, pro virili quidem tuâ parte. En manum meam, en affirmationem. non fallimus in his talibus, in quibus se primùm fallit, quisquis alios conatur. O miser, qui aliam hîc linguam habet, & mentem! Sed vt, quæ causa scribendi tibi fuit, in eâ desinam, amo te amantem, & id quoque fide prisca. Vale. Louanij, IIII. Kal. Sextil. ∞. IO. XCIII.

EPIST. XIX.

*Mediolanum.*FREDERICO BORROMEO *Cardinali* S. D.

GRATAM tibi fuisse scriptiunculam nostram, id verò lætor, nec tamen miror. Pro ceterâ humanitate tuâ est, quâ me amplexus & amasti, & vtrò ad scribendum prouocasti. Ego verò illi respondeo, amore tantùm? imo & cultu: quorum alterum affectui debeo, alterum dignitati. O Italia semper hoc nomine felix, quòd non ingenia solùm habuisti, sed etiam qui fauerent, & fouerent! Nobis hoc deest, liberè dico, qui diuturno isto bellorum æstu inuoluimur, & perit apud nos, quidquid elegans aut

aut honestum. Utinam illa tantum! sed maiestas imperij, & ipsa pietas periclitantur: si vnquam, rebus nostris infirmis, & spectantibus lapsum. In Deo spes est, atque eo solo. nam humana, non dicam auxilia, sed & consilia valdè labant. Vos auditis haud dubiè, nec lubet hæc publica & tristia in epistolâ edisserare. Illud me in tuâ pupugit, de Bencio: de quo iam antea audieram; fateor, sed parum certò, & spes adhuc aliqua franabat dolorem. Qui nunc erumpit, & agnosco ac toto animo profiteor, amississè me inter amicos tempore, fide, ingenio primum, aut certè iuxta primos. Mi Benci, quæ tibi mens sic abeunti? me præeunti, qui tot iam annos languedo, & fatum meum exspecto? Sed scilicet plus impiuri & terreni in me, quod depurandum sit; te ille Deus, in sanctitate istâ vitæ, vocauit ad puras & æthereas sedes. Salue, salue, & vt nos tales aliquando, aut potius breui, precibus tuis adiuta. Quò abeo? abstrahor à te Illustrissime, sed per te, qui pectus mihi fodisti Bencij mei mentione. quod sic apertum tibi confecro, & quicquid Lipsius, aut in Lipsio, tuus est & tua. Louanij Kal. Sept. ∞: 10. XCIII.

EPIST. XX.

INNOCENTIO MALVASIÆ, *Nuncio Apostolico.*

VT legi litteras, quas ad me dedisti, variè fateor me affectum, & velut distractum. Gaudium mihi fuit, in vocatione tam honorificâ, & iudiciis talium virorum de me benignis. Quid ad gloriam mihi amplius, ad commoda vtilius, quàm in vetustissimam & celeberrimam Academiarum venire? quæ non falsò se dicit, & inscribit, *studiorum Matrem*. Ego totam Italiam vestram amo, & veneror: tacitâ quadam inclinatione naturæ, tum etiam ob illa ipsa studia quæ colimus, quibus fons illinc & sedes. Quòd si voto meo dirigenda vitâ sit (sed Deus, & id quod fatum vocamus, superant:) Italia me videat, teneat, cineres etiam meos cõdat. At enim multa obstant, quæ pro prudentiâ tuâ, me tacente, vides. Et possum fortassis reliqua vincere: vnum illud de valetudine, forte & decretorium est, vt ita dicam. Ego ille imbecillus, in decennali amplius languore, atque eo pessimo, & qui pertinaciter spernit curam, quæ veniam in Italiam vestram? & si venerim, quid

C

quid

quid faciam? Par esse muneri imposito possum? par opinioni conceptæ? diffido. Hæc causla vnâ est cur tardem & abnuam, & votis vestris non iungam mea vota. Deliberabo tamen etiam, & Deum in consilium, inò & in auxilium, aduocabo: si fortè sub vernum tempus vires aliquas maiores mihi donet, aut spem de valetudine firmiorem. Interea priuatim, gratias equidem habeo pro benignitate in me tuâ, quam ex ipsâ scriptione vestigiis totis colligo: & ex animo addictum me esse & fore, veraci calamo consigno. Ill^{me} & Reu^{me} Domine in bonum publicum, & tuum, vale. Louanij, VIII. Kal. Mart. ∞. IO. XCV.

EPIST. XXI.

Bononiam.

FRANCISCO LEONINO S. D.

QUOD me compellas, nobilissime iuuenis, proficisci video ab amore virtutis & litterarum. Ideò te iure amo, qui sic ista. Vnâ in re nolim te falli, si eximia illa duo in me esse censes: non sunt: sed cupido tamen eximia, & omnem vitam hoc egi, vt eas mihi parte aliquâ conciliarem. In Italiâ vestrà (felice artium virtutumque parente) illi viri sunt, quos meritò admireris, quos ad imitandum proponas, generosi & honesti omnis exemplar. Siquid tamen aut ego cogitatus, aut scripta mea lecta eò faciunt, gaudeo, & perennem mihi hunc fructum studiorum opto. Vnus enim ille mihi finis, non vt maior, sed vt melior fiâ, & alij per me tales. Vale nob^{me} iuuenis. Louanij, post. Kal. Mart. ∞. IO. XCV.

EPIST. XXII.

*Bononiam.*ÆNEAE VIZANIO *Doctori Medico* S. D.

DVO me fateor in scriptione tuâ miratum, & quòd scribis, & quòd sic amas. De isto magis, quia me & mea qui noui, vix reperio quidquâ magni, quod conciliet mihi viros istos magnos. At benignitas vestra est (non enim iudicij error) quæ impellit ad amandum etiam eos, qui alta & honesta amant: & cupido apud vos gratiæ locum inuenit, non solùm effectus. Longùm mihi hæc alloquia, hæc testimonia sint: quæ velut stimulos habeo, ad pergendum in duplici hac viâ Scientiæ & Virtutis. Iungo enim quâ possum,

possum: nec Deus ille velit, posteriorem hanc à me vnquam dis-
iungi. Prior illa voluptatem in animis gignit, hæc fructum; illa
dum viuimus, hæc cum viximus etiam utilis opportunaque est.
Vtramque in te esse Vizani, vel hinc colligo, quòd studiosos &
candidatos earum ames. Fac mihi semper, & cum fænore affe-
ctum eundem à me refer. Louanij, postr. Kal. Mart. ∞. ID. XCV.

EPIST. XXIII.

Bononiam.

MELCHIORI ZOPPIO S. D.

QUOD me & mea amas, sed cum iudicio, id verò amo, & in
animo isto laudo. Etsi enim me fortassis sine exceptione
amare possis, & toto quòd dicunt, pectore: tamen in meis profe-
ctò aliud est, imò clamo, cum iudicio, & alibi notâ, legenda esse.
Nam mi Zoppi, quid sumus nos omnes, qui aliquid esse vider-
mur? homulli, & in quibus æthereæ illius partis aliquid emicat
fortasse, sed non sine adiunctâ terrenâ suâ facce. Itaque caligo, hæ-
sitatio, error, agnata sunt nobis: & nihil tam eximium ab homine
eximio, in quo non ea deprehendas: Atque ego vt liberè ista fa-
teor, sic libenter inspicere ac tangere ab aliis patior: nec sum ille mei
admirator (ah, absit) qui extra iudiciorum aleam me ponam.
Subjicio, subjicio; & si vlla virtus placita mihi vnquam aut pla-
cet, ea Modestia est, & apud te testor. Si coràm me videres, & ser-
monis morumque meorum arbiter esses: idem diceres, nec aliud
mihi magis vindico quàm istud. Itaque de Plauti altero loco, li-
berè fateor, me quoque iam aliter sentire: de altero hæsito, nec fir-
mum video cui innitar. Tuum studium rerum talium & inqui-
sitio grata fuit, amor & affectus in me gratissimus; quem ita mihi
serua, si meum tibi reddo. Louanij, postr. Kal. Mart. ∞. ID. XCV.

EPIST. XXIII.

Bononiam.

VLYSSI ALDROANDO S. D.

QUOD libente animo ad vos soleo, dolente & tardante nunc
scribo. Causa, quia quæ vultis velle non possum, & cogor
nunciare, quod sit præter animi vestri sensum. Quid id est? fru-
strâ circumueo, me non venire. Mirum & pænè dixerim miserum
C 2 nego-

negotium, volumus vtrunque, nec fit quod volumus: quia aliquis supra nos & contra nos vult, cui non repugnamus. Rex est, & eius Consilium, qui me hic sistunt, qui suum esse habitatione volunt & incolatu, vti sum natiuitate. Succumbimus, mi Aldroande, tam grandi auctoritati, etsi Italiam, & Bononiam vestram, in intimis istis sensibus amamus. Adde valetudinem, sic affectam (non mentior) vt credam me, Homeri verbo, *μυρωδάδιον* & brevis vitæ ac moræ in hac terrâ esse. Quid me commoueam, quid vos aliosque excitem, & mox deseram, vix à vobis visus, aut certè non benè inspectus? Externa meâ, facies, verba, habitus, modica sunt, nec pro expectantium opinione: in scriptis, & publicâ actione, fortasse aliqui sumus, & ostendit se illis, siquid in nobis melioris auræ. Ah, cur non licet mihi theatrum illud sano celebrare & vegeto? spernerem omnia, & aut soluerem vincula aut rumperem, quæ me ligant. Nunc vetus illud fiat & sapiens, * *επι βρω*, & quod ille ducit aut abducit, sequamur. Quæso, ac per sanctum Amorem rogo te, mi Aldroande, ne aliter interpretare: & scito me affectu vestrum esse, cum re non possum. At tuus sum priuatim etiam, inter primos: ne desine amare me, qui aliam & interiorem amandi causam habuisti. Louanij, XI. Kal. Iun. ∞. 10. XCV.

* Deum se
quæro.

EPIST. XXV.

IACOBO MARIAE CAMPANACIO,
Bononiensi Senatui à Secretis.

QVOD litteris tuis beneuolè & prudenter scriptis (fateri debeo) me affaris, gratiam habeo mi Campanaci; & sentio quantum obliget vobis, qui velut consensu & conspiratione sic me amatis. Amatis tantum? iuno & honoratis. Vocatis enim in locum, quem primarij Italiae, vel Europæ potius, viri infederunt: quod magni equidem facio, & (testor Deum) iubet hic animus & impellit parere. Quid tamen dissimulem? teneor & obligor à rebus meis, ab vxore & familiâ, à Rege & Ordinibus patriæ, denique à valetudine: vt non sim expediendo. Trahitis vos absentes, isti præsentés validius retrahunt, & assertum eunt sibi. Obsecro te Vir prudentissimè, tu quoque hæc considera, & cogita rumperere ista non fortis solum viri esse, sed felicitis. Hoc postremum

Deus

Deus fortasse mihi abnuvit: quem alioqui testor, cumulum me felicitatis habiturum, inter insignes istos viros & Italiae apices, si in urbe vestra consenescam. Senatui tuo si in occasione hoc indicas, beneficium mihi dederis: & maius, si pro meo non tuo sensu, id est fortiter & ad suadendum, hoc dices. Scio enim & te inter cupidos mei esse, eoque minus aptum causae approbandae. Louanij, VII. Kal. Jun. ∞. IO. XCV.

EPIST. XXVI.

Patavium.

VALENTI ACIDALIO.

QVID tu ais? redire te? at vix etiam visa tibi Italia est: certe non eius praecipua pars, & inclyta illa Roma. Faciam transiens, inquis. Meo consilio, insideas potius & inhabites, & fiet cum tuo bono. Scito certo, nescio quem genium loco illi esse qui ingenia poliat, iudicia formet: & in iuventute experti nobis videmur. Praemia etiam ingenio tuo vis? illinc pete, & aureum velus Iason refer, sed sine vlla Medea. Addis de quodam qui *Politica* nostra carpat, & minetur contra scribere. Itane? faciat. ego solidum hoc corpus puto, & quod non metuit Saturnium aliquem dentem. Sed mi Valens, ita res est. ubi melior fama surgit, adheret statim altera: & ignavi atque ignoti tantum ab ea immunes. Ut piratae in mari onusta naui insidiantur, vacuum neglegunt: ita hic fit. Poeta hoc pulchre:

* Τὸς ἀγαθὸς ἄλλος μάλα μέμψεται, ἄλλος ἐπαινῆ.

Ἐὼν δὲ κακῶν μὴ μὴ γίγνεται ἐδορία.

Hoc solemur nos, & illum mittamus: certi, nihil placere omnibus, praeter *placentam* (veteri verbo) *et vinum*. Sed heus, de *Martiali* quid tu monstri? edi illum in vicinia vestra cum meis *Notis*: Numquam scripsi, numquam misi: & miror te quasi ambigentem quaerere. Nonne hic ad manum familiares mei Typographi sunt, quibus commendarem? Fraus aliqua est, & fortasse e libris meis collectanea, quibus titulum hunc imponunt. Quæris in ista occasione de poetae eiusdem loco, in *Cotylum* quemdam, qui scitus & bellus videri affectabat:

Qui scit, quam quis amet, qui per convivia currit:

Hirpini veteres qui bene novit auos.

C 3

Quis

* Namque
probos alius
carpit ma-
le, laudat
at alter;
Praiorum
porro men-
tio nulla
hominum.

Quis iste, inquis, *Hirpinus*? non è familiã aliquã Romanã, ne erres, (etsi ea quoque fuit) sed equum hîc intellegit in Circo nobilem, & multarum palmarum. Nam ea etiam infania, vt stemma & præuos equorum talium quærerent factionarij, atque inter se celebrarent. Statius in Siluis:

— *Romulei qualis per iugera Circi*

Cum pulcher visu, TITVLIS GENEROSVS AVITIS,

Exspectatur equus: cuius de STEMMATE LONGO

Felix emeritos habet admissura parentes!

Eccc. vides titulos auitos, & stemmata spectata in his equis? De *Hirpino* etiam, propriè Iuuenalis: - *Corithæ posteritas & Hirpini.* sed clarissimè lapis verus, quem Romæ olim vidi & exscripsi, iste:

AQVILO. N. AQVI

HIRPINVS. N. AQVI

LONIS. VICIT. CXXX

LONIS. VICIT. CXIII

SECUND. TVLIT

Hic in medio vir est

SECUNDAS. TVLIT

LXXXVIII.

(conditor factionis

LVI. TERT. TVL

TER.

Ruffata) qui dextrâ ba-

XXXVI.

TVL.

culum, sinistrâ pabulum

XXX

tenet: & vtriussecus duo

VII.

affilientes equi.

Habes ipsum hîc *Hirpinum*, atque ad eò eius auum *Aquilonem*. Nam illud .N. in lapide *Nepotem* notat. Vides & palmas vtriusque, & plures etiam in auo. Sed accipe & vtrò locum alium in eodem poëtâ. Lib. x. Epitaphium est matronæ cuiuspiam, atque ea loquitur:

Bis mea Romano spectata est vita Terento,

Et nihil extremos perdidit ante rogos.

Quid vult? vixisse se & vidisse binos sæculares? nihil magni aut memorandi, in illo Domitiani æuo. Nam Claudius ecce sæculares dederat anno urbis dccc: iterumque Domitianus, quasi erroris illum arguens, dccxli. Itaque anni intersint tantum xl. Puto litterâ additâ scribendum, *vitta*: quod valdè sententiam mutet, & ad matrimonium ducat. Nam *vitta*, vt scis, maritarum. Itaque gloriatur, se tot illos annos nuptam, & in theatris vittam suam spectatam. Vale mi Acidali, & de mansione aut reditu tuo (sed si me audis, illâ) fac me scitiorem. Louanij, III. Kal. Octobr.

EPIST.

EPIST. XXVII.

Bononiam.

ANGELO SPANOCHIO, *Patricio & 1^o primario S. D.*

NON venio mi Spanochi, ne per ambages te ducam, & statim effundam, quod tibi (addo & mihi) molestiæ est aut dolori. Causæ sunt, utinam ne tam iustæ, & quas fonticas antiqui vestri consulti iuris appellabant. Valetudo enim, valetudo, ut alias omittam, inprimis vrget; & hæc venire me non vult, cum exiguo vestro aut nullo usu. Atqui melior ibi fiet, inquis. posset profectò recreari aliquid ab aurâ non tam Italiæ, quàm benevolentia vestræ, qui sic palàm & ex animo amici estis: sed recreari, non firmari, & ego (nequid telem) de eâ panè despero. Ad aquas acidulas iam inus, siquid iuuabunt: ceterum mens, corpus, manus, omnia à tam lento & longo morbo languent. Tu vale illustris Spanochi, loci & professionis tuæ decus. Louanij, vi. Kal. Iun. ∞. IO. xcv.

EPIST. XXVIII.

Bononiam.

FLAMINIO MORO S. D.

IN dolorem me das amicis tuis litteris, mi More. Identidem vocas & reuocas, amorem & panè iram misces, & non spem solum sed etiam metum proponis. Ah, quàm non opus istis, si quod volo liceat mihi velle, dicere, facere! Non licet mi More, crede. nec aliud me tenet aut terret, quàm quæ nuper distinctè & largè tibi indicaui. Fidem non habes? supremum numen iuro & aduoco, ita esse. Valetudo quidem sic affecta est, ut iam nunc ad Spadanas acidulas eam, vix instaurandæ illi (quâ sperem?) sed fouendæ. Atqui alij, inquis, aliter credent, & loquentur. scio panè quid velis. Sed cuius sapientiæ, aut etiam fortunæ sit, omnibus placuisse? omnium iudicia aut suffragia meruisse? Ut in mari alij aliàs venti, gubernator tamen rectum cursum tenet, nec deflectit mentem aut oculos à proposito portu: ita nobis esse debeat, recta petere, prosequi, nec eiici viâ, aduersante aliquâ iudiciorum aut sermonum aurâ. Caput rei pietas, salua mihi est, & (spero) erit: nec tu cense eam, ubi nunc sum, ambiguam esse, aut intutam. Louanium mihi sedes, ipsum eius domicilium, arx, asylum. Quidquid turba-

turbatum in his locis, hæc firmiter stetit, & vicina omnis contagio aërem hunc non infecit. Ibi sumus, ibi erimus: & si vsquam pedem mouemus (quid tempora ferent, nescio) ad te & Italos imus fortasse, etiam intocati. Hæc ex animo More: tu me in tuogesta. Louanij, vi. Kal. Iunias, ∞. 10. XCV.

E P I S T. XXIX.

Bononiam.

IO. COSTÆO, *Doctori Medico.*

TARDA & pigrâ manu scribo, me vobis negare, quod sic honestè & amanter vultis. Quid enim faciam? sum in alienâ manu, nec frontis meæ est resistere meo Regi, & Ordinibus patriæ, qui sistunt & tenent. Quid hîc sit, quid apud vos mihi futurum sit, non ignoro: sed cogor cum Vlyse Homerico, si commemini, deplorare,

* Quod
non sic mi-
hi Dij felici-
cia decreuerunt.

Ὡς ἔμοι τοῖς Τυ ἐπέλωσεν θεοὶ ὄλεον.

Patiamur. vobis quidem exigua iactura, qui & alios viros facilè nanciscemini; & quod caput est, validiores, eoque diuturniores ad hoc munus. Nam mea vita (ne ominis quidem causâ filebo) brevis est, & valcrudo hæc indies afflictior, parum de eâ promittere iubet aut sperare. Te intereà amare cogor, mi Costæe, mei sic amantem, & hunc affectum mecum feram ad meliora & superâ illa loca. Vidi Ill^{mi} Cardinalis *Palæoti* honesta verba de me, & iudicium. Obstringor summo viro, & verè inter magna lumina Italiæ vestræ. Vale. Louanij, vi. Kal. Iun. ∞. 10. XCV.

E P I S T. XXX.

Madridum.

NICOLAO DAMANTIO, *Brabantia Cancellario,*
Præsidi & Curatori rerum Belgicarum.

MILITIAM meam cum Principi inscripsssem, nec offerre eam esset in meâ manu: ad te confugi Vir Amplissime, quem subire has vices meas & decere arbitraret, atque adeò (ignosce fiducia) debere. Quis nescit te eximium ibi inter Belgas esse, & patriæ nostræ res publicâ auctoritate & missu curare? Atqui inter Belgas etiam ego sum, & corporis illius commissi tibi membrum. Suscipe me, aut potius hospitem meum librum, & ad illas
aras

aras ac sacraria te mystagogo inducatur. Placere ad spectum statim posse, non assero: fortasse inspectum. & certè insunt, quæ in materie Principibus dignissimâ, primi produximus & misimus in claram lucem. Cetera Prefatio mea dicet. Ego te rogo, per communis patriæ iura, vt huic Telemacho verecundanti quasi Minerva esse velis, & apud magnum illum Nestorem sistas. Cuius iudicij libram si testimonij tui momento in fauoris partem inclinas: tibi ego, & mecum litteræ debemus, quæ nimis diu est cum apud nos, per ciuica hæc bella, iacent & languent. Erige & attolle: ita Deus te hîc felicem ad illa alta & æterna. Vale regi & patriæ, Vir Amplissime. Louanij, Prid. Kal. Sextil. ∞. IO. XCV.

EPIST. XXXI.

INNOCENTIO MALVASIAE, *Nuncio Apostolico.*

HUMANITATEM tuam, quâ præfens in me vsus es, sæpe ruminor, & dolorem aliquem in animo hoc reliquit. Quid velles cum tuis & desiderares, vidi: & idem me velle, nec tamen posse, hoc doleo & in animo queror. Quid faciam? multa occurrunt & interueniunt, quæ non sinunt nos esse arbitrij nostri ac spontis. Sumus sub imperio alieno, in eo nati & educati: addo vires & valetudinem non ad omnia aptam: addo vxorem & familiam, denique & patrimonium & amicos; quæ omnia in oculis habere debemus, cum de migratione, præsertim tam longinquâ, deliberamus. Et primum, quod ad imperium attingit; Regi meo subsum, potenti, magno, & in triplici iam orbis parte timendo aut verendo. Ille me retinet, imò liberalitate nouâ inuitat: quæ frons mea aut pudor sit abnuentis, aut spernentis? Certè ante omnes illi me ratio, & mos etiam, obligat: nec soluius eiusmodi vincula, nisi necessitas aut summa ratio impellit. Quid patria? manus mihi iniicit, & iunctis suffragiis verat deserit & abire. Alterum quod posui, Valetudo est. Testor æternum, & quod omnia videt ac scit, numen, me ab vndecim iam annis in aduersâ eâ fuisse, lento ac tabente morbo affectum; nec corpore solum, sed animo & his ingenij functionibus laborasse. Atqui ad eas exferendas à vobis vocor. Quid si breuis & paucorum mensurum, an dierum, vita mea sit? Non ludo, seriò ita sentio, decurrisse me penè hunc cursum. Cur vobis sumptum, mihi molestiam

D

addam;

addam; sine certiore aliquo fructu? Tertium, Vxor, res meæ, & amici. Obsecro te, patiaris & hæc me inspicere, etsi priuata, in publico negotio: sed ita priuata, vt sine iis, aut aduersantibus iis, haud commodè satis & tranquillè viuamus. Vxor igitur ætate iam declinæ, & corpore parum valido, ipsa ignara sermonis illius & rituum, egrè transferri & inseri velit in nouitium illud solum. Addidi res meas, siue patrimonium & agellos, quæ à maioribus habeo: curam & inspectionem meam ista desiderant, præsertim afflicta per nimbium hunc ciuilibus & intestini belli. Denique cognati & amici non queruntur sed increpant, & pænè impietatis me accusent si relinquam. Ista sunt, quæ quisque rerum humanarum & ciuilium gnarus, per se consideret, & causæ meæ ac decreto suffragium fortassis nolens etiam addat. Sed mihi opponitur aut opponitur, Cur spem igitur fecisti? cur non abhorreere te à locis & conditione eâ ostendisti? Agam simpliciter & ingenuè, vt mos meus postulat: ideo spem aliquam feci, quia mihi ipsi spes aut votum erat; & quia nulla vocatio (plures habuimus) sic delapsa in animum hunc, non solum aures. Viri primores in eâ ciuitate, qui ad me scripserunt, valdè vel auctoritate vel affectu suo commouebant: & vno verbo, ipsa Bononia, vetus & fida studiorum mater & custos, incitabat. Non ego cogitarem locum amcenissimum pænè Italiæ, & vberimum (vidimus enim, & his oculis vsurpauimus:) tum etiam viros & antecessores, qui locum eum docendo scribendoque illustrarunt? Cogitauit, & velut faces subdi mihi & admoueri sensi ab hac memoriâ, & trahi, vt pedem ponerem in vestigiis clarissimorum & perennium ingeniorum. Itaque inclinaui, non nego, & nunc profiteor: sed in litteris tamen meis ac sermone (ad te Ill^m Domine appello) cauta omnia & adstricta fuerunt, & deuincta ad duplex caput, Regiæ voluntatis, & Valetudinis nostræ: Velle ostendimus, sed semper cum duplici hac exceptione, si aut ille vellet, aut hæc pateretur. Repugnant vtraque, vt dixi: atque ita veniam mihi tribui à vobis etiam puto, si voluntati & petitioni vestræ non do manum. Consigno hoc iam nunc & testor, Italiam à me amari, & in Italiâ Bononiam: sed incolæ à me & infideri, ob causas iam dictas, non posse. Quas vt Ill^m Domine bonas æquasque iudices, votum meum est: & per te inclytus ille Senatus, cui etiam absens cultum

omnem

omnem deferò & affectum. Vtraque hæc seorsim tibi, qui me priuatim humanitate tuâ & comitate deuinxisti. Louanij, Kal. Iuniis, ∞. IO. XCV.

EPIST. XXXII.

IOANNI IDIAQVEO, *ab interioribus consilijs*
Hispaniarum Regi.

IN aquis Spadanis cùm essem, bonæ sorti refero acceptum, quòd notitia mihi cùm Gastone Spinulâ fuit, viro genere & prudentiâ illustri. Multus & cottidianus inter nos sermo: sæpe etiam de te (cur dissimulem?) vt est ille vir & cognitor virtutum tuarum, ideoque mirator & præco. Is me impulit vt ad te scriberem, & facilius persuasit, quia occasio etiam esset: quòd nunc nuper libros DE MILITIA Principi nostro inscripsissem, & misissem. qui à se minus fortasse commendabiles, iuuari produci que possent gratiâ & auctoritate tuâ. Scimus enim quem locum apud magnum Regem nostrum meritissimò teneas: cui consilium & leuamen es, & Ioui illi, vt sic dicam, Pallas. Felicem regem talibus ministris! qui præter prudentiam & fidem, probitatem etiam adfertis & modestiam in sublimi illâ fortunâ. Quod Catoni suo poeta adscribit, tibi conuenit:

Iustitia cultor, rigidi seruator honesti,
In commune bonus.

Priuatim vt etiam in me bonus sis, & trepido aut hærenti libro nostro manum potrigas, te rogo. qui multos iam annos studia hæc honestissima colo & orno, nec magnâ, nisi à conscientiâ, mercede. Vale vir illustris, & virtuti tuæ addictum, beneficio etiam obstringe. Louanij, viii. Kal. Sextil. ∞. IO. XCV.

EPIST. XXXIII.

Bononiam.

PETRO PENDASIO S. D.

QUOD tu quoque me affaris, ô eximie, & non animum solum in me aperis, sed coniunctionem appetis, & corporibus quoque istis vis vnâ esse; id mihi verò gratum, vel potius volupe fuit, & intimos istos sensus diffundi sensi, ac gaudij quadam

J. J. J.

D 2

vi

vi tentari. Tunc ille, quem norunt & laudant, quicumque Virtutem & Sapientiam norunt? qui non solum es - * *πεποιμένα μύδια ἐιδως*, sed cum eodem poetâ vt dicam, - * *παντοίως ἀρετῆσι κακασμένος*. Debeo deinceps tibi priuato hoc nomine, mi Pendasi; & si factus aut iactantia me tangant, videar aliquis mihi esse, quia tibi sic placemus. Sed non hoc irrepit. humanitatis tuæ sit, laudasse & æstimasse: mei iudicij, eadem tibi, sed ex vero, rependisse. Proh Deus & omnes superi, cur non videre mihi fas istas puriores animas? cur non amplecti, & ab amplexis non diuelli? Fata verant, & manere me volunt in hoc natali solo, nec aliâ fortassis re (venia dicto sit) nunc laudando. Nosti illud vetus

* *sapientia plurima noscens.*

* *Omnibus excultus virtutibus.*

* *Ὡς ἐδὲν γλυκίων ἢς πατρίδος:*

* *Quam mi suauis est patria!*

& accedit auctoritas siue iussio magni Regis, qui cogit. Breuiter & verè tibi ista, vir amice (talem enim habeo, & habiturus sum:) ac precor, vt etiam si collegij vestri futurus non sim, sim tamen in amore consors & affectu. quem tibi fideliter offero & voueo, ita me ipsa Fides & Amor ille æternus ament. Louanij, xii. Kal. Iun. ∞. IO. XCV.

EPIST. XXXIIII.

Madritum.

MARTINO IDIAQVEO, Regi à Secretis.

MIRABERIS cum hanc manum vides, nomen legis. Quid mihi tecum? inquires. Repono, Quid tibi cum optimis artibus? quarum, omnium elogio, cum & amans & intellegens sis: mirum tibi & insolens, si ego adeam earundem ambitor & cultor? Iungit nos hoc vinculum: nec vt in profano amore, dissociamur & amulamur, qui sumere gestimus ex vno riuo. Itaque ea causa fidenter me ad te misit: atque adeo cum munere, quod Principi inscriptum, id est Regis filio & futuro Regi, debetur in parte etiam Regis ministris. Accipe, inquâ, nostra DE MILITIA: accipe me auctorem vnâ, nouum clientem siue amicum dici voles. quem, si non aliud, amare vetera & honesta studia, eadem è tenebris & caligine educere, pro virili vides: atque igitur si illa amas, me ama. Ita te Deus & Rex, iste in ætatem, ille in æuum. Louanij, v. Kal. Sextil. ∞. IO. XCV.

EPIST.

EPIST. XXXV.

Bononiam.

FLAMINIO MORO S. D.

MEVUS es mi More, & semper eris. Posterior epistola tua amorem & benignitatem pariter adfert, priores spirabant & iram, sed illam quoque ab amore. Acquiescis in consilio meo: magis faceres, si scires quàm iustæ eius mihi causæ. Nihil in speciem, aut pro tempore, dicimus: sed valetudo causæ, causa illa fontica, utinam non sit qualem describo! Ecce ad Acidulas iui (audi tristem nostrum casum:) Nuncium illic Pontificium reperi, globus prædonum è Batauiâ inopinatò inuasit, & pænissimè omnes nos abduxit. Quàm illa excusatio legitima futura, sed non pro meo gustu! Deus solus fuit, qui eripuit, & vires atque alacritatem non ad cursum, sed ad saltum, addidit, ut Centauros illos euaderemus. Nam & equites erant, sed trans sepes aliquot ego cum comite vno salij, & contra quadrupedum impetum repagulo illo me muniui. Nuncius ipse in templo asylum habuit, non sanctimoniâ defensus, sed foribus & munitione obiectâ. Ecce fortunas. Cur ad nos non venis, inquires, vbi hæc non eueniunt? Vellem, sed causam nunc, & causas aliâs apud te dixi, nec suspicari aliud in hac re esse. Candor in me est, atque is proxi huius moribus nimius: & priuatim sæpè læsit. Quod quæris de Libro quem iussi diuulgari, is est de *Militia Romana*, ad *Polybium*: opus minimè pro vulgari gustu. Totum in antiquitate est, & scis quàm omnia tot sæculis immutarint. Quæ tunc bella & valida, hodie ridicula aut imbecilla sunt: sed vsum habeat tamen, ut volui, in historiâ & scriptoribus illustrandis. Velim ad te mittere liceat, tanto interuallo: profectò hoc & alia à me haberes inter amicorum primos. Ceterum, apud alios illic, ut offers, me excusa, & fac ut me sentiant virum esse (de ceteris non laboro) probum. Omnia mihi detrahantur: Pieras & Virtus mancant, quæ mecum feram in sepulchrum. Eòdem & tui amorem, mi More. Louanij, post. Kal. Sext. ∞. ID. XCV.

D 3 EPIST.

EPIST. XXXVI.

Romam.

ANDREAE SCHOTTO è Soc. Iesu S. D.

ITALIAM & urbem dominam te retenturam, mi Schotte, non opinabar; & videbaris spem fecisse non litterarij huius colloquij, sed mutui adspectus. Sed ab alieno nimirum arbitrio cum pendes, res ista in tuâ manu non fuit: nec aut dissuadere aut tritari possum, te esse in luce illâ loci ac hominum, seiunctum à nobis veteribus quidem amicis tuis, sed & à turbis & ciuilibus dissidiis, quæ sine intermissione tot annos adfligunt nos & vexant. Quid quòd ipsi homines per ea mutati sunt? non est prisca illa humanitas aut comitas Belgarum, non honos aut amor meliorum artium; ferocia est in plerisque, & contemptus, & barbari quidam ac Martiales ritus. Utinam ille, qui exspectatur, ALBERTVS AVSTRIACVS, vt animum; sic vires habeat mendedi! nam de illo non dubito, & fuit egregiè etiam in ERNESTO defuncto: quo Principe nihil melius aut benignius Sol vidit: denique qui totus Pacis proles erat, eamque fortasse nobis reddidisset, nisi eum eripuisset

* Parca
hæc lanifica
que domi-
na ipsa coli
est.

* Μοίρα λιποκλέσσι θεαπότις ἠλακείης;

Pantinum nostrum cum Heroë illo venire, id mihi volupe; & solatium vel auxilium erit. Quod ego etiam tibi esse velim mi Schotte, in istis ad Senecam: quæ vidi nondum, nec temerè per viam iusserim ad me deferri, & ipse Antuerpiam censeo me iturum. Ego verò cum videro, quid censeam, perscribam; & quidquid opis meæ erit, fiet, *Vt non dispereant tui labores.* Sed Faber multa egregia notauit, & nos tamen quædam habemus: sed ita nunctoti in MACHINIS tum & POLITICIS sumus (nam & hæc cum Notis recuduntur) vt alij nulli curæ vacemus, imò vix has sustineamus. Sed vt dixi, videbimus, & omnia pro amico & publico (id quoque agitur) faciemus. Vale R^{de} in Christo Pater & amice. Louanij, xi. Kal. Nouemb. ∞. 10. xcv.

EPIST. XXXVII.

Bruxellam.

OCTAVIO Episcopo Tricaricensi, Nuncio Apostolico.

IAM DIV in tuo arc me esse fateor, & inter eos quos iudicatos habes & nexos. An non sic obstrinxerit me eximia benignitas, quâ

quâ Coloniae in nouum tibi, nec nisi nomine notum, es vsus? Vsurpasti eam iterum Leodici, nuper Bruxellae: & quid ad conciliandum ego attuli? praeter cultum, & egregiam de virtute & prudentiâ tuâ opinionem, nihil: quæ imputare non possum, passim & ab omnibus delata, quibus gustus aliquis & notitia est tui. Itaque in aere isto manere, fortasse & immori, debere me sentio: tamen, vt boni animi ac sanguinis debitores, confessionem, cum nō solutionem, offero, & debere me ac debiturum hac velut syngraphâ configno: Cui & libellum iunxi, DE CRUCE, nuper à me editum: non ita vt dem munus, sed vt accipiam, si benignâ fronte admittis, & in vacatione aliquâ à curis legis. Spondet tua ingenita benignitas, atque eadem constantiam in me tui affectus. Da ô Deus, & idem tibi, Ill^{me} & Reu^{me} Domine, ea quæ merita tua, & vota nostra poscunt. Louanij, x. Kal. Ianuar. ∞. 10. xcv.

EPIST. XXXVIII.

Bonomiam.

IOH. COSTAEO S. D.

O TE virum probum! desiderasti me, inuitasti calidè, si quis vnquam: excusationem tamen accipis, & amici rationem habes, non solum affectus tui. Exosculor te absentem, sed animo, qui solidè se copulat tibi & iungit. Per fidem te rogo, ama in Lipsio, quod vbique, quod semper est: & corpus, non nisi ob illud. Isto quoque iungi volebam, & nunc vellem: sed quæ prætendi, res fuerunt, non fucus aut color. Valetudo & vires exigua, & in diutino languore ipse animus, lingua, stilus (quid diffitear?) non qui solent. Tuis hæc, non tibi solum imprime, & vnâ cum Moro meo ito me excusatum aut defensum. Ego mi Costæe, vir Illustris, animo perseuero tuus esse, & æthereâ istâ parte in æthere spero iungi. Louanij, post. Kal. Sept. ∞, 10. xcv.

EPIST. XXXIX.

Romam.

FRANCISCO ORANO, XII. viro litibus
iudicandis in sacro Tribunali.

ANTE biduum litteras tuas accepi, quibus gratum tibi votiuumque esse ostendis, Franciscum tuum apud me agere,
litteris.

litteris, moribus, & omni bonâ disciplinâ imbuendum. Quem suscepisse me haud promptè initio, fateor, & scit eius parens: non quin vestrâ causâ omnia vellem: sed quia vetus meum decretum & mos erant, mihi viuere, nec solitudinem, & ex eâ quietem, confortio adolescentium interpellare. Quos bonos modestosque casus dare potest: sed idem alios. & præsertim in nostrâ hac Belgicâ, in quâ, per hæc bella, mores à priscis illis valdè demutarunt, & proteruia, vanitas, ferocia sæpe habent iuuentutem. Hac causâ, vt dixi, abstinui & renui. sed peruicit denique tuus, & pænè dicam meus, frater (talis & tam arctus inter nos amor est:) tum & tui aspectus, quem valdè hoc velle, idem mihi ingerebat. Feci, nec pænitet. apud me est, ex meo vestroque voto, adolescens tranquillus moribus, studiis industrius: nec quod desiderem reliquit, nisi vt perseueret. Quidni faciat, & naturæ bonitate, & à tuo illustri exemplo? quem ille & cogitat adfiduè, & sæpe loquitur: meritò, familiæ vniuersæ decus, & propriè ipsius spè & præsidium: quem ego (vide quò eam) commendatum mihi à te, vltro commendo, & vt in gratiâ tuâ firmiter ponas, rogo. Meretur, magisque cum annis merebitur: atque vtinam diem videam, quâ te educente & attollente, ad fastigia honoris veniat, quò destinastis. Deum precor, vt rata hæc vota sint: te autem, Vir Amplissime, vt me tuum atque Oranorum censeas in omne æuum. Louanij, prid. Kal. Nou. ∞: I O. XCV.

E P I S T. XL. *Romam.*ASCANIO COLUMNAE, *Cardinali.*

TETIGIT meum pectus tua scriptio, & effodit intimos istos sensus. Tene illo genere, illâ dignitate & famâ, sic benigne, sic vltro, ad me scribere? beniuolentiam tuam testari, & offerre? hæc omnia honestissimis iudiciis cumulare? Verè dixi, commouisti totum Lipsium, qui non nescit & maiorum tuorum, & tuas dotes. At enim argumentum etiam totum sumis, & amoris & honoris in me plenum. Hortaris vt veniam in Italiam, propior vobis sim, & spem atque occasionem dem mutui etiam affatus. Quæ vna res, vt fatear, obnubilat serenum illud tuæ scriptiois, & triste aliquid adspargit lætitiæ iam conceptæ. Examino
& libro

& libro omnia, sedeo iterum ad consilij, vt sic dicam, calculos: sed cum dispunxi & subdixi, negans illa pars potior esse videtur. Quæro te, Illustrissime Domine, mecum paullisper considera (si à feriis magis vacas:) & te iudicem in causâ hac ipsâ sumo. Ætas iam mea inclinât & deurgit in senium, ac proximo Octobri ingrediâr cum bono Deo annum quadragesimum nonum. Mutare aërem, sedes, mores, difficile est; & sæpe, in huiusmodi atate, infastum. Pono hoc, & vicerit, age, meus affectus: sed valetudo subsequitur & excipit, quæ negat: quassari & commoueri. Nec recens ea, aut subito tristior nobis est, sed ab annis vndecim assiduo languore, aut tabe, afficit nos & premit. Quæ spes hîc vincendi, aut emendandi? ipsi medici vestri dicent, commorientes quosdam esse lentos istos internosque morbos. At demus etiam venire me, morbum spernere: quid, cum venero, fiet? umbram mei ad vos adferam, & hominem, vt ille ait, *monogrammmum*? quî par ero susceptæ functioni? conceptæ opinioni? atque ea res, non nego, animum istum mordet. Aiunt ab Alexandro Magno inuitatum quempiam, in magnâ famâ peritè sagittandi, vt specimen coram se eederet: atque illum recusasse. motum autem obstinatione Alexandrum, iussisse duci hominem, vt sui contemptorem. Illum in viâ dixisse, non pertinaciâ, sed ingenuâ verecundiâ deterritum, ne fortè in senio inanus aut ars aberraret, & coram tanto Rege dedecoraret veterem famam. Idem si ego dicam & præterendam, an peccem? Scio alacritate quadam & vigore opus ad docendum dicendumque, scio memoriâ & eloquio: nec nego fuisse in me aliquas istas partes: at quin morbus etiam eas libauerit, non ausim sperare aut profiteri. Totum me reuelo & retego apud tam fauentem arbitrum: & addo minora iam alia, quæ extra me, sed me circumstant. Ecce vxor mihi, annis me maior, quæ pedem patriâ suâ nunquam extulit: quâ suadâ effecero, vt audiat me & sequatur, in terram cælo, moribus, linguâ diuersam? Deserere autem hanc comparem, non diuina, non humana lex dabit. Quid amicos & cognatos dicam, quibus solatiij aliquid in me, aut consilij? quid res & patrimonium meum? perdo hæc omnia, si defero: & vincula hæc etiam sunt in animo purgato, & sapiente. Denique Rex & patria etiam retinent, imò recenti liberalitate ligant. Quæ frons mea erit abeuntis, & exteros velut in ignominiam

utrorumque præponentis? Enimuero extra honesti fines, imò & æqui, abire me censeam, si in causâ pari & commodo, istos non antepōnam. Hæc in meâ parte sunt præcipua: in aliâ, ea quæ tu, Illustrissime, disertè ponis. Italia, quæ vocat; frequentia & splendor auditorum; res pacatæ; & quod super omnia mihi est, Pontificis summi ditio & tutela, ad quam vocor. Ex animo fateor, duo hæc magna apud me esse, Pontificem & Italiam: & vt semel decidam, rumpam alia omnia, si valetudo sola comæatum det & permittat. Quid deniq; tua auctoritas? suades enim, & penè rogas. Suffundor rubore in hac parte, & iam scutum illud valetudinis penè abiicio, quod sumpsi. Sed enim te rogo, cuius non benignitas minor est quàm auctoritas & virtus, ne eò me compellas, quò non dicam commodè, sed honestè vix eam. Vires enim identidem examino, quas dare aut reddere solus ille Deus potest: etsi animum erigere & excitare auctoritas tua. Non mentiar, plus me mouerunt binæ litteræ tuæ, & collegæ Illustrissimi Palæoti, quàm omnis vocatio, scriptio, machinæ, quas priuatim aut publicè adhibuerunt. Sum enim is qui proceres reuear; & præsertim Ecclesiæ; & præsertim istos, qui in eâ eminent virtute, prudentiâ, eruditione. Talem te esse, Illustrissime & Amplissime Cardinalis, & me hoc nomine cultorem tuum ac clientem, coram supremo illo numine testor. quod ipsum rogo & veneror, te talem sibi, Ecclesiæ, Italiæ diu seruet. Louanij, v. Idus Sextil. ∞. IO. XCV.

EPIST. XLI.

PETRO ENRIQVEZ COMITI FONTANO,
GVBERNATORI BELGICAE.

ETSI coràm me breui sistere, & sermone gratias agere tibi constitui, tamen profectò animus me adegit, stilo & scriptione quoque id facere, & testari deuinctionem quam in magnitudine noui huius beneficij haberem. Quid enim honestius aut aptius, dari mihi potuit? atque ego fateor, etsi nunquam id egi aut ambiui, tamen in animo & voto habuisse semper id munus: cuius nunc compotem benignitate tuâ video & gaudeo me factum. Quòd studia mea deinceps quieta & libera à curis erunt; quòd res gestas tradere & scribere potero in vsum
poste-

posteritatis; id totum tibi ego acceptum refero, fortasse & illa ipsa posteritas, si Deus vitam & famam meis scriptis dabit. A magno isto F O N T E ingenij mei riuulus manabit, & fructus quos assidua hæc irrigatio gignet, iure merito sibi vindicabit Regis liberalitas & tua. Id testari breuiter nunc (ita mos meus est) sed fideliter volui, EXCELL^M ET ILL^M PRINCEPS, quem Deus seruet & dirigat in suam Regisq̄ue gloriam, & in publicum bonum. Louanij, xi. Kal. Febru. ∞. IO. XCVI.

EPIST. XLII.

Pisas.

I. LIPSIUS HIER. MERCVRIALI S. D.

NON fefellit te noster Monelia, qui de affectu meo in te & honestis vbique sermonibus est testatus. Nihil nimium potuit dicere, siue ad amorem, siue ad iudicium: & in vtroque sumus inter primos, qui te vel diligunt, vel colunt. Tu verò Mercurialis, ille es qui Romæ mihi in adolescentiâ primâ innotuisti, paullò me maior, sed virtus tua & doctrina etiam disparem me cepit, & arcano lentoq̄ue vinculo tibi iunxit. Variè postea peregrinatus sum, variè etiam in his patriæ meæ turbis iactatus: sed vetus ille amor firmiter hæsit, nec Mercurialem meum vlla tempestas mihi excussit. Ego verò iam ante menses aliquot in eo eram, vt Italiam vestram, & te viderem; reperiendum mihi & completendum, vbicumque in eâ fuisses. Nec enim tu lates, illustre in eâ sidus, & exteris quoque cura & notitia est tui. Sed id consilium cum valetudo remorata est, tum Rex meus abruptit, qui hîc esse voluit, & vt honestissimè possem effecit. Præter enim munus lectionis publicæ, Historiographi me sui titulo donauit, addito in hanc rem salario annuo, in quo vel cupidior aliquis acquiescat: quid nos modestiæ & continentiæ amantes? Enimuerò res laxas aut splendas numquam appetij, nec id vilitate aut abiectioe animi, sed iudicio & decreto, quod sapientia mihi dictauit. Quid ista externa omnia, nisi in vsum meum habeam? & scio virtutis & bonæ mentis sæpe naufragium factum, cum superfluunt & redundant. Adduco vela, nec totis sinibus ea pando, aut fortunæ adspiranti permitto. Delectatio autem nobis, sed & occupatiõ, quæ solet, in honestissimis studiis: quæ & tu quam ames, etiam

inter tua seria, non dissimulas, cum de locis quibusdam consulis me, & quæris. de quibus seorsum, quid sentiam, hîc habes. Ut me quoque porrò ames, inter fastigia est votorum meorum. Louanij, XII. Kal. Mart. ∞. ID. XCVI.

EPIST. XLIII.

IOANNI VERASTEGVI, *Præsidi Censorij Tribunalis.*

LAETVM simul & triste mihi fuit, audire de munere, quod magnus Rex noster benignè tibi donauit. Latum sanè tuâ causâ, quia dignitate augeri te videbam; tristem meâ, quia diuelli à nobis, & ad loca ire quò non nisi litteræ nostræ peruenirent. Sed in pugnâ tamen istâ affectuum, prior longè vicit: quia verâ amicitia inducor, tuum commodum supra meum habere: tum etiam, quia ad honestissimum locum & functionem vocaris, quò & ego nuper & nunc iterû liberalissimè inuitor. Est enim ibi Cardinalis Borromeus, decus ordinis sui, qui in cohortem familiamque suam adscriptum me cupiat, largo & insolito sanè honorario: sed addictum iam & alligatum Regi, quod te non fugit. Sed & alios insignes viros vrbs ea & Senatus habent: gratulor igitur, gratulor quòd è nostris turbis, ad quietem & lucem illam ibis. Quod autem petis à me de Oratiunculâ, libens fecero, si capita breuiter ad me miseris dicendorum. Nam in talibus parum vsu doctum esse me, non nego. Qui has tradet cognatus meus est, cui aliquid negotij apud Comitem Fontanum: si id tale est, vt à te decorè possit iuari, aut saltem admissionem impetrare, rogo facias: si aliter est, non rogo. Deum autem, vt felix & tutum iter tibi tribuat, & in optatâ illâ metâ sistat. Ego memoriam absentis seruabo, & per litteras etiam renouabo: meritò, hominis tam candidè mihi amici. Louanij, VII. Idus Mart. ∞. ID. XCVI.

EPIST. XLIV.

ROMANI.

GABRIELI PALAËOTO, *Cardinali.*

LITTERAS tuas & vnâ librum, scripta aut missa ad me Decembri superiore mense, nunc denique hoc Iulio accepi: quod non quia mirer scripsi, (grande locorum interuallum est) sed

vr

vt excuser, si cogitatio fortè incidisset silentij mei, aut tarditatis. Ego verò, Ill^{me} ad tales epistolas, ad talia munera, non fileo: quæ & honorem, & gaudium, mihi adferunt. certè tuus liber, quem in serio illo & graui argumento, non libenter solùm, sed auidè equidem legi. Eò fanè iam veni, & Deus, ætas, iudicium hoc mihi dederunt, vt vana aut curiosa multa studiorum incipiam spernere, & animum oblectare maximè aut pascere iis, quæ propria animi sunt: id est, quæ Virtutem, Sapientiam, & ipsam immortalitatem spectant. ad quam occulto nisu, etiam in vanis istis, adspirat. Omnis gloria, quæ scribendo quæritur, quid nisi posteros etiam cogitat, & monumentum sui? Atqui abeunt, ne diuturna quidem sunt, non dicam æterna: sola illa nobiscum perennant, quæ animus sibi è tribus illis induit, & fideliter adsciuit. Ergo, vel hoc nomine, gratus iucundusque mihi tuus liber: sed etiam argumento, etiam tractatione: quorum illud in me quoque conuenit, si non annis, valetudine senem; ista, proba & composita est, bono ordine, bonis verbis. Nam & hæc bona appello, non quæ fucum aut quæsitâ scitamenta habent, sed quæ rebus apta, graua, significantia: cuiusmodi attulisti. Didici non ex libro solùm, sed ex ipsâ ratione tuâ scribendi, falsum illud Lucretij de senibus:

Claudicat ingenium, delirat linguaque, mensque.

Imò contrà verissimum illud alterum, boni poëtæ veteris,

Quòd periti sumus in vitâ, atque usu callemus magis.

Ita fanè est in senectute, quam iuuentus non debilitauit, nec vitiis suis effærum corpus illi tradidit. Ego me tibi Ill^{me} & Reu^{me}. Domine trado, deuinctum reliquæ virtutis tuæ causâ, tum hoc dono: & habe me inter fidos tuos clientes. Louanij, XII. Kal. Sextil. ∞. ID. XCVI.

EPIST. XLV.

Bruxellam.

GASTONI SPINVLAE, Gubernatori Limburgensi.

GAVISVS sum in conspectu tuarum litterarum: dolui in primâ statim lectione, vbi conquereris memoriam me tui deposuisse, & argumentum capis à silentio meo ad iteratam tuam scriptionem. Primùm hoc testor, nec si fileam quidem, amorem

E 3

amorem aut cultum tui à pectore hoc migraturum, in quo radices satis altè iam egit: deinde nec siluisse me, & nullas omninò tuas, nullas inquam (verè hoc repeto) sine responso omisisse. An ego quid te, quid me deceat ignorem? & si tu non graueris appellare me, in illo gradu positus, ego respondere parcus aut tardus sim, qui vltro omne officium tibi debeam? Ne cense; sed hoc potiùs, malè traditas litteras per incuriam aut fraudem (nam nec ea his temporibus rara) periuisse. At illud deinde in epistolâ tuâ gratum, valere te, tuam, & tuos: atque etiam auctam familiam esse accessione filiolarum, quam vxor tibi peperit, Deus dedit. Iste idem seruet, & inter publicas curas & sæpè mæstitias, domestica hæc gaudia firma tibi esse velit. Equidem in rebus non Belgicæ solùm, sed Europæ nostræ sollicitor interdum, & mecum disputo: Quis exitus erit? quò fœdera hæc erumpent palàm aut occultè (scis quid velim) in nos inita? Sed & auxilia, siue militaria siue pecuniaria, tarda sunt, & sæpè post occasiones. Audimus sanè Regem classem magnam instruere, vnicum finem belli, si portum & successum deinde habeat: sed quando id quoque erit? Apparatus adhuc sunt, nec vltà: nisi quia retardant fortè, quæ scire nos nihil opus est, & quædam inter Reges occulta. Licet hæc in melius interpretari: & de N. nescio quid non solùm fama, sed litteræ ex Italiâ palàm iam scribunt, à partibus nostris eum stare. O rem optandam, si ita sit! ô velis remisque in auxilium eius properandum! Nam si deseritur aut differtur, metus est ne à vicinis & suis etiam opprimatur. Nam partes, vt scis, in eâ gente, & à religione factiones: quam nouam qui fouent, in nos vtique non propendent. Sanè, nisi tale aliquid ex inopinato interuenit, confilia inquam, & auxilia occulta: res regis nostri in arctum eunt, stipatæ à tot hostibus, sed tamen vi Fati & numinis (ita semper mea spes & opinio fuit) explicandæ. Speremus in fauore cælesti erga Austriacam domum, tam claro, tam recenti: speremus eo magis, quòd causæ bonitas & iustitia sustentat. In Hungariâ tamen vulnus accepimus, & satis grande: sed benè quòd hieme, alioqui metus à progressu maiore erat. Etsi in Agriâ amissâ damni satis est, & maioris ferè quàm in ipso exercitu, quia hic reparari, illa recuperari haud facillè potest. Et est sanè limen atque aditus in Poloniam, Morauiam, Silesiam & vicina. An non ea res Polonos

lonos excitabit, vt in tempore se iungant? Sed nec Itali, spero, cessabunt: quorum rem in Hungariâ & Austriâ agi, satis scimus, atque etiam Venetorum. Illum ignem vicinum habere qui vult aut patitur, quid nisi comprehendi & comburi ab eò vult? Nam hæc natura magnorum semper imperiorum, proxima amplecti. Sed, vt rem tibi dicam, ego nec Turcam & Asiam totam metuo, si res modò Regi nostro pacatiores aut firmiores sint: si & militia instaretur, à quâ sic dissolutâ & turbidâ vix magni aliquid contra magnum hostem speres. Germania re ipsâ discit, & in assiduis exemplis, nihil collectitium & subitum hunc militem esse, malè ducibus & inter se notum: nihil, nisi cædem hostilem aut prædam. Sed satis de publicis, in scriptione quidem: plura & liberiora in sermone vellem. De priuatis meis, quod ais te ex Hispaniâ nil audisse: nec ego quidem, nisi quòd litteras commendaticias ad Cardinalem accepi, sed sine alio effectu. Res magnæ & arduæ facilè excusant Principes & qui iis adsunt, si ad hæc minuta nunc non attendunt. Litteris & doctrinæ laus & fama sit, præmia rara, & vt verum fatear, nec nobis sperata. In tranquillitate animi si exigere vitæ hoc spatium licet, cælestia meditari, humana intelligere & spernere; beatus sum, nec Regibus inuideo, aut omnibus purpuratis. Hic meus sensus, sed priuati hominis: vobis alius & altior esse debet, quos ad alia & altiora Deus vocauit. Ill^{me} Domine valere te & familiam opto, atque hanc à me saluere. Louanij, vi. Kal. Febr. ∞. IO. XCVII.

EPIST. XLVI. *Madridum.*

IOANNI DIAQVEO, à Consiliis magno Regi.

ETSI scio rarò, & nisi in magnâ causâ, vos tales adeundos; tamen beneficium à Rege nuper acceptum, qui mille aureorum congiario me donauit, impulit vt scriberem: & per te gratias maximo Regi agerem, quem humilior nostra conditio decorè non compellat. Per te? imò & tibi gratias agerem: quia neque hoc nescio, tuam auctoritatem, & in me benignitatem, hoc totum vel promouisse vel confecisse. Quo autem meo merito? priuatim nullo: quo magis obligor, & animus serio auct aliquo gratitudinis signo id testari. Sed viam vitæ quam ingressi sumus, vides: re-
motam

motam à rebus, actione otiosam, nec nisi in lectione aut stilo occupatam. Neque pœnitere potest, cùm pretium aliquod iis apud Principes meos quoque esse videam. Nam de te vir Ill^m quî possum dubitare, qui & ipse largiter gustasti, aut potius imbibisti, optimas artes: & hunc quoque gradum ad culmen illud prudentiæ tibi struxisti? Vetus autem est, *Qui non intelligunt artes, non amare artifices*: & contrà. quod in te equidem expertum me, fateri debeo: atque vtinam tibi & bonis studia mea approbem: quæ dirigere deinceps in honorem Principum meorum, & bonum iuventutis ac publicum, voluntas largiter mihi est, faxit Deus vt & facultas. Exemplar vnum MILITIAE ROMANAE, correctæ nouiter & auctæ, ad te misimus: spero perueniet: missuri breui, ADMIRANDA, siue de MAGNITVDINE ROMANA. Deum precor, vt te Ill^m Domine Regi, Reip. & nobis seruet. Louanij, IX. Kal. Maiias. ∞. IO. XCVII.

EPIST. XLVII.

Romam.

FULVIO VRSINO.

LAETVM mihi fuit à te, Fului, amico perueteri, nouum beniuolentiæ testimonium adipisci. Quid magis optem, quàm à magnis viris amari, & in loco aliquo haberi? Quod mihi contingere, etiam supra merita, in animo isto fateri debeo, & capio assiduè exempla. Vel nunc, cùm de beniuolentiâ Ill^m Sfortiæ Cardinalis ita seriò significas, & veterem etiam tuam addis & renouas: in vtraque exsultare me fateor. illâ, ob magnitudinem & splendorem viri: tuâ, ob eruditionem & virtutem, quæ vt fax vnica in Italiâ nunc lucet. Vnica, inquam. nam vbi alij illi nostri Musarum antistites nunc sunt? abierunt, & paucos superesse credo, quos ego aut fama nouit. Etsi quosdam tamen esse, qui has cum grauioribus artibus misceant vtiliter ac temperent, non nescio: sed omnium scilicet rerum suus quidam orbis, & vt sic dicam, transitus est: etiam studiorum, ingeniorum, quæ aliàs alibi florent, aut viuunt. Sed de Ill^m illo viro, equidem iam nunc destinabam ad eum scribere, & huic beneficio (sic interpretor iudicia hæc & testimonia) non gratiam, sed confessionem ponere: nisi reuocasset me, quod melius visum cum munere adire, id quod breui

breui MILITIA mea recusa dabit. Hanc mittam, & simul deuincti animi mei testes litteras; quarum loco vocem tuam nunc assumo, & rogo vt velut legatiunculâ istâ apud eum fungare: Clientem eius esse ac cultorem, ac fore in reliquam istam vitam. Tibi quoque, Fului, de fide & amore meo recipio, quæ cœpta ante triginta annos, non nisi mecum desinent & morientur. Vale vir Cl^{mc}. Louanij, XVI. Kal. Iunias ∞. ID. XCVII.

EPIST. XLVIII.

Mediolanum.

IOHANNI FERDINANDO VELASCIO, *Comestabili Castellæ, Gubernatori Mediolanensi, Prefecto supremo militiae Regiæ per Italiam.*

ILL^{ms} & EXCELL^{ms} PRINCEPS,

ME verò non gaudio solùm, sed admiratione adficit hæc tua tam ingens in me (ita loqui debeo) beniuolentia: quam non scriptis solùm, sed rebus ostendis. atque id in immerentem, certè inopinantem. Non delector ambitione aut splendore isto externo, quòd sciunt qui interiùs me norunt: delector tamen, factor, & in animo isto pascor, tuâ istâ benignitate, & propensione. quid ita? quia solida & vera in te bona miramur, & ipsum te, non solùm ea, quæ circum te splendent. Rarum in hac potentia & altitudine; sed eò pulchrius, & maiori à sapientibus laude ferendum, cum tot externa adsint, ad interna te conuerti, & censeri velle à virtute, sapientia, doctrinâ. Nihil tibi è coniecturâ damus, sunt in hac ipsâ Vrbe oculati olim arbitri & testes, qui te: sed hæc apud te omitto. Ad epistolam autem tuam sic benignè scriptam, & ad munus illud adiunctum è bibliothecâ Ducis Allobrogum depromptum, quid dicam, nisi quod res est, gratias & agere me, & cum egero, debere? Certè publicè etiam proderit tua cura ista & liberalitas, cum POLIORCETICA nostra hoc additamento ibimus ornatum: quod breui fiet, opinor, & MILITIA nostrâ (quæ iterum cuditur) absolutâ. Habemus & alia quædam noua in manibus; sed quod verè apud te depono, valetudo nimis sæpe interpellat & sistit: tum & cottidianæ occupationiunculæ; quas in lectionibus publicis, aut priuatis scriptionibus, cogimur collocare. Mihi verò vtinam vita suppeditet, donec testimonium

F

stimonium

testimonium aliquod dare mihi fas tuæ virtuti, non aliâ quam
æui & exempli causâ. Nam velle & debere me scio, & adaman-
tino, vt sic dicam, vinculo obstrictû manere tibi, Ill^{me} & Excell^{me}
Princeps. Louanij, III. Non. Iun. ∞. 10. xcvii.

E P I S T. XLIX. *Mediolanum.*

I O H. BAPTISTAE SACCO.

EN, quàm verus auctor tibi de valetudine meâ confirmatâ
Puteanus: ego iam diès sedecim in morbo fui (omitto vete-
reâ meum languorem) & à quo periculum tabis non abesse me-
dici mussant. Homo sum mi Sacce, & ex quo natus sum huc
ibam. Quamdiu etiam hæsi in viâ? sanè præter meam & alio-
rum opinionem, quibus semper, in tenui corpusculo & viribus,
ἀνὴρ ὀλιγόμορος vilis sum esse. Sed adhuc tamen sustinui, & nunc
quoque omnia potius, quàm animus relinquet: qui securus vitæ
aut fati, Deo se permittit. Habes hîc libros de M A G N I T V-
D I N E R O M A N A, lege & cense, si me amas. Certè argumen-
tum pro vestrâ gente esse debet, quàm laudatum iuimus & cælo
pænè infertur. Sed heus, noster Puteanus quid, aut vbi agit?
post vnas litteras nihil de eo auditum est. Probus iuuenis est, lit-
terarum amans, & sciens quoque pro ætate: sed nondum *πάλω-
τερον*, & multa ei in communi vitâ & moribus discenda. Vale
mi Sacce, & valetudini breuiorem scriptionem fer acceptam. Ad
heroem vestrum librum nisi, itemque epistolam, Principem
semper mihi suspiciendum. Louanij, XI. Kal. Maij, ∞. 10. xcviii.

*et breuis
assi.*

*et morum
guarus.*

E P I S T. L. *Antuerpiam.*

L V D O V I C O P E R E Z I O.

Ah telum, quod quasi catapultâ missum in me venit, de
morte optimi Ariæ, communis illius nostri. In quò etsi
priors partes iure tibi tribuo amicitia (diutius enim, & arctius
iuncti estis): tamen vix amoris, si meum hunc animum consulo,
mirificè in virum illum affectum. Meruerat ita ipse amore, etiam
beneficiis: quæ, etsi illo mortuo, æternum apud me viuunt. At
tu solatium à me expectas. ignosce, non possum: mens, cogitatio,
voluntas,

voluntas etiam, excussa aut certè concussa mihi sunt. & quanquam
 recepi & collegi me non nihil à primo illo nuncio : tamen vt in
 mari postyche mentio rem ventum, commotio & , vt sic dicam,
 crispatio adhuc manet. Quid tamen solatio opus est ? de quo, &
 apud quem ? Ariam nostrum libenter, & penè dicam auidè, ab
 his terris turbisq; abisse ausum dicere : & dissensum hunc ve-
 strum, fortasse primum, voluntatum fore, si reuocas aut retentas.
 Diu ille vixit, & ad vltima humanae ætatis venit : vixit in bonis,
 in asperis rebus : & gustauit abundè è duplici dolio, quod ille su-
 premus Symposiarcha nobis miscet. Quid illum in rebus huma-
 nis delectauerit, sic gnarum earum & peritum ventum, fumum,
 nugas esse sciebat : atque vtinam non verè addam, fraudem, fu-
 cum, scelus. Inter hæc haberi eum placet, iactari inter dissimiles ;
 & re si non pollui, tamen aspectu vel contactu ? Abeat, cum bo-
 no Deo se subducatur, ab isto carcere in liberum illum & lætifican-
 tem locum. Quem nunc insidere eum, beatum inter beatos, vi-
 tæ integritas & candor ille spondent. At apud nos bonam fa-
 mam, & in templo Memoriae scriptis suis consecratam reliquit :
 alteram scilicet & diuturniorem vitam. Hoc de ipso cogites : de
 te, quid ? virum esse, cui cum omnibus concordia, cum Fortunâ
 semper contentio fuit, ne vi deiiceret, ne fraude supplantaret. En,
 magnus & celebris hîc agôn. compositus es cum ingenti luctu,
 qui inuadit & stringit : eripe & eluctare, & Rationis auxilio ne-
 xus illos nodosque solue. Hanc nisi aduocas, & totum affectui te
 permittis : quis Deus adiuuerit ? Imò vt in tenebris ambulare &
 currere qui amat, impingit & ruit : sic in te, nisi præfers & præpan-
 dis lumen hoc mentis. Ea te docebit, vt folia rosas, sic vigorem &
 vitam nos relinquere : atque adeo non hominem, sed nec elemen-
 ta & mundum esse æterna. Cogitemus, & ipsi paremur, quando
 cumque Deo visum, ad casum similem : quis scit, quando sub-
 eundum ? Non anni, mensis, dies, hora excepta sunt : non hæc
 ipsa, quâ scribo,

Et certam præsens non habet hora fidem.

Tu vale vir Nobilis & Cl^m, & animo, vt soles, consta. Louanij,
 XI. Kal. Iul. ∞. 15. XCVII.

EPIST. LI.

MATTHIAE OVANDO, *Doctōri Theologo,*
Principi à concionibus.

EPISTOLAM tuam quidni libens viderim, à tali viro testem
rari in me adfectus? In gratiâ & famâ esse velle hominum,
homini est insitum: sed magis apud illustres, & eos qui vtram-
que suo merito habent. Tu is es eximie Ouande, quem virtus,
eruditio, addo & eloquentia commendant, & in gratiâ apud
Principes, in famâ apud omnes ponunt. Itaque oblationem ami-
citiæ tuæ sic amplector, vt Amicitiam ipsam vellem, si conspi-
ciendam se mortalibus oculis daret: sed tu habitaculum & sedes
eius esto, & in te venerer hanc & colam. Vis dextram fidei meæ
testem? habes hîc impressam: etsi coram ipsam etiam dare &
iungere mihi spes est, cum Aulam vestram videbo. Interea libro-
rum meorum Indicem (ita petis) mitto: quos ab Hispaniâ tuâ
æstimari & appeti quod ais, gratum est: cur abnuam? imò hoc
sine scribimus, vt appetantur. Sicut gloriam mercedem boni o-
peris habere boni non debent: ita possunt comitem, & hîc in ter-
ris eo velut melle temperare quod in virtute est amarum. Dico
gloriam, id est testimonium bonorum. nam vulgi famam & au-
ram tantum, quis sapiens captat? Sed ista præter rem omitto, te
in animo teneo, & tuo teneri voueo ac rogo. Louanij, III. Non.
Iul. ∞. 15. XCVII.

EPIST. LII.

Romam.

FRANCISCO SFORTIAE S. R. E. Cardinalis.

BENIVOLENTIA & inclinatio tua in me, quam è Ful-
uij Ursini & aliorum litteris certò cognoui, duplicem affe-
ctum in animo isto genuit, & gaudiū simul, & tui cultum. Nam
quomodo non gauderem in iudicio & affectu talis viri, quem &
dignitate, & stirpe, & animi ingenijque dotibus, inter primos au-
gusti illius Senatus esse scirem? Ego verò gauisus sum, & velut
stimulo incitari me sensi ad porro colendas eas artes, quæ com-
mendabilem me vobis reddunt. Iam de cultu etiam & veneratio-
ne tui, verè dixi, quem iamantè fama melior, imò & adspectus,
notum

notum in nostro quoque orbe fecerant : vbi & nomen & gloria tua viuunt : & nunc benignitate tuâ allicior, vt propius inspiciam, noscam, colam. Hoc enim virtutem & prudentiam sequitur, & rapimur ad eas suspiciendas, eosque qui habent. Quod iamantè indicare & scripto profiteri, in votis mihi erat : sed repressi & sustinui, donec possem cum munusculo. quod nunc mitto, & spero ab argumento non ingratum Italici sanguinis atque animi Principi fore. Certè affectum meum in Romam & Romanos abundè testatus sum : & siquid omisi aut minus feci, non illius, sed ingenij deliquium sit & culpa. Ill^{me} & Reu^{me} Domine, vt me deuotione tuum censeas, rogo, & locum aliquem vel inter infimæ classis clientes tuos adsignes. Louanij, x. Kal. Maij, ∞. ID. XCVIII.

EPIST. LIIII.

IOANNI RAMIREZIO AB ARELLANO IC^o.

SVAVE mihi fuit, non mentior, & ipsum te nuper videre, & nunc à litteris tuis adiri, quæ id ipsum quod sermo, id est affectum in me, cum niueo quodam candore, præferunt & ostendunt. In me tantum ? in optimas etiam artes nostras : à quo velut fonte, scio, manat ad me hic riuus. Amo, laudo. hoc magis, quòd haud multi hodie illas, & non dicam imbui, sed tingi Heliconis aquis spernunt. At tu vel mergi, vt sic dicam, velis : & ideo ad nos quoque, id est Louanium, veterem illam Musarum sedem adspiras. Quod vtinam tibi liceat Ramirezii ! mihi libeat, & iuuet versari tecum sapiùs, & sermones miscere animis vtriusque nostrum vel formandis, vel recreandis. Optem ego : quid possis, tu vide, & quocumque tamen loco nos ama. Louanij, VII. Idus Sextil. ∞. ID. XCVII.

Ad discipulum tuum hîc habes, vtinam ad bona calcar.

EPIST. LIV. *Bruxellam.*LYPO DIONYSIO A CASTELLA, *nobilissimo iuueni.*

LITTERAS tuas, præsertim sic Latinas, exosertatus sum ; & animum, qui impulit ad scribendum. Quid enim ille, nisi beniuolentiâ mei æstuat, qui aperire honestam hanc flammam

voluit, & per litteras reuelare? Quas (iterum dico) exosculatus sum: & maximè ob elucens in iis studium tuum, & ardorem in res artesque honestas. O mi iuuenis, genium tuum cogita, artem tuam, sæculum nostrum; nihil dignius aut aptius videbis generi, ætati, sæculo, quàm tingi te & formari his artibus, quæ non scientiam solùm, sed prudentiam, imò & sapientiam donant. Ecce genus tuum illustre, & ab ipsis Regibus: quid magis huic continetur, quàm non censerì in reliquo nobilium grege, & dotibus ornamentisque ingenij, non solùm fortunæ, eminere? Vide & ætatem; flos ipse est, & anni isti faciles & ad omnem disciplinam sequaces. Vide sæculum; turbidum est, res magnæ in motu & expectatione. quid tam necessarium, quàm rebus magnis magnos item viros adiuuere, qui administrant feliciter & gubernent? Mihi crede autem, felicitas illa ex prudentiâ oritur, & diuinus ille fauor semina & causas in nobis habet. Neque ita tamen hæc dissero, quasi ad scholas aut libros tantum te vocem: absit: memini tui loci & generis, & spei ad quam educaris: sed inter illa externa, & militaria vel aulica, locum etiam te facere suadeo optimis artibus, quæ animum excolant & forment. Eæ imbibuntur per lectionem & libros: & habes rectorem & doctorem idoneum, qui infundet. Felicem te, qui sub tali etiam Principe educaris! vide & nota omnia in exemplum: quia nihil ille facit aut dicit, quod non sit exemplum. Sed monendi nec hic locus est, nec meum munus: nisi quod amor impulit, quem iam nunc in pectus hoc vnâ scriptione tuâ, velut philtro, immisisti. Itaque siquid est in toto LIPSI, quod totum aut in parte seruire vsibus tuis possit; habes promptum volentemque: Vale Nob^{me} iuuenis, & animo ac corpore cresce, Deo, Regi, Tuis. Lo-
uanij, VI. Idus Sextiles, æ. ID. XCVII.

EPIST. LV.

*Genuam.*PAVLO MONELIÆ, *Patricio.*

MEMOREM te nostri esse, nec mentem diuidi etsi multi montes & terræ diuidunt, gratum est, mi Monelia, vt cum Plauto dicam, vel contra aurum. Video firmiter fundatam amicitiam nostram, nec ex leui verborum aut blanditiarum arenâ sur-

nâ furrexiffe. Pergamus inædificare, & officiorum & litterarum etiam commercii; quas equidem istas crebrò dabo, & illa vbi-
cunque vsus erit. Sermoneim & spem illic esse de meo in Italiam
aduentu, non nolo mi Monelia: etsi quis sparsit? nihil enim de-
cretum estam. Iuuat tamen & me ea cogitatio; & bonâ fide in-
clino, si aut valetudo mea, aut ij permittent, qui ius in me habet.
An ego non libens amataam semper, & gustatam aliquandiu, Ita-
liam reuisam? tot in eâ præclaros viros & ingenia? tot monumenta
præclarorum operum, aut virorum? Sanè quàm libens, & non
potui temperare, quin hunc affectum bis terque exprimerem in
ADMIRANDORVM libris, quos nunc vulgavi. Ij sunt de
MAGNITVDINE ROMANA: quam ignotam aut non
creditam hodie adstruxi, & benè meritum me censeo (sine su-
perbiâ dicam) de gente & solo vestro. Certè illa sustuli & latida-
ui: & quàm ex animo, scriptio ipsa mea tibi dicet. Exemplar,
Deum testor, nullum mihi ad manum est quòd mittam: sed re-
cudetur mox liber, & malo te correctius vberiusque habere. Sus-
tine igitur paullisper, & me ama, vnà cum Cl^{mo} Mercuriali: cui
breui item exemplar. Louanij, XIII. Kal. Iun. 1610. XCVIII.

EPIST. LVI.

F. BONAVENTURAE CALATAIÆRONENSI, *Soda-*
lium D. FRANCISCI Supremo Præfecto.

INOPINATA mihi accidit hesternâ humanitas tua: inopinata,
sed grata. Hominem certum vltro ad me mittis, visendi à te &
salutandi causâ: & quid amplius? munus etiam adiungis eius
generis, quod sani & pij homines iure æstimamus. Beneficia me-
cum communicias sparsi vbi que terrarum tui cœtus, & ex tot vir-
tutibus mercedes vis ad me in parte redundare. Quid ego hîc di-
cam, nisi non habere me quod dicam? Vt oculi, in quos subita &
magna lux venit, conuiuent & clauduntur: sic mihi pectus, lar-
gâ istâ humanitate perfusum, & panè addam confusum. Quid
tamen est? aperit illud, & me erigit hic animus, conscius sibi sem-
per eximij in Sodalitium vestrum affectus: atque eo saltem me-
ruisse videor aliquem hunc à vobis. Iure eum habui, quidni in
eos, qui pietatis omnes numeros persequuntur, aut habent: &
eum

eum in aliorum animis excitant aut depangunt? Est hæc communis laus vestra: illa tua propria, quòd in afflicto hoc rei Christianæ statu, nuper maximos duos Reges pacificasti: atque utinam inter se iunctos, religioni & reipublicæ instaurandæ! Quæ felicitas sit? quis splendor ex his tenebris illuceat? Neque despero fore: & Deum calido ac suspirante animo precor. Eundem etiam, ut te Reu^m Pater sacro tuo cœtui diu præesse, & vniuerso populo Christiano prodesse, patiat. Louanij, VIII. Kal. Iun. ∞. 10. XCVIII.

EPIST. LVII.

Mediolanum.

ERYCIO PUTEANO S. D.

FAVSTVM & felix sitte in Italiam venisse, te apud Ill^{um} illum Principem agere, loco & lege quam scribis. Quem Principem magnum esse scire debes, non à genere tantum aut externis: sed à veris illis internisque bonis, quæ Deus aut industria largiter ei dederunt. Tu place, & demerere: quod mihi quoque studium esse fateor, etsi non alio fine, quàm ut cerni à nobis virtutem illam & coli sciat. Itaque MILITIAM meam recusam ad illum misi: in quâ recensui quædam, ut solet, & clariùs aut firmitus dixi. in quibusdam tamen etiam nunc suspensio pede iui, & quasi super oua, ut ille ait, & aristas. Quid mirum in rebus æuo, & paucitate scribentium, obscuris? Sed alius addet fortasse, & illustrabit, & volentem me atque alios docebit. An non iam nunc facere intellego quendam,

* Qui mihi præstat, & est auius quoque cæcior ipse?

* Ος μεν αμα κρείσσων, & φίλτερος ἀθανάτοισιν;

Faciat, liuor aut calumnia in me non cadet. Otiabar nunc aliquid post ADMIRANDA nostra edita. sed fortasse ut qui salutum cogitant, recedunt; sic ego, & maior post otia hæc virtus. Saccum ibi amo, pro meo ingenio virum, & doctum simul & candidum, si quid litteræ animum reuelant. Et quidni reuelent, certus illius (à veteri verbo) character? Te etiam amo mi Puteane. quem hortor & oro, dignum præstare elogiis & testimoniis, quæ dedi. Ut enim maior dolor est, cum naus onusta perit, & in ipso portu: sic nobis iure, si tu ad alia eas aut mutes, qui in virtute & litteris sic promouisti. Sed non facies: ita Deus te seruet, & honestum

honestum magis magisque reddat. Louanij, Nonis Septem-
brib. ∞. IO. XCVIII.

Exemplar Testimonij, quod huic dedi.

QVICVNQVE HAEC LEGITIS,

TESTOR apud vos ex animo, ERYCIUM PUTEANVM,
benè honesteque natum, educatum, institutum: ingenio ad opti-
mas artes facili & tenaci, in vtrauis lingua Græcâ & Latinâ peritum,
versu & prosâ bonum, vitâ moribusque modestum: & plura etiam re-
perienda in eo, si quis pernoverit, quàm hic dicam. Habet Mathematicam,
Philosophiam, Musicam quoque: & planè dignissimus est, cui bene ve-
lit, siue benè faciat, quisquis Doctrinam, Elegantiam, aut Virtutem
amat. Commendo vobis talibus hunc iuuenem, à meâ quoque institutio-
ne & manu profectum: ac spero, vel confido potius, gratiam me debi-
turum quidem si quis meâ causâ benè fecerit, sed & habituros mihi si-
qui propius aut familiarius sibi iungent. Rogo, fides mihi sit sincerè scri-
benti; rogo, ipsi gratia aliqua & subsidium, in meâ descriptione. Louanij,
III. Nonas Sextil. ∞. IO. XCVII.

I. Lipsius, Professor & Historiogra-
phus Regius ipse scripsi.

EPIST. LVIII.

Mediolanum.

IOH. BAPTISTAE SACCO.

ANTE mensẽ ferè scripsi ad te & Puteanum: nunc iterum,
vno hoc argumento, vt hunc quem vides Nicolaum Mi-
caulium, libenter videas: quia & ipse meretur, & ego rogo. Vir
est inter digniores Belgas, stirpe & opibus: doctrinâ & vitâ in-
stituto Theologus, & ritu nostri aui LICENTIATI titulum
adeptus. Fuit mihi amicus, & plures annos sedulus auditor. Por-
rectâ fronte eum excipe: & si quid visendum apud vos, osten-
de. Ipsum Principem videre & affari si posset (certè vel à me ei
notum) in voto haberet: sed non temerè peto, nec illius beni-
gnitate etgã me abutor. Misi ad illum & te nuper ADMIRAN-
DA nostra, per cursus publici præfectum: accepistisne? verbo si-
gnificatum velim. Ego & languëo etiam mi Sacce, & senesco: atq.

G annum

annum quinquagesimum primum ordiri parabam (si peruenio) hoc mense Octobri propinquo . Interea epistolas meas aliquot colligo , & editioni apto . Vale , & saluebit noster Puteanus , à quo ad meas exspecto . Louanij , prid . Kal . Sept . ∞ . 13 . xcviii .

EPIST. LIX.

Romam.

NICOLAO MICAVLTIO.

* *Diarios*
cursores.
Lib. xxxi.

ROMAM enim inscripsi : & nostro voto atque opinione iam peruenisti . Si ita est , gratulor : & vt ea mansio iucunda , honesta , fructuosa tibi sit , Deum veneror & animo precor . Sed ecce , quæ te velut aduenticia excipiat , Dissertariunculam nostram super CURSORIBVS : quam in sermone , per occasionein discessus tui , agitatam misi te petente in scripta : & si vacas , hîc lege . Vides & fidem , & diligentiam ? tu obsequium aut suffragium etiam adhibe , nec , vt in sermone , ambige aut repugna . Et si quî possis ? habes omnia distinctè hîc , & per suos auctores : quibus vulgus fortasse aliquid abnuat , tu rerum artiumque veterum , non debes . Audi igitur . *Cursorum* tria genera facimus , hominum *Peditum* , *Equitum* , *Animantum* . De *Peditibus* præmitto , qui antiquissimi , & quos Græci (verba Liuij) * *Hemerodromos* vocant , *ingens vno die spatium emetientes* . Quantum ? inquires . Iam dicam , si priùs aliquid de ipsis *Spatiis* , per quæ veteres aut nos metimur . Nisi enim iis cognitis , & comparatis etiam aut pariatis , frustra , & apud suspensum te aut vacillantem , cetera addam . Græci per *Stadia* ferè computant : atque ea etsi alibi alia , tamen communi more & vsu , *sexcentorum pedum* hîc sunt . Pes autem Græcanicus Romano semunciâ est maior . Romani per *Milliaria* metiuntur , quibus à mille passibus est nomen . Passus autem *pedes quinos* continet : & pes Romanus vulgari nostro paullo est maior . *Octo stadia* paullo minus (ita Plutarchus) in *Milliare* vnum imputantur : etsi Suidas septem cum dimidio distinctiùs profert . Nos hodie per *Leucas* ferè computamus : atque eas horario spatio finimus . Nunc quæritur , quot prisca siue Romana *milliaria* in *Leucam* nostram veniunt ? vulgò *tria* asserunt : nec malè , si hodierna Italica aut Romana spectemus . Si vetera , vereor vt errent . Antonini Itinerarium qui inspicit & comparat ; videbit palàm , *milliaria*

liaria illa vinci ab hodiernis. Qui lapidum interualla, qui hodie-
 que in veteribus viis, signa milliarium, cum numeris suis exstant:
 idem censebit. Idem, qui hæc nostra mox producenda compara-
 bit. Si enim tria tantum milliaria in vnum nostrum sumes: sur-
 gent spatia diurna ab homine confecta, supra omnes humanas
 vires. Sed illud de lapidibus, per mihi firmum est: & exstant cum
 alibi hodie, tum in Lusitaniâ, viâ militari ad Emeritam Augu-
 stam, vbi singula milliaria singulæ suæ columnæ inscriptæ distin-
 guunt. Qui spatium dimensi sunt (inter alios, amicus noster Car-
 olus Clusius): certò asserunt, *quattuor ea venire in vnam Leucam.*
 Hoc igitur sequemur, ne nimia mira dicamus: & narrationem
 iam ordimur. Cursores pedites ingens spatium fecisse dixi, &
 exemplum primum sit in *Philippidâ* quodam: qui bello Persico
 ab Atheniensibus Lacedæmonem, auxilij petendi causâ, missus,
confecit biduo stadia mille ducenta sexaginta. Ea sunt Romana millia-
 ria *centum quinquaginta septem & semis*: ergo nostræ Leucæ, circiter
quadraginta. Fecerit in diem eas *viginti*: rem haud nimis ma-
 gnam aut mirandam. Magis in *Euchidâ*, qui ignis sacri petendi
 causâ, ab iisdem Athenis Delfos missus, vno die iuit rediuitque,
stadia mille emensus. id est, Romana milliaria *cx xv*: nostra, *xxx.*
 & quod excedit. Magis iterum, in *Anisti Lacedæmonio cursore*, &
Philonide Alexandri Magni, qui à Sicyone Elin, vno die, mille ducenta
stadia cucurrerunt. Sunt Leucæ nostræ, *xxxvii.* & semis. Sed
 in stuporem me dat, quod alibi idem Plinius, de hoc ipso Philo-
 nide: *Ex Sicyone Elin, mille & ducenta stadia, nouem diei confecisse ho-*
ris: indeque, quamuis decliui itinere, tertiâ noctis horâ remensum. Tôr-
 ne illa stadia, *nouem horis?* cursores nostri equi non faciunt. Sed
 fuisse æstiuas & longas horas, ponendum est: & de reuersione
 (quod rem auget) capiendum: quinque dumtaxat horas quie-
 uisse, iterumque sic redisse. Stupebam, sed excitat Plinius, qui vt
 rem notam & vulgatam tradit: *Nunc quidē in Circo quosdam CLX.*
millia passuum tolerare non ignoramus. Audin' tu? *quadraginta nostra*
milliaria vno die, in illis Circi spatiis remetiendis, præmij causâ,
confecere quidam. Quid amplius? *Nuper* (addit idem) *Fontcio*
& Vipstano Cos s. annos octogenitum puerum, à meridie ad vespere-
ram, XLV. millia passuum cucurrisse. Hem! itâne tantillum pue-
 rum? itâne à meridie? Quid dicas aut censeas, nisi Genij alicuius

Plin. lib.
vii. & Ac-
mil. Prob.

Plutarc. in
Aristide.
Plin. vii.
cap. xx.

Lib. ii.
cap. lxxi.

Suidas in
152 aut.Curtius
lib. vii.P. Cieca. 1.
cap. 22. 1.
August. Sa-
nat. 1. cap.
xiii.

Lib. vii.

Lib. xix.

subleuantis operâ factum? Etsi profectò hoc non fuit: sed vsus & exercitatio, & præmij acris cupido. Enimuerò & posteriore æuo, sub Leone Imp. Byzantino, *Indacus* quidam fuit, homo & robore & celeritate præstans. qui in cuncto conspectus (veteris scriptoris verba, apud Suidam) subito evanescebat fulguris instar, nec currenti magis quàm volanti adsimilis. Certè quod iter homo, mutatis equis, vno die conficere non poterat, hoc ipse suis pedibus, & SINE MOLESTIA, conficiebat. Licet his mirandis adnectere singulare exemplum *Philippi*, nobilis iuuenis in cohortè Alexandri. Is pedes (incredibile dictu) per quingenta stadia vectum regem comitatus est, sæpe equum suum offerente *Lysimacho*: nec tamen vt digrederetur à rege effici potuit, cum LORICA indutus ARMA gestaret. De spatio, non nimis miror: de armis, magnum est & pænè incredibile, vt Curtius dixit. Atque hi cursores Græcanici, quibus vsu, non operâ similes, quos reges *Inga* nuper habebant, in vasto illo noui orbis Periano tractu. Iis casulæ dispositæ, per publicas regni vias, erant, dimidiati milliariis quæque interuallo. In casulis duo cursores, cum suâ quisque vxore agebant. Re igitur aliquâ nunciandâ, ad primum illum voce (nam litteris carebant) deferrebat, quidquid hoc erat. Ille cursu intento, à suâ casulâ ad proximam pergens, iam vicinior altâ voce hoc ipsum inclamabat: atque alter accipiens, irem pergebat ad proximam: ac sic per manus ad fines regni, tantâ celeritate, vt Hispani scriptores fateantur, omnium equorum cursum ab iis superatum. Neque dissimilis ratio, quam maiores nostri Galli vsurpabant. de quâ *Cæsar*: *Vbi maior atque illustrior res incidit, clamore per agros regionesque significant: hunc alij deinceps excipiunt, & proximis tradunt, vt tunc accidit. nam quæ Genabi Oriente sole erant gesta, ante primam confectam vigiliam, in finibus Aruernorum sunt audita: quod spatium est millium passuum circiter CLX. Nihil nimium est: & miror esse, qui diffidant. Quid? nonne longè mirabilius, quod Diodorus Siculus, in rebus Eumenis, tradidit: cum ille milites & arma expediret, quosdam Persarum, qui xxx. dierum spatio abessent, eodem illo die hoc cognouisse? Fide maior res videtur: sed ille ita denarrat. Persis, inquit, pleraque montana est & vallibus interrupta. in montibus, opportunis locis specula sunt, in quibus consistunt homines maxime vocales: specula autem ita diuisæ, quantum vox ab vnâ ad alteram*
venire

venire & excipi potest. Re igitur nunciandâ, vnus in clamat proximo, ille alteri, & sic deinceps per omnes Satrapias, ad extrema regni. In numero tamen illo Τειχνοῦρα ἡμερῶν siue triginta dierum, subsisto: & vereor vt Τριῶν, siue trium, sit satis. Habes Hemerodromos, & pedites cursores: nisi quod Turcarum Peichi me etiam sistunt. Hi in comitatu Principis & antecursores, cum opus est huc illuc mittuntur: tantâ velocitate currentes, cum securiculâ in manu, & item phialâ odoratâ aquæ, vt adfirmant eos Byzantio Hadrianopolim die ac noctu peruenire. quod interuallum est milliarium Romanorum circiter CLX. At diuersum genus videtur quod Laonicus describit, & Vlacidâs appellat. Hi, inquit, citatissimo gradu magnum iter peragunt. & si fortè eques occurrit, eum deicit, ipse equum conscendit: iterumque si alium, idem facit, & defessum equum ei tradit. Corpus succingunt, ne doleat in cursu. Ex Peloponeso Hadrianopolim scimus regios istos cursores venisse, intra quinque dies: quod iter x v. dierum spatio egrè eques peregerit, etiam festinus & expeditus. Mixtum hoc postremum genus, & Equitibus assidet, ad quos nunc imus. Vetus id inuentû, vt per dispositos equos, & certas stationes currerent: quod Cyro, in Perside quidem, Xenophon adscribit. Is considerans, inquit, quantum spatij vno die equus posset conficere, sic vt labori non succumberet: in tali isto interuallo Equilia constituit, in quâ iis equos & eorû curatores. Tum etiam in quoque loco virum idoneum, qui acciperet literas, & cursu ita perferret: quem nec noctu interdum intermittunt. Nota de die, & rationem nostram hodie diuersam, qui disponimus ferè per horas. Atque isti sunt, quos Persæ Angaros appellarunt, itemq. Astandas. Græci an vsurparint hoc genus, firmiter nescio. in Liuiio tamen lego: *Ti. Sempronium Gracchum acerrimum iuuenem, per dispositos equos, propè incredibile celeritate, ab Amphissâ Pellam tertio die peruenisse.* Quid Romani veteres? & de iis ambigo: et si in eodem Liuiio lego, *Censores locasse currules equos præbendos:* sed ego ad Circenses traham. In Cæsare etiam scriptum: *Vibullium, omnibus opidis mutatis ad celeritatem iumentis, a Pompeio contendisse.* Iterumque in eodem: *Nuncios, per dispositos equites, de victoriâ Cæsaris, Messianam allatos.* Fuit ergo res in vsu: sed vix publico sumptu aut curâ. ac dixerim priuatos, lucelli causâ, equos sic elocasse & præbuisse, præsertim magnatibus notisque viris. Illud certum, Augustum

Lib. ix.

Lib. vii.
itè Herod.
lib. viii.

Lib. xxxvii.

Lib. xv.

xv. Ciuil.

iiâ.

rerum compotem, cursum denique publicum ordinasse. de quo
 Cap. XLIX. Suetonius: *Quo celerius, ac sub manum, annunciari cognoscique posset, quid in prouinciâ quaque gereretur: iuuenes primò (nota Perüanam illam rationem dictam) modicis interuallis per militares vias, dehinc vehicula disposuit. Commodius id visum est. ut qui à loco iudem perferrent litteras, interrogari quoque, siquid res exigeret, possent.* Ergo in vehiculis, Augusti instituto, is cursus: in quibus commodius molliusque sanè transuehi, quàm singularibus equis aut *Veredis*, qui tamen postea etiam accessère. Sed de modo huius cursus, quod præcipuè institui, videamus. Liuius tradit, *M. Catonem, quin-*
 Lib. XXXVI. *to die Hydrunto Romam, INGENTI CURSV peruenisse.* Ea sunt milliaria, opinor, paullo plus CCCC: sed alij longè vice-
 Cap. LVII. runt. Cæsar ipse Iulius, de quo Tranquillus: *Longissimas vias incredibili celeritate confecit, expeditus meritoria rhedâ, centena passuum millia in dies singulos.* Nota de meritoria rhedâ: & nondum igitur publicè fuisse. Assidet huic spatium, quod Plutarchus ut magnum prodidit, *Cæsarem octauo die ab Urbe ad Rhodanum venisse.* Nam ea sunt milliaria circiter *obtingenta.* Supra Cæsarem longè *Icelus* ille Galbæ libertus (in Plutarcho) qui ut patronum imperij nuncio, & cede Neronis, primus lætificaret, *septimo ab Urbe die Cluniam, (ferè in mediam Hispaniam) peruénit.* Etiam vicit Cæsarem Mithridates, quem Appianus, *mille stadia uno die, mutatis equis, confecisse* tradit. Sunt milliaria CXXV. Supra istum Annibal (in eodem Appiano) qui victus à Scipione, *Adrumetum vno comite venit, biduo & binotio tria admodum stadiorum millia emensus.* Sunt milliaria CCLXXV. ergo in diem noctemque C LXXVII. & semis. Vicit & hunc nuncius ille, qui à Maximo Romam missus, ut cædem Maximini narraret, *tanto impetu (verba Capitolini) mutatis animalibus cucurrit, ut quartâ die ab Aquileiâ Romam veniret.* Atquin, ex Antonino, spatium interest DCCLXXXVIII. milliarium. ita in noctem diemque imputes CC. ferè milliaria: quæ ipsa iusta confecit Tiberius Cæsar, pro exemplo (Plinio iudice) summi cursus. Nam is, inquit, cum frater Drusus in Germaniâ ægrotaret, *nocte ac die longissimum iter, vehiculis tribus est emensus: in quo fuerè ducenta millia passuum.* Obserua, quod admirationem augeat, *vehiculis tribus: id est, ter tantum mutatis equis.* Imò & de *Vehiculis* mirum; atque omnino expeditius videatur

in equis : quod Valerius etiam vult ita factum. Nam ipse hoc narrat : *Iter quàm rapidum & præceps, velut vno spiritu corripserit, eo patet : quòd Alpes Rhenumque transgressus, die ac nocte, mutato subinde equo, ducenta millia passuum, per modò deuictam Barbariam, Nandabaio duce solo comite contentus, euasit.* Tamen Plinij dictio instituto Augusti magis firmatur : & quid incòmodi tunc in Vehiculis? cùm vias publicas & militares, stratas vbiq. lapide aut glareâ sciamus : atque ita æquabiles, & sine salebris, faciles & meabiles curribus fuisse. Equi tamen, vt antè dixi, & ex Procopio aliisque liquet, successere. atque ita Socrates in Ecclesiasticâ Historiâ scribit, *sub Theodosio fuisse Palladium quemdam, animi & corporis viribus eximium, qui tridui spatio, ab vrbe Constantinopoli ad fines Persarum eques iret, totidemque diebus iterum rediret.* At Hercules ea sunt (ad Eufratem si numeras) milliaria plus DCC. atq. essent in diem nostratia paullo minus LX. Possintne cursores nostri hodie, nescio : etsi ratio ista horariæ mutationis percommoda est, & maximo cursui apta. Cui auctor apud nos Ludouicus XI. Galliarum rex fertur ; dum Carolo Audace caeso, Artesiæ & prouinciis nostris imminet, & nuncios rerum in horas exspectat. En de *Equitibus* : addatur miraculum de ipsis *Equis*. quorum vnus aliquis spatium confecit sensibus fideique nostræ ægrè insinuandum. Probo Imperatori oblatus è captiuus equus Scythicus, (Vopisci verba) *nec decorus, nec ingens, qui centum in die milliaria currere diceretur, ita vt ad octo aut decem dies continuaret.* Exclamas, te non admittere. Quid ergo Plinio facies, qui adauget? *Sarmatæ, inquit, longinqua itmera acturi inedia pridie præparant eos, exiguum tantum potum impertientes : atque ita per centena millia & quinquaginta, continuo cursu euntibus insident.* Vides Pegasos alatos : atque ab iis ad ipsas *Altes* (quid enim aliud superest?) veniamus. Eas præcipuè intellexi, cùm *Animantes* dixi currere : quidni celeriter istas, per liquidas & vbiq. peruias cæli oras? Regi Aegyptio *Marrha* fuisse cornix ab Æliano proditur, sic edocta, vt litteras quaqua- uersus præpete volatu deferret, indicio tantum loci factò. Cui etiam mortuæ sepulchrum, meritißimæ memoriæ ergò, rex condidit. Columbas olim & nunc hoc officium subiisse, præsertim in obsidionibus, * alibi docui. & addo, quòd bello Sacro cùm Tyrus à Christiano exercitu clauderetur, columba sapius emissa, *immisa,*

Lib. v.
cap. v.Lib. vi.
cap. xix.

Lib. vii.

* Saturnal.
ii, cap. v.
& addo
Plin. lib. x.
cap. xii.
vii.

immissa, litteras & alloquia hostibus ferret. Quae observata denique à nostris, clamore tanto à terrestribus navalibusque copiis simul excepta est, ut trepida ales, tamquam turbine moti caeli acta, in terram delapsa, praedae & gaudio, & mox etiam vsui esset. Nam deimptâ epistolâ lectaque, cum inscriptum repperissent, *Brevi auxilia ad futura, sumerent animos, atque exspectarent*: nostri, Barbaricis item litteris exararunt, *Uirtuti & fidei satis eos fecisse, Fortunam deesse: nec spem auxiliij, interclusis ab hoste itineribus*. Ita columba demissa subditiuam chartam retulit, & dolo non suo vibem referauit. Legi & in Bernardo quodam Brendenbachio, qui maiorum æuo Syriam atque Aegyptum perlustrauit: *Alexandriae praefectum* (Sarraceni tunc tenebant) quem ipsi *Amiraliū* vocabant, semper apud se columbas habere, sic edoctas, ut quocumque delata fuerint, mox ad eius domum mensamque reuertantur. Itaque earum duas aut tres, speculatores, qui emittuntur cottidie scaphis in mare, ad naues explorandas quae peregrè adueniunt, ne miles aut fraus lateat, eos inquam speculatores, columbas secum ferre: & cognitis quae vsui, statim scidam inscriptam collo columbae illigare, ac dimittere: hanc autem ad praefecti mensam bonâ fide statim se sistere. Idem fit in alterâ, tertiâque, si quid aliud fortè incidit: eoque inuento portum eius urbis aditumque egregiè tuentur. Sed à caelo ad terram iterum redeo, & venia mihi esto Canis etiam huic narratiuncule inserendi. Is quoque, inquam, defert litteras, fideliter ac celeriter, hoc exemplo. Rex Fessæ, subitario milite collecto, Tingin properabat, crepturus eam, ut censebat, Christianis. Improuisa res erat, & Menelius tamen per occultos indices rescivit, qui praerat Arzillæ. Quid faceret? volebat, nequibat, ad Tingitanum praefectum mittere, & periculi iam instantis admonere, viis omnibus obseptis. Excogitat astum. catella relicta, proximis diebus, per obliuionem Arzillæ erat à ciue Tingitano. Hæc litteris illigat ad Praefectum illum, & sub noctem in litore destituit, acriter ibi verberatam. Catella iam libera cursum, quantum potest, Tingin intendit: manè peruenit, litteras ostentat, & ciues militesque periculi admonet, liberatque. Hoc spatium est milliarium circiter LXXV. nisi me Io. Leo Afer fallit. Sed hem, hem, quò eo? hoc est epistolam scribere, an Chimæram pingere? Triplici facie certè habes, è *Pedite, Equite, Alite*: tu lege, nec lege, ut voles. Vale mihi

Orosius
Lust. Hist.
lib. 11.

mihî saltem, & in beatâ Italiâ benè beateque age. Louanij, prid.

Kal. Octobr. ∞. IO. XCVIII.

Carmen, quod honori tuo scripseram, hîc habes.

Reuerendô & Nobili viro

NICOLAO MICAVLTIO NICOLAI F.

cùm SACRA LAVREA donaretur,

ODE SYNCHARISTICA.

QVISNAM hic, quis nouus occupat
Ardor? quis trepidum rapit
Docti ad culmina montis

Phœbo operatum?

An verus vetus est amor
In te clare MICAVLTII?
Clare à stirpe, opibus, magis
A probitate.

Ille est. ille meum ferit
Thyrso pectus, & intima in-
Fundit gaudia, cùm videt
Inclyto honore

Augendum. date lilia,
Flores spargite duplices,
Sertos sine solutos,
Thura adolete.

Iam scandit Sophiæ arduas
Arces, iam capiti decus,
Aeternum veniet decus,

LAVREA SACRA.

Qualis Scipio, murice
Insignis, Capitolia,
Victis hostibus Afris,
Aurea scandit.

Plebes atque patres fremunt,

H

Hic

Hic cingit, subit, hic praet:

Illius noua tentat

Gloria peccatus.

Perge o tu quoque numine

Dextro victor, & asseret

Antiqua fidei sacra,

Heu violata.

Qua non flagitia adspicis?

Quas labes scelerum? ruic

Doctrina illa vetus patrum, &

Patria virtus.

Vt cum praecipiti iugo,

Currus non reuocabili

Impete fertur, equi negant

Obsequi habentis.

Nec spes vlla super, nisi

Nostra, o Belgica, bellicis

Tandem libera curis,

Munia pacis

Amplectare. cape, o cape,

Quam CLEMENS hominum pater,

Quam Regum ille PHILIPPVS

Maximus offert.

Qua mora vos Bataui tenet?

Qua vos Mattiaci? date

Dextras, & veteri iugo

Subdite colla.

Tunc tristes superum minae,

Tunc Mars & Furor impius

Ibunt, atque redibunt

AVREA SAECULA.

I. L.

EPIST.

GARCIAE FIGVERÖA, *Regi à cubiculo.*

DVPLICI dolore, & quasi ictu, sum affectus, cum tuam epistolam accepi. Etsi priorem non tam intulit ipsa mihi, quam illatum renouavit, mentione mortis Ariæ Montani nostri, ô magni rarique viri, & nobis etiam longinquis & exteris ob virtutem & doctrinam cari! Imò credo nobis in pretio pænè maiore, quam vobis fuisse: vt ferè solent in leui (non dicam in vili) haberi viri magni, apud notos & populares. Certè ego à multis annis amabam virum, amatus etiam ab ipso: & in isto animo sentio doloris hanc plagam, prudentiâ tamen & constantiâ minuendam, aut sanandam. Quod idem & te facere hortor, Illustris Garcia. qui sine fructu vlllo lugere eum potes; at cum magno fructu non lugere. quo illo? roboris, quod animo tuo indues, & paullatim assuefacies ad humanos istos casus. In theatro hoc magno sedemus, spectatores aut actores; & exitus alij, inimus alij: nec mirari aut indignari debemus, in communi & receptâ ab æternitate lege. At vulnus alterum, quod cum epistolâ tuâ venit, non tamen in ipsâ. Is enim qui tuam mihi mittebat, idem de fato maximi regum Philippi nunciabat: quod me percussit, vt quod publicam Christiani orbis salutem, aut certè quietem, spectaret. Videbatur enim ille Rex, certo iam & firmo consilio, ad Pacis metam sua omnia dirigere: & in parte effecit, magis pleniusque fortasse, si vita etiam aliqua ei fuisset. At ô clare Sol occidisti, & nos in caligine istâ reliquisti & nimbis civilium bellorum. Etsi non occidisti, sed in filio tuo isto PHILIPPO TERTIO. viuis & lucis: quem vouemus salubrium consiliorum tuorum, vt potentia atque opum, heredem. Quîdni autem erit? tali stirpe, educatione, indole: inò vt nouum & salutare sidus exortum eum speramus, ad illustrandum & vegetandum vtrumque orbem. Deus vota nostra audiat; & illi consilia atque animos donet, benè decernendi, fortiter patrandi. Hac publica, mi Garcia: quod ad me, sum in veteri iterum languore, id est in viâ quam Arias noster decurrit. Etsi paullo tamen nunc melius: sed æstas hæc valde me affecit, & pænè adeò confecit. ADMIRANDA iamdiu ad te misi, & ad vtrumque Idiaqueum: nec culpa nostra

stra est, si litteræ aut libri non sunt perlati. Curauimus per bonos & fidos amicos Antuerpiæ: sed casus maris, & manus vbique sparsas prædonum, non ignoratis. Nunc parabam me dare ad **MONITA ET EXEMPLA POLITICA**: si Deus tamen æuum & otium dabit. De imagine aureâ nostri tunc Principis, nunc Regis, quam significas ad me missam, non equidem accepi: & per quem ea missa, ignoro. Si videtur, vno verbo indicabis. Scire etiam perecipiam, quo loco nunc sis apud nouum Regem: spero equidem bono & virtutibus tuis digno: atque eo nomine (si ita est) iam nunc tibi gratulor, & amici bona, meâ puto. Vale Ill^{is} Domine, & in animo te gestari à nobis scito. Louanij, XII. Kal. x. bres. ∞. IO. XCVIII.

E P I S T. LXI.

IO. FERDINANDO VELASCIO, *Magistro equitum
Castelle, Gubernatori Mediolanensi.*

MINVS mirari, aut indignari debeamus, si nostræ plebeiorum litteræ pereant, aut tardiùs reddantur, cùm ea fors per hæc tempora vestras Principum etiam tangat. Nam priores quidem quas misisse te ad significas, vnâ cum libro Puteani nostri, planè perierunt; alteræ succedaneæ tardiùs etiam ad me venerunt. Quod præmitto, ne accusari tacitâ cogitatione cessatio mea possit: cui apud talem Principem nullum alioqui velum sit aut color. Vidi autem postmodum *Puteani Reliquias*, & cultum illum tui sanè amaui. Adolefcens est, sed specimen ingenij præfert, ad magna surrecturi, si ætas & peritia rerum dirigunt etiam & formant. Ego ab aliquot mensibus solito languidior eram, & eâ causâ, tum etiam quia affectus iamdiu suadet, statui seriò Italianam reuifere, idque sub annum iam instantem Sæcularem. Præter ea quæ dixi, Religio etiam vocat; &, quod non diffiteor, cupiditas tui coràm videndi, & cultum officiaque mea deferendi. Virtus tua in meo animo maiora meretur, & id sine omni blanditiâ vel adulatione scribo. Inuitant me etiâ Romam viri in sacro ordine Principes: quibus parebo, sed dumtaxat vt peregrinatio non emanfio sit, & mei me Principes ac patria habebunt. Itaque si viuo, & vel modicè valeo, in proximo autumno me vobis sistam.

ftam. Deus faxit, vt te, Ill^{mc} & Excell^{mc} Princeps, faluum, atq. in iis locis reperiam: alioqui defiderium hoc peregrinandi valde minuatur, & languescat. Louanij, XII. Kal. Feb. ∞. IO. XCIX.

EPIST. LXII.

*Mantuan.*ANTONIO POSSEVINO *Soc. Iesu.*

VIDI iam nunc epistolam, quam ad P. Sallium dedisti, & in eâ benignam honestamque mentionem nostri. Non est nouum. publicè ostendisti quid de me & religione meâ sentires: quæ postrema attestatio pergrata mihi fuit. Nec eius pœnitentiam ages, ita Deus me seruet. sum enim, & ero in veteribus militiæ sacræ castris, nec transfuga vnquam ad nouitates vllas ibo. Tranquillo animo hîc viuo, Deo & studiis me consecrans. studiis, quæ pro ingenij mei copiâ adiutum, aut illustratum eo, etsi non in arduo illo genere, quod vos tractatis. Tu verò nunc etiam ingrauescente ætate non omittis: ô laudabilem conatum, atque operam! nam speciem, & ideam operis vidi, quod paras, varij, laboriosi, vtilis, quod ab interiore animo testor. Deus tibi vires, annosque ad emolendum det; & mihi largiatur non scripto solum, sed sermone te affari. Id enim meditor, & si valetudo patitur, sub annum sacrum Sæcularem in Italiâ vestrâ me sistam, & vel de viâ flectam, vt te complectar. Optime Pater salue, & me precibus tuis apud superum numen velis adiutum. Louanij, IV. Kal. Febr. ∞. IO. XCIX.

EPIST. LXIII.

Patani.

THOMAE SEGETO.

GAUDEO in Italiam incolumem venisse, gaudeo in domum magni Pinelli admissum: quem virum, tuo & gloriâ iam veterem, Italia vel inter veteres suos præferat & iactet. Quod id beneficij à me habes, & imputas, iucundum est: & libens equidem adiutum eo istos, qui cultum aliquem animi nobis debent. Sed & libens audio, agnoscere eos & fateri. Tu fac & enitere, vt quem te promisi præstes: nec abripiant te aut vana illîc aut praua, quorum copiam etiam beata illa regio donet. Sed vt in vrbe,

H 3

vbi

vbi lues est, si agas, vites domus aut vias totas eâ infames: sic hîc moneo, fugere te homines & loca vitiiis nota & infecta. Aetas tua allicit? frama. Populares abducunt? resiste. denique te & posteritatem cogita: nec posse, quin illa infamiam cum noxâ pariter apud te relinquunt. Ah, quàm suaue animo iam maturo erit, meminisse pugnae & victoriae: integrum sese à labe, & corpus ab ægritudine asseruasse! Hæc moneo, mi Segete, non quia opus fortasse: sed quia amor inducit, cui agnatam curam aliquam, imò & metum esse, non ignoras. Quidni autem in atate istâ sit?

quid non ho-
mini sit:
uermior
in pube at-
que iuuuâ.

*H'En e' ve'om' b'v'ne' q' l'ei v'bon' a'nd' p'os.

ait poëta ille sapiens. Quidni etiam in regione eâ sit? suavi, bel-
lâ, diuite: sed in quâ deliciae aut luxus sui hærent. Vita, vita, &
horridulam virtutem & me ama. Deum ita precor, & eundem
in ambagine omni aut caligine ducem tibi & lucem. Louanij,
v. Kal. Ianuar. ∞. IO. XCVII.

TESTIMONIUM.

QUI HAEC LEGETIS,

TESTOR apud vos serid, hac meâ manu, THOMAM SE-
GETVM gente & domo Scotum, notum mihi à pluribus annis
fuisse, imò ab ipsâ primâ eius adolescentiâ, meum vel discipulum, vel
auditorem. Eo omnitempore, probis se probasse, ac mihi imprimis, ob acre
& excellens ingenium, ardorem studiumque discendi: atque ita profe-
cisse, vt in meliori omni literaturâ, paucos sibi aequales habeat, in equali
æuo. Addo & moribus modestum ingenuumque esse, & dignum quem
tales omnes æstiment atque ament. Peto igitur atque absens rogo, vt
hunc in occasione adiutum velitis, fauere animis, consiliis, factis: benè
locaturi beneficium, quodcumque in eum conferetis. Stirpes istæ fouendæ
& attollendæ sunt, in commune reip. bonum, cui boni omnes studemus.
Louanij, VI. Kal. Sext. ∞. IO. XCVII.

L. L.

EPIST.

EPIST. LXIV.

Romam.

FRANCISCO SPORTIAE, S. R. E. Cardinali.

EGO verò tertium scribo, nec indecorum est in tantâ tuâ benignitate. Nam & Micaultius iam nunc indicium mihi fecit sermonis & curæ, quam de me & itinere meo habes. Quod iter, ita me Deus seruet, suscipiam, religionis quidem primum, sed & tuâ causâ; qui vltro hanc prolixam beniuolentiam in me ostendis: quâ nisi capi & molliri me fatear, sim profectò lapis aliquis aut ferrum. Quamquam & ipsum ferrum vt à magnete trahitur, & occultâ vi allicitur; sic me à tuâ virtute testor. O verè magnum, & vt verbo dicam, ROMANVM tuum animum! qui vel hoc argumento valdè virtutibus abundas, quòd alienas sic excitas aut amas. Nihil blandè aut apud te tuâ causâ dicam, sed numen supremum appello, esse me & fore cultorem tuum, quandiu terræ me huius esse idem numen volet. Sed vt de re dicam, ad iter me paro in Autumnum proximū, & Septembri (cum bono Deo) dabo me in viam. Ideò enim paullò maturius, quia & amici in viâ alibi tenebunt fortasse: & exigua spatia conficere suadet hæc valetudo. De essedo quod offerebas, planè opus non est mitti. Hic enim facile paramus, & comites item honestissimè non deerunt, atque adeò quidam etiam è contubernio aut disciplinâ nostrâ. De ratione itineris totâ, certò nondum dixerim: quia incidere aliquid potest quod turber, tamen, vt nunc est, censebam per Germaniam meiturum, & Alpes Tridentinas, quæ molliore cliuo esseda & currus etiam transmittunt. Si non; Galliam transiero & obiter videro, vbi amici item plures qui inuitant. Sed Romam cum venero, certum mihi est rectâ ad te Ill^{me}. & vt Iuno illa Homericâ, in concilium Deorum veniens, à nemine poculum nisi à Themide accepit; sic ego tuo inter omnes hospitio & beneficio vtar, quod mihi comiter & liberaliter offers. Tum denique in sermonibus ea, de quibus scribis. Deus modò Ill^{me} & Reu^{me} Princeps te seruet, & me voti mei duplicis damnet: prisoi illius, Romam reuisendi; & huius noui, te visendi, quod animus iste (vt vero verbo dicam) ardet. Louanij, XII. Kal. Maij, ∞. IO. XCIX.

EPIST.

IOANNI BAPTISTAE SACCO S. D.

AVDI rem lætam, vt est tuus amor, cui fideliter equidem respondeo amore. Rem, inquam, lætam, meum in Italiam aduentum. Quando? inquires. sub Autumnum proximum, ne longius etiam hoc producam. Labet esse in anni Sæcularis initio Romæ, quò magnates aliquot inuitant; & inter eos Cardinalis Sfortia, haud dixerim quàm in me pronus. Audis tu ista? crede firmiter, nisi Vita, aut Valetudo prorsus destituit, sic futura. At illum Principem, & heroem nostrum ante omnes videbo, qui in ditione vestrà præest. Præsit etiam tunc modò, nec in mutatione rerum istà aliquid mutetur. Sanè id mihi triste esset, quia acre desiderium concepi eius videndi, ac venerandi; atque id merito solo virtutis. POLIORCETICA nostra recusa sunt, cum figuris additis, quas ille Princeps mihi submisit, quem breuiter, sed fideliter laudaui. Micaultium, quem commendaue-ram, sic benignè & honestè à te habitum (ipse largiter scripsit) quidni later? At non hoc, silere nostrum Puteanum, à quo iam à pluribus mensibus ego nihil. Viuit, valet, apud vos agit? per te sciam, si tardat etiam ipse. At tu vale, mi Sacce, & saluet à me Cl^{mus} Septalius, qui melius de valetudine istà ominatur, quàm ego. Sed viuam, valeamque in paucos menses modò: videbor, & videbo. Louanij, XII. Kal. Feb. ∞. IO. XCIX.

EPIST. LXVI.

Patavium.

IO. VINCENTIO PINELLO.

SI quis in Italià hodie veteri & merità famà est, eum ego te censeo Vincenti Pinelle: & ideo iam à pluribus annis tacito quodam affectu & colo & amo. Non fuit occasio sermone aut litteris declarandi: vtrumque fortasse erit, certè nunc alterum; & stilo te vt conuenirem, duplex mihi causa fuit. Prior, vt gratias agerem pro benignitate quam in Thomam Segetum, ex communi quâdam commendatione meâ, contulisti: quod ex eius litteris intellexi, & cã re debere me tibi obstrictumque esse, & sentio & restor. Altera etiam causa, vt hunc adolefcentem Franc. Sallenum,

Sassenum, in vrbe istâ natum bonis honestisque parentibus, ipsum benè educatum & institutum, hæctenus tibi insinuarem, vt videndi adeundiq. tui copia aliquando sit, & consilio, si opus sit, etiam iuues. Nam cetera ei non desunt, & dumtaxat studiorum & rei medicæ causâ, ad loca illa venit. Sed de sermone quod initio dixi, nec id quidem despero, & valdè certè opto. Spero autem idè, quia pene decretum mihi, sub annum instantem Sæcularem in Italiâ me sistere: & absit, vt eâ exeam, nisi vt te videam & amplectar. Quid exeam? imò cum inibo hoc fiet, opinor: & inter prima & calida desideria mea est, vt hoc reddam effectum. Viue, viuam: nisi casus aut vis impedit, videbo. Louanij, VI. Kal. April. ∞. 10. XCIX.

EPIST. LXVII.

Genuam.

PAVLO MONELIAE S. D.

SILENTIVM aliquod fuit, mi Monelia; sed quod ego vnicâ sistâ scriptione, & nuncio pensauero, & dabo te in gaudium, si amorem tuum noui. Quid igitur nuncio? venturum me in Italiam, ante annum hunc Sæcularem, si Deus vitam, & aliquas vires donet. Ita planè decretum est, idq. sub autumnum proximum, vt otium sit Italiæ ipsius, & amicorum videndi. Atqui non domicilij causâ, ne erres, sed pietatis primò, tum etiam animi causâ veniemus: & inuitante item Cardinali Sfortiâ, qui in me se exhibet valde benignum. O quàm libens te quoque inter amicos complectar! etsi tu à viâ procul: sed aut ego defleam, aut tu excurre, & omnino fruemur mutuo aspectu ac sermone. Eâ spe pauciora verba faciam, de rebus aut scriptis meis nihil addens: quid opus, cum tibi me sistam? Ita faxit ille Deus, & te meque in paucos illos saltem menses seruet. Scribe autem interea de ratione itineris optimâ, si quid habes, & has ad Mercuriale nostrum mitte. Louanij, Kal. Febr. ∞. 10. XCIX.

EPIST. LXVIII.

Pisas.

HIERONYMO MERCVRIALI S. D.

CONSTANTEM amorem tuum amo, quem numero inter Italiæ veteritimos, suauissimosque. Et hortaris. vt scriptione

I

eum

eum exclamamus: quod lubens fecero. sed quid si aliud etiam epos tibi cantem? inopinato tibi fortasse, & hoc gratius erit. Ego, mi Mercurialis, statui certò (Deus modò & vira velint) in Italiam vestram venire, non habitandi, sed visendi, & regustandi causâ. Vultum tuum videre, & verba audire videor exclamantis, Quando? Iam breui, iam intra quinque aut sex menses ad iter me dabo, & lubet esse in fine æstatis in aditu Italiae vestrae. Anus sacer Sæcularis me vocat maximè, sed etiam viri quidam principes qui inuitant; & vos amici trahitis, omnino ante excessum videndi. Tum de valetudine, tum de descriptionibus, & studiis, sermo nobis sit vel in multam noctem, si dies non exsariat: & certè explere oportet desiderium, & famem, vt sic dicam, diu ieiuni & auidi amoris. Ergo pauca nunc scribo, tuas ad VVitendellium misi, tuas item ad me exspecto, ecquid consilium nostrum probes. sed quid ambigo? ore, stilo, pectore, scio, probabis. Vale. Louanij, Kal. Feb. ∞. 10. XCIX.

EPIST. LXIX.

Romam.

ASCANIO COLUMNAE S. R. E. Cardinali.

MICAVLTIVS significauit mihi de honesto & beniuolo pariter sermone, quem de me habuisses. Etsi quid opus fuit? ipsæ tuæ litteræ hoc mihi dicunt, quas ante bienniū ad me, illustri testimonio vel iudicij vel affectus, dedisti. Quas ego, non mentior, vt Palladium aliquod Romani olim, aut sacrum depositum, asseruo. Itaque non credere solū me par est; sed affectum aut potius cultum rependere, quod dignitas tua postulat & fortuna. O beatam, ô illustrem Romam his, vt sic dicam, sideribus! quæ non splendore generis solū, sed luce propriâ virtutum & laudum micant. Ac mihi iamdiu animus est & cælum illud Italiae (liceat manere in hac imagine:) & vos in eo astra intueri propius: ac fiet sanè breui, si vitam mihi in paucos menses proroget supremus ille rector. Nam annus sacer Lustralis cū instet, occasio siue causâ est veniendi: & simul sacris, ac desiderio meo, litandi. Quod significare me tibi Ill^{me} Princeps cultus hic animi adigit: animi, æternū virtutibus tuis deuoti. ita propitius mihi sit ille Æternus. Louanij, XII. Kal. Maijas ∞. 10. XCIX.

EPIST.

EPIST. LXX.

Mediolanum.

IOANNI BAPTISTAE SACCO S. D.

NIHIL ambigebam, mi Sacce, quin latificassem te nuncio
mei aduentus: ita mihi notus & seriò creditus est serius
tuus amor. Et tu quàm eum ostendis? nec celari sanè solet hic
ignis. Inuitas in domum tuam; & hospitium molle, vbi ego
curer, tanquam Regi Antiocho oculi solent (liceat iocari) offers.
Accipio mi Sacce, accipio: & vbi sim libentiùs, addo etiam li-
beritiùs? Accipio tamen ita, nisi imperio aliter cogimur, cui leges
non damus. Scis me de Principe intelligere, qui perbenignè certè
in nos est affectus: & fortasse apud se etiam volet esse, aut ex eius
meratione accipere domum. Quicquid erit, vtinam tuam! Sed
in paucos tamen dies, quia in amatâ illâ Italiâ plura loca homi-
nesque videndi nobis sunt: & ante omnia, inclyta illa Roma, in
quâ etiam nunc animi & virtutes Romanæ. Nam percurrere Ita-
liam nobis decretum tantùm, non herculès insidere. Cuius rei
si vel suspiciuncula proceres nostros tangat; non dimittar profe-
ctò, nec vllò titulo impetrem comitatum. Atqui nihil tale est.
sacra & amici trahunt, & ipse meus Genius, qui loca ea & homi-
nes nescio quo naturæ ductu amat. Tu me mi Sacce, & hūc etiam
adolefcentem libens aspice, mihi auditorem & amicum, in litte-
raturâ, & Poësi præsertim, inter paucos præstantem. Louanij,
VII. Kal. Maijas. ∞. IO. XCIX.

EPIST. LXXI.

Romam.

CAESARI BARONIO S. R. E. Cardinali.

QUOD animo & voto sepè facimus, vt te alloquamur, & qua-
sificoràm videamus, id nunc stilo vsurpo & repræsentò, in
occasione quam NICOLAUS MICAULTIVS mihi præbuit, iste
quē vides. Putat gratiæ mihi aliquem locum apud te esse (nec diffi-
do, in animo isto conscius, quanti te faciã Christiani orbis fidus:)
putat, inquam, aliquid apud te commédationem meam posse, eò
libentiùs dandam, quia tali. Nam vir est, & claris apud nos ma-
ioribus, & ipse planè probus, industrius, & vetus auditor meus:
etsi illum Deus & animus ad diuina studia traxerunt. Nam in

Theologiâ eò iam peruénit, vt etiam titulum & testimonium publicè acceperit : & nunc in Italiam & urbem sacram se contulit, videndi discendique causâ. Beabis eum, si & tuo interdum aspectu frui, & vel breui colloquio, liceat : quod longum, scio, occupationes tuæ non donant. Hæc pro Micaultio : de me aliquid addam : addam. Pietate impulsus, & cupidine vos illustres viros videndi, in Italiam venturum sub annum hunc sacrum & Lustralem, qui instat. O Deus mihi det caput illud Ecclesiæ, non dignitate magis quàm meritis inclytum, vel eminus intueri & venerari : vos autem propius adire & alloqui : quod inter præcipua mea vota esse fateor, & animus mihi dicit, F I E T. Ill^{me} & Reu^{me} Domine, idem Deus Ecclesiæ suæ lucem & tutelam te seruet, cui sincerè testor me toto animo addictum & consecratum. Louanij, vi. Kal. April. ∞. 10. xcix.

EPIST. LXXII.

Mediolanum.

IO. BAPTISTAE SACCO S. D.

NE ambige, ego venio, cum vnâ exceptione Fati. Si publica mortalitas, aut priuata mea, Italiam non inuadet; ipsam videbo, vos amplectar. Ad Ill^{mm} Principem parco nunc scribere, donec de tempore & totâ viâ meâ certò scribam. Etsi de tempore propemodum scio, & statui ipso mense Septembri: sed de viâ aut limite mutant turbæ, contagia, & eiusmodi euetus. Quacumque viâ, certum est Mediolanum vel per ambages deflectere, illius Herôis & vestrâ causâ. Statui & Antuerpiam breui ire, & scripta mea quædam apud Typographum deponere, vel mortuo me edenda, si quid humanum contingat. Misi litteras nuper ad te alteras, sed per adolescentem nostratem N. N. quem commendavi obiter, neque nimis velim, & ambigo (vt apud te liberè) de moribus & vitâ. Etsi certum nihil, sed ex suspitionibus habebam, quibus vir probus non nimis indulget. Idem ille ad Puteanum à me habet, cui in studiis commilitauit. Cardinales Romani, inter eos Sfortia, in me sunt benigni: videbo illa lumina, nisi Deus hæc mihi claudit, vt initio dixi. Vale mi Sacce, cui iam nunc animo circumfundor. Louanij, Pridie Kalend. Maijas, ∞. 10. XCIX.

Nostri

Nostri hîc agrè me dimittunt; ramen temporarium hunc com-
meatum à præcipuis Aulæ iam impetraui, in senos dumtaxat
menses.

EPIST. LXXIII.

Romam.

FREDERICO BORROMAEO *S.R.E. Cardinali.*

ANIMVS me iussit, & hic cultus quem tibi deuoui, significa-
re consilium, quod in re meâ cepi. Statui enim feriò, in-
stante iam anno sacro Sæculari, Italiam vestram & in eâ urbem
Dominam inuisere: quò pietas me primùm, sed & cupiditas ali-
quâ (non nego) vos illustria orbis lumina videndi, inuitat &
trahit. Inter ea cum clarâ luce fulgeas, & iam olim honore me be-
niuolentiæ & litterarij affatus tui affeceris; iure inter primos ad
osculum manus tuæ veniam, & domicilium ostendam, cui ani-
mus includitur virtutibus tuis feriò deuotus. Deus mihi det per-
ficere, & te Ill^{me} & Reu^{me} incolumem diu Ecclesiæ superesse. Lo-
uaniij, Prid. Kal. Maijas, ∞. 10. XCIX.

EPIST. LXXIV.

Mediolanum.

PETRO PANTINO *Decano Bruxellensi.*

GRATVLAVOR? animo feci, & nunc scripto: etsi venisse te
Mediolanum, fama adhuc, non litteræ tuæ mihi dicunt.
Sed gratulor, & veram hanc famam, quia valdè cupio, puto. Ah
mi Pantine, quàm Principes illos nouos patria desiderat! quàm
brachia aduentantibus, vt sic dicam, pandit! Non illeipse Al-
bertus sic nuper ad suam sponsam; quàm nos ad illum & illam
anhelamus, tot malorum medicinam & leuamen. Venite, & no-
uam lucem Belgicæ infundite, tu Sol, tu Luna, & diem noctemq̃.
nostram pariter illustrate. Quàm calida vota nostra sint, potes
scire, quia suprema. Quæ enim spes, præter hanc, vltra superest?
Iacta est è fatiscente nauî nostrâ sacra hæc anchora: & ea duplex
nisi sistit, cum Tragico exclamo,

* Οἱ μοι, μέγας θησαυρὸς ὡς ἀνοίγεται
κακῶν.

* Heu me,
malorum
quam
abyssus
panditur!

yno verbo, perimus. Sed abite malè ominata verba: illa quoque
Iunonia auis nobis cecinit, * Ἐς αἶψα πάντα καλῶς. Et profecto erunt,
I 3 sino-

* Erunt o-
mnia rectè.

si nostri illi bonis prouidisque consiliis vtentur : quibus nimis est opus. Nam affectus & obsequia nostra non adsunt, sed supersunt : adsit ille auriga modò, qui peritè moderetur & temperet, & cui Minerua aliqua (illa illa, vt spero, Isabella) in consilio adsistat. Sanè prudentiâ opus, & si distinguere placet, prouidentiâ, in hoc articulo temporum. quia vt iis qui è puteo extrahuntur, tunc maximè periculum lapsus est, cum ad oras summas venerunt : sic nobis, qui educi iam incipimus, ne à spei culmine ad barathrum * δυσελπίας relabamur. Veta ô magne Deus, & benigno semel oculo Belgas tuos vide. Sed vt cumque cadet, magni animi hoc regis vtriusque factum : illius, qui dedit, huius qui approbavit. & ingens gloria, non esse solùm magnos & felices, sed fecisse.

Habere regnum, casus est, virtus dare.

Sed publica sepono, de quibus coràm affatim, quia tu prudens eorum es, quæ ibi acta : nunc audi & priuata. Valemus, vt solemus : id est, viuimus magis quàm valeimus. sed quî noster Cuarruuia, ille senex senis Homerici æuo dignus ? sed non etiam Homeri fato, quo tamen audio & doleo eum affectum. O virum corde mihi, non ab annis, sed à lustris iam amatum!

* de desperationis.

* Quem manibus propriis finxit cordata Minerva.

* Οὐδ' αὐτὴ πολύμητις ἀνεπλάσασα χερσὶν ἀθῆνη.

Inuideo tibi, qui vidisti & amplexus es, vt inam medio me par illud diuellent! Sed heu, quàm diuulsus à nobis Winckelius ! ô spes & destinationes humanas ! Ille diu luctatus cum suâ sorte emerferat, & iam terram non videbat, sed tenebat : in ipsâ terrâ spei suæ ac nostræ naufragium fecit, atque adeò ipsius vitæ. Nam Genuæ fato suo functum audiuius, & suspiriis profecuti sumus : quid iuuat? magis hæc vota, vt vir quietissimi animi, in quietis illis locis, fruatur æternâ & beatâ pace. At tu de me etiam audi * ῥήματα ἢ θαύματα? vt ait Orator. In eo sum, si vel leuiter moramini, vt vos in locis iis opprimam. Quî potest? inquires. potest. quia statui ad urbem sacram sub sacrum hunc annum ire, & simul animum à noxis lustrare; simul perfundere eum spectandi illâ honestissimâ voluptate. Spectandi, inquam, & illustres aliquot viros (in iis Io. Ferdinandum Velascium, regiâ ibi vice Gubernatorem) & loca regionisque, antiquitatis gratiâ, sic amata nobis & culta. O quàm desidero ! nec mei aut mea teneant,

* non si me vel vincula ferrea stringant.

* εἰδ' εἰσὲρ τὸ σιδήρεα δέσματα ἔχῃσι : si tamen valetudo non sistat, illa mea

mea Atē, quæ in turri aëneâ inclusum iamdiu me habet. Quis Iu-
piter liberabit? an ille summus, & sub nouo Principe nouū vigo-
rem dabit? O fiat, & ego te hîc, aut ibi, saluum saluus videam!

Da pater omnipotens, atque istac omina firma.

Vale vir R^{de} & amicissime. Louanij, III. Nonas Sext. ∞. IO. XCIX.

EPIST. LXXV.

Bononiam.

IOH. AB HOLLANDT S. D.

LITTERAE tuæ loquuntur multum te in libris, atque etiam
Senecâ nostro esse: quod ex animo gaudere me fateor, &
gratulari tibi hanc bonam mentem. Si ab vlllo haurienda ea est
(sacra semper omitto:) cum Senecam esse certum habeo. quem
ego nunc meditabar illustratum & correctū edere, & hunc quo-
que fructum dare (pro ingenij mei copiâ) præsentî & futuro quo.
Totus in eo sum. Valetudo autem semper anceps, plurimùm ad-
uersa; & vincula hæc euolanti ingenio summus arbiter dedit.
Quid nisi feramus, & ferendo adeo vincamus? quia in pugnam
hanc compositi cum Fortunâ siue Fato sumus: atque vna hîc vi-
ctoriæ ratio est, arma submittere, nec pugnare. Næuius olim:

Pati neesse est multa mortalem mala.

Te in florenti Italiâ esse, gaudeo: florenti ingeniis, pace, opibus.
vide, vt vidisse te olim iuuet: id est, quæ bona, & in rem tuam,
excerpe, cetera nec tange, nec deliba. Nam & rosîs suæ spinæ ad-
hærent: atque illas legere licet, & ab his non lædi. Animus
mihi erat, & acris cupido loca ea reuisendi hoc anno sæculari:
Deus vetat, vt verbo dicam. Vale mi amice. Louanij, IX. Kal.
Octobr. ∞. IO. XCIX.

EPIST. LXXVI.

Bononiam.

FRANC. HOVIO S. D.

TESTIMONIUM hîc tibi curauimus, quod ad parentem mi-
simus, atque ad te per illum. Finem impone, meo iudicio,
& ad nos tuos ex longâ peregrinatione redi. Quod familiariter
mihi scribis de iudiciis ibi aut sermunculis, gratum est, quod ad
tuum affectum: nam quod ad me, ne scire quidem cupio, adeo
non

non diluere aut excusare. Tantum si quid in Religione erit, fortiter purga & pugna, uti debes. Scis enim falso & infidiosè me peti. de aliis, permitte Fainæ & Posteritati, quæ Genius meus mihi spondet non iniqua. Illi, qui se opponunt, aut sistere conantur benigniorem hunc cursum, nihil agunt: sese edunt aut atterunt, me aut mea non delibant. O quietem in hac parte nostram, & securitatem! Optimo animo feci, dixi, scripsi, quæ vsui reip. aut iuuentuti fore censui: si quis meliora se putat posse, largiatur & promat. ego sum inter eos, qui sinum pudent, & supinis manibus excepta in eum recondent. Illud tantum risi de Aristotele. non legisse me? à puero pænè, verè ita dixerim: & scripta mea vbique habent notas. Sed mittamus, illud modò dicito, POLITICA illa iam recusa ante triennium, probata nō nostris modò Censoribus, sed Romanis. An & eos culpant, aut suspiciunt? Improbos, non solum inuidos, si ita faciunt: & quos ego non magis curo, quàm, ut cum Homero hoc dicam, — *εἰ με γυνὴ βάλῃ, ἢ παῖς ἄφρων. Quod ad iter meum omissum, Valetudo sola est in causâ: nec aliam tu aut alij quarite, non reperietis. Rob. Titium amare me puto, ex quibusdam publicis eius testimoniis: ego eum video sedulo niti ad attollendam rem litterariam, quæ certè in iis locis (ô mutationes à Leonino sæculo!) nunc squallet & iacet. Fata viderint, tu mi Hovi salue, & per te Io. ab Hollandt, quem amo. Louanij, vi. Kal. Octobr. ∞. 10. XCIX.

* si me
mulier. vel
verberos
infans.

παῖς ἄφρων.

EPIST. LXXVII.

Toletum.

ANTONIO COVARRUVIAE S. D.

BENEFICAM tuam naturam, ô Couarruuia, qui nec petenti, quid petenti? nec cogitanti beneficium offers: quod & cupiebam maximè, & vsui futurum studiis meis censebam. Accepi enim Græcanicos libros manuscriptos, quos per nostram Pantinum misisti: quo nomine quantum & animo huic tuo & muneri debeam, lingua & stilus mihi hærent efferre. O cur non pax Europam respicit! cur non maria & terræ apertæ comitantibus sunt! profecto interius votum meum sit, Hispaniam vestram cursum semel, & te in eâ, visere: te * (μαλ' ἀτρεκέως ἀγόρευσα) Hispaniæ tui magnum lumen. Pantinum ipsum à reditu nondum conueni:

* valde
hoc veraci-
ter carum.

hauco

haueo valdè, & de te tuisque audire, quæ opto. Ego nunc in Au-
 nro Senecâ eram, & *perpetuum Commentariolum* ad eum scribe-
 bam. Scis quid voueam? apud te & in tuâ bibliothecâ paullisper
 esse. Nam habere te vel à libris, vel ab ingenio, rariora & selectio-
 ra, præsertim in *Senecam patrem*, mihi constat. Hoc nunc agebam:
 postea ad alia me daturus, si vita & valetudo erit. Tibi illam lon-
 gam, & hanc bonam, merenti à Numine posco. Louanij, xv.
 Kal. x.bris. ∞. IO. XCIX.

EPIST. LXXVIII.

Patavium.

IO. VINCENTIO PINELLO S. D.

MALO fato & raro factum est, vt vna epistola bis missa nec
 semel peruenerit. Haud magna alioqui iactura, nisi quòd
 testimonium cultus mei & affectus retardarit, non tamen op-
 presserit, vel nunc ecce reuelandum. Nam ego tuum nomen ab
 adolescentiâ primâ & noui, & amaui, & veneratus adeò sum: vt
 debui eius, qui virtutem & doctrinam eximiè coleret, & in se ha-
 beret, in aliis excitaret. Sunt istæ breues, sed veræ tuæ laudes: quas
 in his annis & maturiore æuo quia pernoui, magis etiam amo. Si
 aliqua similis affectus tui scintilla in me; triumpho, non solùm
 gaudeo: & esse cum aliorum litteræ, tum tuæ loquuntur, ante
 duos menses plus minùs ad me amanter scriptæ. Ergo amare
 amatum me possum dicere; & vt semper possim, te per Genium
 tuum Virtuti & Honori sic amicum, røgo. Louanij, Kalend. De-
 cemb. ∞. IO. XCIX.

EPIST. LXXIX.

Patavium.

ERYCIO PVTEANO.

ITA est. fraudes aut iniuriæ in nostris litteris mittendis interue-
 niunt, & pereunt, aut certè eunt, quò non mittuntur. Per ami-
 cos inprimis vide ne vniquam, quas saluas quidem voles. Nam
 illi aut negligunt, aut resignant & abiiciunt, aut vt optimè ce-
 dar, tardè reddunt. De meis ad Pinellum, inprimis dolui. nam
 diu est, quòd virum illum inter primos Italorum, & qui verâ vir-
 tute nitent, habui; coque amari ab eo, sicut amabam, habebam.

K

Benè

Benè tamen de affectu cecidit, quem meo parem ais, & ego ex litteris etiam eius vidi. Itaque iterum nunc ad eum scribo, felicius, spero, dandas. Quod ad studia nostra, sum totus in Senecâ Philosopho, quem perpetuo Commentariolo, sed manu facili, illustro aut emendo. Spero grauibus cordatisque viris haud illaudatum hunc laborem, & publicè nec infructuosum fore. De meâ hîc mansione dolere quosdam ibi, non doleo: affectus signum est. obloqui alios fero, etsi scio quòd iniustè, nec nisi valetudo me tenuit toto animo eò anhelantem & propendentem. Quid autem nunc tu? apud illum virum videsis, vt dignum aliquid; tum & illud, vt in gratiâ eius esse perseueres. Mihi crede, verè & sine fuce, magnus vir est. Principes nostri noui hîc fuerunt, iurauimus in verba, publicè coram iis diximus: sed panè ex tempore, cum ipsi paucis horis antè ita imperassent. De successu tamen non queror: tu vale mi Puteane. Louanij, Kal. Decemb.

∞ . IO. XCIX.

Carmen mitto, subitò etiam mihi hîc natum inter gaudia publica.

IN IGNES STRUCTOS
INGRESSV PRINCIPVM,
ALBERTI ET ISABELLÆ,
LÆTITIÆ ET AVSPICII
INDICES.

EPIGRAMMA.

AEMVLVS assurgat Pbariis vel turribus ignis,
Igne fora, igne via, templa quoque igne micent.
Quæ causa? ignis, amor: flagrant nunc omnia amore,
Princeps, ipsa vxor Principis, & populus.
Ille atque hec, vtriusque, atque vltimus ille, vtriusque.
Dij facite, æternum mutuus hic sit amor.

IDEM

IDEM πλατύτερον.

Quòd latis flagrat ignis in plateis,
 Quòd fora occupat, & domus sacratas,
 Quòd domus simul occupat profanas:
 Non miraberis hospes. ecce flamma
 Multa huc vênit. & ipse flamma Princeps,
 Vrit, vritur: idem & eius vxor.
 Ille hanc, hæc magis illum, vtrumque Belgæ.
 Nam suos amat ille & illa Belgas,
 Suos obsequio & fide perenni.
 Quid Belgæ? ij quoque amant & illum & illam,
 Et colunt sibi cælitùs dicatos
 Principes Dominosque. flamma felix!
 Vre atque vrere tu caterua triplex,
 Donec machina dædala ista mundi
 Fatali ruet & peribit igne.

I. LIPSIVS calore deuotionis effudit.

EPIST. LXXX.

GASTONI SPINVLAE S. D.

AFFECTVS quoque meus ferebat, vt tibi valedicerem, & ratio decori impellebat: sed vterque excusamur (ego certè nam de te nihil opus) cum subitus tuus, & iussu Principis discessus, eripuerit hanc facultatem. Atqui animo officium hoc præbui, & eodem defero tibi & deferam omnem cultum. De **P**ARTITA ego iam compingi iussi, vt commodè possit legi. Opus grandiusculum est, nec habeo adhuc quod de eo in alterutram partem dicam. E Senecâ quæ publicè dixi, ea decerpta fuerunt è lib. I. DE CLEMENTIA, Cap. III. verbis, quorum initium: *Illius demum magnitudo stabilis fundataque est, quem omnes tam supra se esse, &c.* Exemplar eorum quæ dixi (etsi subitanea ea, me iudice, non tanti) dedi D. Petro de Tolcto, atque etiam Ill^{mo} Legato Re-

K 2 gio

gio, quem virum cum gaudio meo noui : & tibi quoque in parte beneficium hoc debemus . Vtinam Hispania plures tales mittat ! Quod autem de Senecæ libris quæris , quem excellere sentiam ? sunt sanè plerique omnes eximij & viles : sed EPISTOLAE tamen, meo animo, eminent : deinde DE CLEMENTIA libri duo : tum DE TRANQVILLITATE ANIMI, & vno verbo ceteri vix infra istos . Magnus & magni animi ille vir fuit, & hunc certè lectoribus suis infundit . Spero me breui publicaturum eum , cum nostro Commentariolo , qui vobis lucem plerisque locis dabit . Nam adstrictum scribendi genus habet , eoque subobscurum . Ill^m Domine , tuum me cense & tuorum , quibus obsequia mea defero , nominatim Dominæ & liberis . Louanij, IIII. Non. Decemb. ∞ . IO . XCIX .

E P I S T . L X X X I .

Bonomiam.

CAROLO LAFAILLIO S. D.

QVAE à Titio misisti, lubens vidi : sed vidi adhuc tantùm, & celeri oculo libaui . Placent . & ego pariter mea misero, cum noui aliquid erit . Senecam in manibus habebam , Commentariolo perpetuo illustrandum : & intra paucos menses videbit lucem, si tamen tandiu ego . Quod ad imaginem nostri, ego Velio eam mitto, cum breui epistolio . Sed heus tu, nos hîc in triumpho . Principes Louanij fuerunt, solennia auspicioꝝ fecerunt , Scholas quoque viderunt , & me audiuerunt dicentem . Rarum exemplum & nobile in feminâ . nam & ea interfuit , & tota illa ** γυναικωνίτις* . Subita tota res fuit , nec meditationi nostræ spatium : sed Deus adfuit , & illo propitio , Principes habuimus propitios & volentes . Houius noster mihi scribit de quorundam ibi parum dextris iudiciis aut vocibus , & præsertim super nostrâ hîc mansione . Nolim vos contendere , nec protectores mihi esse : quid enim opus ? nec sentio illa tela volatica ; & nec lædar , si sentiam . Qui in publicâ aliquâ famâ sumus , aut vtramque excipere debemus , aut nullam : & fatis , si melior præponderet . O ita sit, & hætenus certè sensi . Vale mi amice . Louanij, postrid . Nonas Decembr. ∞ . IO . XCIX .

** mulieris
sensus.*

EPIST.

EPIST. LXXXII.

Bononiam.

IULIO CAESARI VELIO S. D.

AMOREM tuum video, mi Veli, & parum sum qui sum, id est, humanitatis & virtutis studiosus, nisi eundem tibi reddam, & æquâ, nisi fallor, lance. Non nego erga plures mihi hunc affectum esse: sed ut sol radios latè emittit, & lucis nihil amittit: sic ego amoris, ut ita dicam, hos radios variè spargo, & lucere aut ardere ipse non desino. Petis imaginem meam mitti, inter illustres viros ponendam. illud facio, hoc non postulo, imò nec mereri me planè scio. Sumus aut erimus, quos fama nos esse & æternans ille Genius volet: at illud mihi vindico, toto puroque animo ad bonum publicum propendisse, & dotes ingenij mei (quas ille * *δωτὴρ ἐδωκεν* dedit) huc contulisse. Nec queri adhuc de beniuo- * *bonorum dator, id est Deus.*
lentiâ publicâ possum: etsi interueniunt etiam Aquilones aliqui aut Noti, qui secundantes & suaue spirantes Fauonios istos turbant, nec tamen pellunt. Parùm est, nihil liquidi in rebus humanis: in alto hoc erit, quò te meque, mi Veli, Altissimus ille & *ὕψιστος* ducat. Louanij, postrid. Nonas Decemb. ∞. IO. XCIX.

EPIST. LXXXIII.

BALTHASARI DE ZVNIGA, Legato Regio.

LITTERAS quas Antuerpiâ ad me, sanè quàm beneuolas misisti, lubens legi, & gratulatus mihi sum de serio tuo in me affectu. Ut utar eo, rogas. & quidni faciam, si occasio sit? Sed meæ res & vita, ut scis, in tranquillo consistunt, nec spes meas aut vota ad magna aut longinqua mitto. Hac est felicitas mea, in paucis esse felicem. Studia solita me habent, & nunc totum SENECA: quem breui, sed perpetuo, Commentario illustratum dabimus cum publico, ut spero, fructu. Interea fortasse breuiculum aliquid ad novos nostros Principes: & id ex occasione natum, quòd audiendi nuper nos honore in publico affecerunt. Concepi, si pergo & perago, inter primos scies. Gaudeo conuentum à te P. Schottum, veterem amicum meum, & ante annos xxv. etiam hîc auditorem. Sed & Antuerpiam placuisse, & eius pompam, gratum est, nec tamen nouum. Præsumebam enim

animo omnia splendida & decora, & ab ingenio ciuium, & à genio ipso vrbis: quâ vnâ gloriari Belgica nostra potest, ocello & velut gemmâ in hoc orbe terrarum. Librum, cuius mentio in ADMIRANDIS, hîc adiunctum Ill^{mo} Domine habes. Illo meisque (quicquid erit) vtere; & me, si non ex merito, ex benignitate tuâ ama. Louanij, x. Kal. Ianuar. anni noui ∞. DC. quem votiuum decurrere tibi, Numen precor.

EPIST. LXXXIV.

NVNO MENDOZIO *Lusitano, à cubiculo Principis.*

AFFECTVM tuum, qui ad scribendum impulit, quomodo non gratum habeam? Ego verò valde ab humanitate, & iis studiis quæ profiteor abeam, nisi & illum amplectar, & meum vicissim tibi reponam: quod facere me, hâc scriptione sedulo testor. Pauci profectò sunt, & præferrim è vestrà nobilitate, qui optimis honestissimisque studiis se applicant: & vestra etiam gens magis adhuc armorum gloriam æmulata est, quàm Musarum. Itaque eo magis amplectendi & æstimandi uobis sunt, qui vestrùm amplectuntur eas & æstimant: etsi fructus vobis est, etiam sine approbatione aut iudicio nostro. Te & animum tuum appello. scio internâ & solidâ voluptate perfrui, cum ad amœnos illos hortos, vt sic dicam, Musarum diuertis: atque ibi lectione aut meditatione pasceris rerum vel elegantium, vel sublimium, & à profano isto vulgo remotarum. Nam de prudentiâ, inò & sapientiâ, quid dicam? quæ originem & fontem istum habent: sicut & ipsa probitas, & honesti amor, siue à præceptis illis saluberrimis manant, siue à pulcherrimis exemplis. Itaque gratulor tibi, Vir Ill^{mo}, verâ nobilitate dignam hanc mentem: & felicem prædico, qui præceptorem habueris melioris mentis ac iudicij virum, qui ad meliora & altiora hæc duxit. De me verò sic statue, & amantem vicissim tui esse, & cupidum etiam videndi ac fruendi, vbi prima occasio erit: quam post istas peregrinationes Principum aut inueniam, aut faciam. Vale. Louanij, x. Kalend. Februar. ∞. DC.

EPIST.

EPIST. LXXXV.

Romam.

GASPARI SCHOPPIO S. D.

ROMAE te esse mi Schoppi, & gratulor & gaudeo : Romæ, id est, in luce illâ gentium, in arce olim imperij, nunc pietatis. Quam pietatem veterem & puram te amplexum esse, quis non in tali indole atque ingenio gaudeat? Macte adolescens, decurre hanc viam, quæ & hîc gloriam tibi pariet, & postea illam æternam. Quod calamum autem fringis in illos qui deflexerunt; facito, sed (meo monito) cum modestiæ semper, imò & amoris, erga eos notis : vt allicias magis quàm alienes, & docere videaris non pugnare. O vtinam plures è tuâ Germaniâ æmulentur hoc exemplum ! regione semper mihi amatâ, ob gentis ingenium naturâ rectum, probû, & virtuti candidæ amicum. Deum ex animo precor eam respiciat, & caliginem hanc nebulasque nuper offusas dispellat. De ADMIRANDIS meis illuc recudendis, fiat vt vobis & magnis ibi viris (ita scribis) visum: sed exemplar secundæ editionis tamen sequendum sit, in quo & mutavi aliquid, & auxi. Mutavi autem de Frumentatione, in quâ fortasse aliquid parùm **pietatos* dixeram, nec firmo auctoritatum fulcro **ex modo* nixum. Sed & quædam alia infirmiora stabiliui: & omnino ea vobis habenda, atque vulganda sit. De rebus tuis scire aucto, satif ne ex voto fiat? spero, neque Romæ certè defuerunt vnquam, qui ingenia talia fouerent attollerentque. Raphelengium vtrumque nostrum, si illic, saluere velim: & te longum, mi Schoppi. Louanij, in acri frigore & insolenti. VII. Idus Febr. ∞ . IOC.

EPIST. LXXXVI.

Romam.

ASCANIO COLUMNÆ, S. R. E. Cardinali.

TARDE admodum in manus meas Oratio tua venit, in Hispaniarum regis funere scripta; & ideo excusandus sum, si tardiùs de eâ scribam. Gratam fuisse & ipsam, & hunc animum in me tuum siue iudicium, quidni fatear? & legi auidè; & quid censeam, breuiter & apertè dicam. Video inuentione secundam esse, ordine dispositam, verbis figurisque politam, numeris rotundam; membris & periodis suis plenam: atque vno verbo, magno

gno vel Oratore, vel Rege dignam. Hoc magis, quod à te scripta. id est, viro loci generisque dignitate inter Principes, in assiduis arduisque semper occupationibus: vt concipere vel conari talia, admirationem habeat; quid sic agere, quasi vnum hoc ageres, & semper egisses? Felicem ingenij prædico, & Româ illâ vetere dignam prolem: hâc quidem in parte. Nam & nouam hanc etiam ornas, & pietatis munia, quâ dote commendatur, ipse vsurpas, atque illustri exemplo aliis præis. Audio iam nuper adeò, augustis illis sacratisque mysteriis initiatum esse: quod gratulamur, & toto animo faustum ac salutare comprecamur. Simul illud optamus, plures eiusmodi in hoc Christianæ reip. ædificio COLVMNAS: quod si esset, turbines isti venti que parùm in illud posset, qui nunc quatunt validè & mouent, præsertim in misero nostro axe. Deus sedabit, cum volet, & Te Ill^{me} & Reu^{me} Domine, longum bono publico, & decori tui ordinis seruabit. Louanij, VI. Idus Februar. ∞. 100.

EPIST. LXXXVII.

Roman.

NICOLAO MICAVLTIO S. D.

AMARE debeo diligentiam tuam, natam haud dubiè ex fonte affectus, vel potius amoris. Semper à te litteræ, semper grata: etsi vereor vt paria faciam, aut facere possim (nostri occupatiunculas) in respondendo. Nam de amando, securus esto: vel æquo, vel antecedo. N. N. litteras tandem vidi. nihil secreti aut magni erat, cur opus illo à Secretis tamdiu expectato. Sed quisque vt volet. ego vana, aut quæ eò inclinant, aspemari incipio, & vela minus minusque pandere non dicam ambitioni, sed famæ. Quid hæc omnia sunt, opinio, laudes, elogia? venti. In quiete maneamus, quæ à Deo & virtute sit: & huic cibum litteras, aut sapientiæ potius studia, demus: in quibus nunc sanè eram. Nam Senecam totum edere parabam, perpetuo Commentariolo illustratum, atque ipsum & verba eius imprimis correctæ & probè distincta. Gaudebo, si absoluero. Præmissi autem (ita volentibus amicis) *Dissertatiunculam ad Principes extemporaneam*; & vt huic breuiculæ & leuiculæ pondus adderem, adiunxi *Panegyricum Plinij*, immortale opus, item Commentariolo illustratum. O legant Principes, ô delectentur, & amulentur! Sed quando
tu ad

tu ad nos ? iam diu animo te reuoco, & nunc etiam hoc calamo: redi ad nos tuos. satis visioni, satis & religioni est datū. Ad Card. Columnam litteras misi per nostrū Houium, qui seriò à me ad illum Principem petebat. Non dubito quin & te conuenerit (nam ad te prius ire iussi, siue monui:) & epistolam illam iam destinari. Quod ad Pigafettam, seorsim hîc habes quod ei legas. Vale mi amice, & salueant à me Lombardus & Desboysius. Louanij, III. Kal. Mart. ∞. 100.

EPIST. LXXXIIX.

BALTHASARO DE ZVNIGA, *Legato Regio.*

CVM meus iste Bruxellam irer, litteris salutem libare tibi libuit, & reditum gratulari ex peregrinatione, quam cum Principibus nostris obiisti. Quid reditum? an & abitum precari prosperum, nisi fama nos fallit? Nam ea nobis insuffurat, parari conuentum & actionem super pace Britannicâ, atque ei te quoque inter primos interfuturum, aut præfuturum, ut locus iste est, quem tenes. Si hoc fit; toto animo precor, & exitum eius rei tibi gloriosum, & patriæ salutarem, quæ profectò & consiliis & solatiis, si vnquam, eget. Ego, quod nuper scribebam agitare me, nunc decreui, & ad Typographum *Dissertatiunculam* meam coram Principibus misi, tum etiam (ne per se leue illud munus sit) *Plinij Panegyricum*, breui Commentariolo illustratum, quem Traiano dixit optimo Principum, & claro fideri gentis vestræ. Rogo te, Ill^{me} Domine, ut vel hac causâ opusculo meo faueas; tum & illâ, quòd auditorem te illius *Dissertatiunculæ* merui, & postea approbatorem. Librum *De officiis aula Constantinopolitanae* nuper misi, & spero recepisse: mittam & mea, siue ad præsentem apud nos, siue & absentem, si vera fama est, quam talem opto. Louanij, Kal. Mart. ∞. DC.

EPIST. LXXXIX. *Salamanticam.*

EMANVELI SARMIENTO DE MENDOZA,
Doctori Theologo.

TALES ne epistolas exiis oris, & à Theologo? Plures accepi, fateor, & anticos illic alibi habeo: sed Deum testem in-
L uoco,

uoco, non aliud scriptum litteratius, aut tersius, & toto genere eruditius vidisse. O pax, cur nos non aspicias? ego per te profecto tales viros, & doctrinae & mihi sic amatos & amicos. Sed iactamur veribus illis procellis, nec duo illa sidera adhuc sedarunt, quae Hispania vestra misit. Fatales & diutine nostrae turbae, inter alia mala cladesque, hanc occultam perniciem intulerunt, spernendi Pacis omnes artes: id est, nostra studia, quae, mihi crede, à paucis vel perpauca potius, hic non dicam coluntur, sed aestimantur. Atque ut est rerum omnium orbis, futurum video atque auguro, atque etiam opto (cur dissimulem?) ut ad vos & longinqua loca migrent: loca iam olim sic feliciter illis infessa: & quis Graeciae Helicon aut Parnassus, super priscam Hispaniam fuit? Scripta & diuina illa monumenta loquuntur aeternorum ingeniorum: in quibus Seneca, quem nunc cum maxime in manibus habebam, & perpetuo Commentariolo illustratum ibam. Cur non auidè & pænè iuste hoc facerem? Dederam Tacitum, prudentiae (tuo quoque iudicio) patrem: debui, certè volui, & Senecam, sapientiae fontem. Sed de Tacito, dici non potest quam me tua elogia delectent. Nam quosdam esse, qui pressum illum eunt vel abiectum, non ignoras: à quibus ita dissentio, ut aeternae Providentiae beneficio datum, seruatumque in parte scriptorem illum arbitrer, ad ingenia & consilia vel illustranda vel dirigenda. In eum quas Notas commentatus es vidi, & subtilitatem vbique, iudicium non semper (verum amo dicere, & tu audire) probaui. Nam scalpro aut cultro nimis interdum indulgere mihi visus, nec ausim sic recidere veteres omnes membranas. Franciscum Sanctium Brocensem, iam anni multi sunt, cum noui, amo, colo. Probitas & eruditio viri merentur, & te rogo non salutare tantum, sed collum illi inuadere, & pro me amplecti. Ille Mercurius, ille Apollo est, Hispaniae vestrae. atque utinam multos excitet trahatque ad splendas verasque artes; neque armis tantum, ut semper, sed ingeniis etiam, ut olim, floreat ille tractus! Vale vir Reu^{de} & Eximie, cum quo amicitiae foedus libens iam nunc coeo, non nisi cum animâ (si tu voles) discingendum. Louanij, prid. Idus Mart. ∞. 100.

Qui has defert, honestus est vir, & inter meos Auditores, nunc Licentiatus iuris. Pater eius, inter primores Aulae ministros, ad visendam Hispaniam ablegauit. Amplectere.

EPIST.

EPIST. XC.

Romam.

IOANNI BAPTISTAE HANSENIO S. D.

GRATVM est, quòd scribis mi Hansenì, neque ingrata quæ scribis. Primum illud, de viro summo (ita loquendum est) in cuius contubernio agis, valdè tibi gratulor, & tu diuinum hoc beneficium habe, & fruire æterno tuo bono. Affectum autem eius quòd etiam in me nuncias, iam ex litteris eius didici: & gaudere me in eo fateor, atque adeo exsultare. Nam is sine meliore aliquo iudicio de me esse non potest: cui autem magis probari optauerim, quàm viro quem Deus hominesque iuxta probant? Pluris hoc mihi, quàm Principum isti aduentus, vel interuentus, in Scholas nostras: quibus tamen quæ tunc dixi (etsi pauca sunt) iam vulgamus, cum *Plinij Panegyrico* addito, quem leui manu illustramus. Ipsum opus Plinij nouo Principe dignum: atque vtinam legat, capiat, obsequatur! Heu, consiliis in hoc statu rerum quàm egemus! Quid statum dixi? fluxu debebam. ita res nostræ labuntur, & nisi Deus sistat, iam ruunt. Sed in eo, in causâ, in Principum pietate & probitate (vttramque vterque habet) confidimus: & quanquam initia vacillant, paulatim res & consilia iura in exitum meliorem. Hæc mœsto oculo sæpè aspiciamus, & quietæ Italiæ vestræ desiderium redit: sed quid dicam, nisi iniectâ manu sisti & teneri me à Fato? Ita valetudo, amici, alia interueniunt, quæ iam in procinctu pænè arcuerunt vel arcent. Itaque omitto, mente & cogitatione adeo, & eâ sæpè me oblecto. Officia quæ defers, & præsertim in Vaticanâ Bibliothecâ, non refuto, imò in tempore fortasse vtar. Nunc quidem in Senecâ eram, cuius exemplaria plura vidimus, & alij alibi: nec operæpretium sit te inspicere, nisi vnum aliquod sit eximix notæ. Quòd autem iniicis de loco honestiore dextro, in Electis à me scriptum: non muto equidem, etsi concussit me tamen ille tuus, & Becani hâc in re, patronus. Sed quædam à nobis ita palàm sunt, vt refelli vix videantur. sicut illud de *Latere claudendo*, quod certò est Sinisterioris, & minùs honesti. Docui ibi ex Suetonio & Eutropio: & adde, si vis, veterem Iuuenalis Scholiasten à Pythæo editum, qui in hunc versum, *Diuitis hic serui claudit latus: Aut in medium (inquit) seruum mittit, aut in sinistra ambulat.* Iudæos

dæos ita habuisse olim, Sacra docent: & Christianos veteres, nisi fallor, D. etiam Maximus Episcopus Taurinensis, in Homiliâ de Sanctâ Pentecoste. Scribit ad verba illa, *Dixit D. D. meo. sede à dextris meis: Cur autem ad dextram filius esse dicatur, moueat aliquem fortasse. Licet enim dignitatis gradus non sit, ubi plenitudo est diuinitatis, tamen idè ad dextram sedet filius, non quò præferatur patri, sed ne inferior esse credatur.* Et statim: *Pater Christo filio throni sui offert SVBLIMEM confessum, & HONORIS gratiâ ad dextram suam illum æternâ sede constituit.* De Ouidij versu scripsi in Electis, quæ visa: & ægrè muto ob Horatij illû — *nec tamen illi Tu comes exterior, si iusserit, ire recuses.* Vbi exterior palàm est inhonoratior: ergo cõtrâ, interior. Alioqui valdè placeat illud Vaticanæ codicis, anterior. Sed in Electis meis recusus, aliquid etiâ refinxi, postea tibi videndum. Hæc, si tanti, diiudicet ille magnus arbiter, à quo non appello. De Gallorum in nos bello quod scribis, nihil equidem inaudiui: nisi quòd N. N. quædam in me dictoria iampridem legi. Sed ille in me ita ex superuacuo & sine causâ incurrit, vt credam hoc ipso minùs grauem gratumque iis esse, quibus antea fuit. Equidem nec læsi nec lædam quèquam. pacis ingenium habeo: si me alius, videbo. & in leuibus, silentij tenorem seruabo: si quid grauius aut dignius, fortassè rumpam. Vale, mi Hansen. Louanij, vii. Kal. April. ∞. 10c.

EPIST. XCI

GASTONI SPINVLAE, *Gubernatori Limburgensi.*

DOLEO, & panè indignor, me præuentum rogatione tuâ, in re quam sponte & vltro faciebam. An non libri mei exemplar ad te mitterem, vt soleo, atque etiam (ita loquor) vt debeo? Nam beniuolentia certè tua in me insignis, & palàm testata, ita postulat: & mea etiam obseruatio, & tui cultus, impellebant. Faciebam ergo vltro: sed cur distuli? simpliciter rem dicam, quia pauca exemplaria compacta &, vt sic dicam, vestita habebam: nudum autem mittere verecundabat. Quid, quòd nec ad Principes alios viros mihi (Legatum Hispaniæ excipio) ad quos solebam? Itaque de morâ ignosce & fac mihi gratiam: quam aliàs fanè libens emendabo, cum videam lucubratiunculas nostras sic gratas

gratias tibi esse, non à sui pretio sed accipientis affectu. Quòd porro Spadam aut & Limburgum tuum me inuitas : mentiar, nisi dicam me velle, aut potius gestire. Sed quid promittam? omnes pericula mihi obiciunt, & liberas grassationes hostium in Eburonum solo. Neq. nego terreri me, vt qui semel periculo nimis fuerim propinquus. Tamen valetudo mea anhelat ad illas salutares Aquas : etiam ad te ego Ill^{us} Domine, & cupiam pasci ac refici suauibus simul ac prudentibus sermonibus tuis. Nam ista, quæ in rep. nostrâ video, haud sanè vsquequaque mihi placent : & loquamur liberius de iis, quàm scribamus. Vale cum Dominâ & liberis, quos Deus corpore atque animo attollat. Louanij, viii. Kal. Iunij, ∞. 136.

EPIST. XCII.

Romam.

FREDERICO BORROMAEO S. R. E. Cardinali.

SICVT Telemachus ille, apud Homerum, Nestorem videt & affatur cum subductione & pudore, sed incitat & persuadet Minerua : sic mihi fit in isto alloquio, quod etsi non primum ad te, tamen cunctanter profero, nec nisi Micaultio incitante. Ille à te recens, de puro affectu tuo in nos ea rettulit, quæ suauiter in peccatus hoc illapsa me recrearunt : & simul impulerunt, gratias has & preces ad te deferre. In præteritum, gratias; in futurum preces, vt sic in me perseueres, non mei meriti, sed constantiæ tuæ, causâ. Nam de me quid dicam? nisi aut à famâ te, aut tuâ benignitate falli : qui parum ex propinquo me aspicias, & in lumine claro cernis. Sicut eminus stannum, argentum, plumbum, conspicienti eadem videantur, ad motus discernat: sic vereor vt in meis dotibus, & longinquitas pretium iis addat. Itaque cautè à me factum igitur, qui venire ad vos distuli, & conspicuum me dare: manete in suauis mihi errore, & vel immerentem amate. Etsi quid mentior? nulla hîc cautio. ardor est, qui fuit : sed valetudo intercessit, & alas mihi iam subuolanti incêdit. Itaque, vt iterum ille Telemachus,

* Η' 50 μὲν ἐν μινυσι πρῶσι, φίλον σέ τι μὲν ἔτι ἦτορ :

sic ego istic maneo, non procis tamen, sed procacibus militibus circumuallatus, qui nos & nostra valdè turbant. Audistis, ne sentire

L. 3.

* Ipsc proca
inter m-
renti corda
follat.

sentire vobis sit, & vti tibi Ill^{me} Domine longum valere, supremum numen precor. Louanij, IIII. Idus Iun. ∞. 130.

EPIST. XCIII.

Romam.

PHILIPPO PIGAFETAE S. D.

LITTERAS à te legi, quas ipsa Humanitas tibi dictauit. Quidni autem benignè ita scribas, qui benignè in me & famam meam is consultum? Nam MAGNITVDINEM nostram ROMANAM significas te vulgare in Italicâ vestrà linguâ: quod iam aliunde didiceram, sed libentiùs certiusque te nunciante. Mi Pigafetta, an mereatur à me hunc laborem, nescio: à se meretur, & quamuis fidenter apud te, eius scientem & amantem, dicam. Ecquando tale, tam diuturnum, tam compositum imperium aut fuit, aut erit? Vel illa res argumento, quòd plerisque logos & fabellas narrare videmur: nec verisimilia quidem adferre, cum vera, & vt sic dicam, oraculis certiora dicamus. Incomprehensa est (de vulgaribus ingeniis loquor) illa MAGNITUDO. Quid de vulgaribus? me ibidem pono. Omnia feci, culmen non attigi. sed tamen vt in magnis figuris, vbi caput non est tangere,

Ponitur hic imos ante corona pedes:

sic ego ingentem illam Romam veneratus, fertum hoc ingenij vel ad pedes eius consecraui. Tu aut alius caput ei coronabit. Sed tu tamen ista magnificas & attollis, & eminere inter scripta nostra, vt Homeri illam Nausicaam (eâ imagine vteris) inter alias virgines censes. Nescio, & velim, pro affectu meo in Romam, ita sit: tamen hoc scio, plusculum me iudicij & dispositæ collectionis in hoc opus contulisse, quàm celeri mente aut oculo aliquis arbitretur. Qui insistet & rimabitur, non culpabit. Nisi quòd quædam tamen omissa etiam nobis, quorum partim in secundâ Editione (eam habere te velim) iam addita: partim in sequenti addenda. Sicut illud, pro ambitu magno vrbis. quod Plutarchus in Niciâ scribit, *urbem Syracusas fuisse Athenis non angustiore*: atqui Syracusæ CLXXX. stadia in ambitu habuere, Strabone teste: ergo & Roma, quam cum Athenis Dionysius comparauit. At enim illa tot stadia iustè efficiunt XXII. miliaria illa cum semisse, à me adstructa. Item de numeroso illo populo (in quo passim audio abnuere, etiam qui obloqui non possunt:) de illo,

illo, inquam, Suetonius valde affirmat, sed me emendante. Leges in Nerone eius, cap. xxxix. inter magnas rarasque clades, *Pestilentiam Romæ unius Autumni, quâ triginta millia funerum in rationem Libitinae venerunt.* Tuam sagacitatem! hæccine res magna aut memoranda, toto Autumno in tantâ vrbe? Ego adfero, & res est, in vnâ aliquâ nostrarum vrbiu[m] hanc pestilitatem, in paucis mensibus, sic fuisse. Ne ambige, quin *trecenta millia* scripserit: & meis, si voles, in fine Dialogi III. lib. III. adde. Sed & percussit quosdam de laxitate domorum, quod scripsi lib. III. Dial. vlt. Audiant Senecam: *Non habebant (prisci illi) domos instar vrbiu[m]:* vt nos scilicet habemus. Iterum audaciùs: *Aedificia priuata, laxitatem magnarum vrbiu[m] vincunt.* Plura sunt talia: & tu à te, atque aliis ibi fortasse, quædam habes, me volente inferenda. Nam iuuari, moneri, doceri, cur abnuam? à quocumque volo: & cum Euripide,

* Παλαί ποτ' ἐστὶ τῆς ἐμοῦ δαδουμένον.

Hoc etiam, te talem amare, atque adeò colere, inter eximios Italiae foetus. Non enim lectio tibi solum multa, sed peregrinatio dedit: varia & multiplex, vt audio, per Europæ nostræ, atq. etiam Asiae oras. Faueo. tu nobis priuatim & publicè: id est, me ama, me cum aliis doce. Louanij, prid. Kal. Sextil. ∞. 130. Haud absimili sententiâ (non verbis) epistolam à me aliam habes: si tamen accepisti. Si non, prouidè hæc submissa.

*Dudum
ista sedit
animo huic
sententia.

EPIST. XCIV.

Hispalim.

IOANNI WOVERIO suo S. D.

O VOLVPE mihi, te esse saluum! ô magis, te animo esse sanum, nec inter inepta, vana, improba pollutum! O sic semper, ô magis magisque ad illa pura, æterna, alta: quò melior Deus & natura tua, addam & institutio mea, vocarunt. Mihi hoc nunc crede vsu perito, quò magis te in hoc salum vitæ penetrabis, amara plura reperies & quæ acefcant: quid remedij? scire, spernere, & Sapientiæ decretis se munire. Vt Vlyssi illi naufrago Leucothea vittam sub pectore ponendam dedit, quâ tutus à turbine & tempestate esset: sic tu hæc Sapientiæ te præcinge, & au-

*nil verere pati, nec
morte perire.

— * ἐδὲν τοι ἀαθέην δέσπο, ἐδ' ἀπολέσθ. Sed hæc domi olim scripsit.

sapientius: at nunc recole. & quando iterum licebit? quando vultus & sermones iungere? Pænè diffido, cum valetudinem meam video, quæ præcipitat & ruit ad metam. Itaque & de *Senecâ* pænè diffido, etsi medium opus pereginus: imò nihil etiam egimus (ita mea sunt) nisi extrema hæc manus accedat. Patria videtur animam agere, ita consilia omnia Principum & optimatum ferrox miles turbat. Plura nolo, nec te suadeo ultra tam liberè quàm nuper. quid si recludantur? non quia improbi aliquid (abest ab utroque nostrum) sed quæuis liberior censio odium hodie habet. At nos æternum inter nos amorem, & sic mihi vale. Louanij, III. Idus Iunias, ∞. DC.

EPIST. XCV.

Romam.

CAESARI BARONIO, S. R. E. Cardinali.

PIETAS, & quidem duplex, hanc scriptionem à me expressit: siue quam Deo, siue quam Patriæ debemus. Sacrum iustitiam annum qui obire in ipsâ Vrbe & sanctis locis non potuere, siue morbo, occupatione, inopiâ, aut alio vinculo impediri: benignitas S. S. Pontificum iis quoque, iam more veteri, subuenire consuevit, & Iubilæum ad alias exterasque oras propagare. Opidatim solet institui. & quia Louanium nostrum, & inter vetustissimas Brabantiaë vrbes est, & religionem veram & priscam semper (quod non aliæ) habuit illibatam: videtur mereri prærogatiuam istam, vt sacri illius beneficii publicatio illuc instituat. Senatus & Academia valdè velint, & apud S. ^{mum} nostrum agi per certos homines procurarunt. Sed quia commendatio etiam vestra, Illustrissime Domine, facere huic negotio potest, & me aliquid apud te posse censuerunt: rogarunt, & rogo, vt suffragij tui calculus piæ petitioni accedat, & nos publicis meritis iamdiu obstrictos, etiam hoc priuato arctius velis deuincire. Ill^m & Reu^m Domine, Deum precor, te Ecclesiæ suæ, magnum & rarum lumen, diu lucere patiat. Louanij, VI. Idus Sept. ∞. DC.

EPIST.

EPIST. XCVI.

*Vlyssiponem.*EMANVELI CORREA *Lusitano.*

ET epistola tua me exhilarauit ac diffudit (ita loquor) & is qui eam dedit Nunus Mendozius , olim in tuâ disciplinâ. Nam epistolâ tuâ quid mei amantius? quid in iudiciis honestius? vt ruborem mihi lectio pænè incuteret, naturâ modesto, & gnaro alioqui non esse in eo culmine, in quo me ponis. Sed ponis per amorem: nec iudicij tui censeo hunc errorem. Iam ipse nobilissimus vir qui attulit, scriptione mihi antea notus, sermone se, & addo gestu ac vultu ipso, probauit: planè melioris commatis ac moneta, vt Græci loquuntur, & qui genus suum illustret atque etiam gentem. Gentem illam vestram dico, id est, Lusitanos: iam olim armis, imò & litteris inclytos. quas primus Sertorius intulit, & Græcis iis Latinisque (Plutarchus auctor) imbuit vestram iuuentutem. Crede mihi Correa, femina eius instituti etiam nunc fructificant: & ardet in animis vestris semel accensus honestior ille ignis. Audimus certè, non in alio Hispaniæ tractu magis veteres artes coli: & exempla ac scripta sunt, quæ ad nos quoque manant, & testantur. O Deus, cur bella in haud magno intervallo nos dirimunt! terras & maria intuta reddunt? Absque iis esset; iamdiu in voto, nunc in leui habeam, ligneo equo ad vos currere: videre loca & homines, in quibus bona & boni, atque etiam ego sic amor. Te mi Correa videam, pectori applicer, collo adstringar. atq. ipsâ hâc cogitatione liquefco & moueor: quid si re frui detur? Sed vt tempora fluere, vt meam valetudinem labi video: nō dabitur, nec nisi sub vmbra voluptatis hâc ludam. Sed tamen hoc datur, animis adire, affari, iungi: id est, optimâ & celesti illâ parte nostri, à quâ est, si quid in me amasti. Et hanc igitur veloci alâ iam nunc ad te mitto, & pangere iubeo

Fœdera, non vllâ dissoluenda die.

Vale vir optime & doctissime, Louanij, VIII. Kal. Nou. ∞. 100.

EPIST. XCVII.

CYNTHIO ALDOBRANDINO, *Cardinali tit. Sⁱ Georgij.*

EFFABOR ex animo, Genium aliquem videri mihi impulsorem esse ad te scribendi. Bonum haud dubiè, ad omnium

M

vocibus

vocibus sic bonum, & qui eximiè vnus retinet priscam & Romanam illam non probitatem solùm, sed libertatem & candorem. Ita ad me omnes qui illinc veniunt, qui illinc scribunt: & addunt, quod propriè me tangit, inclinantis tui animi in me affectum. Beatum me qui habeo, nec merito vllò meo conciliatum, sed tuâ benignitate oblatum. Sicut arbores fructibus gravidæ inclinant ramos & demittunt, & offerunt carpi: sic vos isti verâ virtute vberes, & beniuoli & benefici vltro estis, & inuitatis ad fruendum. Ego verò & coràm frui, & videre, hoc anno sacro Sæculari censebam: Deus aliter, qui tenuit, & Valerudinis hoc vinclo ligauit. Venit tamen iste è disciplinâ olim meâ Io. Hemelarius, gente Batauus, mente & pietate Romanus: quem ego ferio commendare ausum (apud viros Principes quâ fallam?) & ingenij doctrinæque titulo, & edecumata, vt sic dicam, honestatis. Rogo, Ill^m Domine, in hanc quoque fauoris tui libra deuegat: sed in me maximè, eius si non merentem, certè cupientem, & fide atque obsequio semper meriturum. Deum testem aduoco, & eundem Ill^m & Reu^m Domine, virtutis tuæ atq. æui propagatorem. Louanij, vii. Idus Septemb. ∞. 126.

EPIST. XCVIII.

Romam.

ROBERTO BELLARMINO, S. R. E. Cardinali.

GRATVLARI non tibi, sed nobis & Ecclesiæ dignitatem tuam & hanc purpuram, animus iamdiu fuit, nondum occasio: & fateor me inter eos esse, quos Verecundia aut Modestia continent, nec temerè prorumpunt. At nunc os & stilum mihi soluit adolescens iste quem vides, olim è meâ disciplinâ, qui inter omnes te elegit cui vellet offerri & commendari. Facio libens, & pænè dicam securus de successu. quia ingenium eius noui, industriam, progressum in optimis artibus, & addo (caput rei) probitatem morum, cuius puritate religionis cõiunctam: quæ omnia amari à te scio, & in titulis laudum spectari. Fac periculum Ill^m Domine, plura prædicatione meâ reperies: & in ipso homine nescio quid venustum & lepidum, quod occulto velut vinclo ad se ducat. Quòd si fortè ad alium eundum sit, rogo vt fiat te auspice: ego me & debiturum gratiâ fateor, & fortasse (liberè dixerim) eum mihi, qui me tradente compos gemmularum huius erit. Sed, quod

quod initio proposui, ego Ill^{ms} & Reu^{ms} Domine, honorem hunc tibi corde gratulor, non donum, sed præmium: & Deum rogo, velit te in eo Ecclesiæ suæ tutorem & vindicem diu superesse. Louanij, vi. Idus Septembr. ∞. 1500.

EPIST. XCIX.

Hispalim.

IOANNI WOUERIO suo.

TRISTE mihi (rarum in tuis litteris) quòd significas meas non accepisse. Scripsi tamen, & bis quidem in Hispaniam. Ad te neglegere? è tuo affectu puro sinceroque noris & æstima meum. Itaque nec excusatione vtor, quâ iure apud alios, Occupationis aut Valetudinis: tu mihi eximius, & nescio quomodo animo huic insitus es & innexus. Semel dictum, semel crede. At gratum, quòd iam ardeat magis illa ora: gratissimum, quòd Sapientiæ studia non deseris, solum nepenthes in tristitiâ huius æui. Perge, perge mi Woueri, alta aspice, & vnde veneris, quid veneris, seriò attende. Cælestis tibi origo & imago: quid terrenum aliquid delectet aut teneat? Occupatiunculæ sunt? non abiice, sed subduc semper aliquid aut eripe: & illas tamen potiùs, quàm te relinque. Sed philosophare maximè in seriis, id est, quæ mores, vitam, & ipsum te tangunt. Pulchrè aliquis apud Euripidem:

* Α δὲ μάλα, πάντ' ἐγὼ γ' ἐπὶ σοφίαι:

tibi hoc fit, & quæ opus est, non quæ discunt, disce. seriò autem, & in facta disce. Ut pluuia illa inutilis, quæ in lapides aut rupes cadit, & supernè irrigat tantùm: sic doctrina, quæ in ore & verbis, in pectus non descendit. Sed heus, comésne tibi in honestissimis studiis Lucianus Negronius? laudas mihi ex animo virum, & ego iam nunc in animum hunc demisi. Saluta, amplectere: atque vtinam in Hispaniâ, bonâ ingeniorû matre, plures! Ingenia certè supersunt: nescio quo fato institutio aut æstimatio deficit, sed hæc quoque (Deus audiat) accedent. De republicâ nostrâ, audistin' cladem? sed animum viresque recepimus, Principe ipso animosè præcunte. Heroicum illud, & à stirpe sublime, ibi ostendit. Tamen etiam languemus, longo lentoq. bello tabescimus: & auxilia ab iis oris tarda, si non fera.

— * Τὸ δὲ μέλλον, ἴσον ἀπεραξία λέγω: ait ille.

Valc mi Woueri. Louanij, iiii. Kal. Septembr.

M 2

EPIST.

* Quæ maxima
est hæc
mihi erat
Sapientia:

* Quod
differat, ut
falso similes
veniso,

GVILIELMO SCARBERGERO suo.

IN silentio tuo, vt scribis, curam imò angorem aliquem habui; & suspensum tenuit valetudo aut fortuna tua. In longo & vario isto itinere, scio qui casus interueniant: inopinati saepe etiam sapientibus, & res nostras & nos ipsos saepe inuoluunt, aut evertunt. Sed liberaisti me omnis sollicitudinis hâc scripture: quâ significas valere te, etsi minùs valuisse. Benè est quòd silueris, & gaudere de restitutâ hâc malo, quàm timere in affectâ. Enimucrò mi Scarbergere, vt parens aliqua in absente suâ prole; sic ego in vobis à domo & disciplinâ meâ afficior, & omnes in sinu isto pectoris circumfero ac gesto. Sed morbus ille fuerit, tu nouû robur indue, & ad nos (si me solens audis) redi. Diu inuersari & sedere in iis locis, quem solidum fructum tibi gignat? Ætas tua iam maturuit, vnus es, sed & orbis es: veni, veni ad quæ vota nostra te vocant, & hîc apud nos tuam aliquam cape. Cum poëtâ inquam,

African.

Uxorem quere, firmamentum familie:

cuius familiæ, nisi à te propagatur, stemma filumque Ætas iam incidit. In me idem, & vltimus ego (heu res humanas!) omnium Lipsiorum. La-faillium apud te esse gaudeo, bonû modestumque ingenium: an non & ille ad suos? fortasse tecum. De bello Sabaudico, hem malè narras. fed fatin' vt certò? Hîc quoque rumores; quos tamen auersamur, & scintillas, vt huc etiam peruolent, timeamus illius ignis. Apage, apage. vni huic lento Marti vix resistimus: ille alter feruidus & ἀμβριμόθυμος accedet?

Αἱ αἰ τῶν μεγάλων ἡμετέρων ἀχέων.

*Non nos
sires lucius
heu patria
gemitus.*

Sed fata viderint: tu vel ad res turbatas veni, sed non (meo consilio) per turbata ea loca. Gallia aliàs, aut non, lustrator. Vale, mi Scarbergere. Louanij, vii. Idus Septemb. Nostri omnes valent, Oranus & Baronius honore & titulo consultorum iuris mox augendi. Antonius, nisi fallor, te cum fratre Legato ibi opprimit.

A P P R O B A T I O.

Tertia hæc selectarum Epistololarum Iusti Lipsij V. Cl. Centuria, vtiliter admodum euulgabitur.

Gulielmus Fabricius Nouiomagus, Apostolicus & Archiducalis librorum censor.

PRIVILEGIUM CÆSAREVM.

RUDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IUSTO LIPSIÛ gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in literis liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in literis ac disciplinis operam ponunt, præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Literis possint, acceperimus, insignes te animi ingenuque tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, vt olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitauit, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptiois genere paucos tibi pares hodie repetire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, inuitos cupimus. Quamobrem pro auctoritate nostra Cæsaream decernimus,

mus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocumque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumque, ac Dominiorum nostrorum hereditariorum fines triginta annis proximis à primo editionis die computandis, absque tuo tuorumve heredum consensu audeat: Hac autem lege addita, uti tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hereditibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hereditibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscumque status, gradus aut ordinis extiterint, presertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiamve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacra Cæsarea M^{tes} proprium.

Io. Baruitius.

Additum sigillum Cæs. M^{tes} in cerâ rubrâ.


SVMMA PRIVILEGII REGII.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secùs faxit, præter librorum confiscationem triginta marcharum auri puri illatione mulctabitur. Vt latius patet in litteris, datis Bruxellæ XIV. Feb. M. D. XCVII.

Verreycken.

Tibi JOANNES MORETE, pro amicitia quam mihi cum Plantino (heu, quondam meo) & Plantiniano est ac fuit, tibi, inquam, permitto, uti EPISTOLARVM mearum CENTURIAS typis tuis excudas ac divulges. Nequis alibi alius præter te, cupio siue iubeo, ex lege quam magnus Cesar & Rex meus dixerunt.

Iustus Lipsius.



IUSTI LIPSI
EPISTOLICA
INSTITVTIO,

Excepta è dictantis eius ore, Anno ∞ . Id.
LXXXVII. mense Iunio.

*Adiunctum est Demetrii Phalerei eiusdem
argumenti scriptum.*

EDITIO VLTIMA.



ANTVERPIÆ,
EX OFFICINA PLANTINIANA,
Apud Ioannem Moretum.

clō. Id cl.

Cum Privilegijs Casareo & Regio.

I. L I P S I V S
FRANCISCO RAPHELENGIO
SVO S. D.

QVANDO ita vis, fiat. Ede libellum, potius quam ut
alius alibi eum edat: quod ais te comperisse. Ego tamen non
in hanc spem genui: & scis extemporali curâ ferè ante an-
nos quattuor dictata hæc nobis, idque in usum captumque
saltem iuventutis. Iis ipsis multa utiliter tunc interfati sumus aut mi-
scuimus, quæ hîc non habes, illustrandæ scilicet rei aut firmandæ. Nam
hæc breuia, quæ tamen ipsa, quoniam vsui etiam aliis esse posse, tu alii que
censent: age, non inuideo, communica. sed hac lege ut omnes sciant, di-
scantibus, non doctis, iuuenibus, non adultis, hæc à nobis scripta: nec
vnquam edendi isto fine. Nam hæc talia seruabamus Dialogis De in-
stituendâ iuventute. Sed, ut initio dixi, quoniam vis, fiat: & tu
in aliis magè seriis Plantinianum nomen famamque propaga. Vale.
v. Kal. Nouemb. ∞. I. D. X. C.

3

IVSTI LIPSI
EPISTOLICA
INSTITVTIO.

CAPVT I.

De nominibus variis Epistolæ: & de formâ apud veteres.



PISTOLA quâ rectè & laudabiliter scribatur, præire mihi propositum iuuentuti. sed compendio: ad vsum, non ad speciem: nec vt omnia quæ ad rem, sed quæ in rem maximè, dicam.

EPISTOLÆ Græcicum nomen est, ^{ἔπεισελλε} τὴ ἐπεισελλε, quasi *Missoriam* dicas: (Isidorus interpretatur *Missam*) sed in veteri tamen Latinorum vsu: & Plautus aliquoties vsurpat, & Afranius comœdiam etiam quampiam, *Epistolam* inscripsit. V mediâ Politianus & nonnemo hodie scribunt, freti auctoritate librorum & lapidum, in quibus crebrò sic reperias: sed, nisi fallor, numquam ante Vespasiani æuum. Et per O fanè rectius scripseris magisquæ ἀναλόγως. Aliis etiam nominibus prisca appellauère, *Litteras*, *Tabulas*, *Tabellas*, *Codicillos*. *Litteras*, (poëtæ etiam *Litteram*), ob eminentiam, & quia hoc genus creberrimi inter litteras omnes vsus: *Tabulas*, *Tabellas*, *Codicillos* à materie; quia ante chartæ & membranarum vsum (* Isidori verba cito) in dolatis ex ligno codicellis epistolarum colloquia scribebantur. Vnde & portatores earum *Tabellarios* vocauerunt. Quæ transcripta moneo ex Hieronymi epist. XLII. Festus eidem rei: *Tabellis*, inquit, pro chartis utebantur antiqui; quibus vtrò citroque certiores absentes faciebant: vnde adhuc *Tabellarij* dicuntur, & *Tabella misse* ab Imperatoribus. Inde Plautus Epistolam circumscribens Pseudolo:

Per ceram & lignum, inquit, litterasque interpretes.

Et paullo post:

Pro lignè salute vis argenteam remittere illi?

Eiusmodi *Tabulæ* Homero etiam notæ: apud quem Proetus lit-

A 2

teras

Iliad. 2. teras Bellerophonti tradit scriptas ἐν πίνασι πικρὰς, in tabellâ* plicâ-
VEL. CLXXIX.
* Sive, du-
plice.
Lib. XIV. *ta.* Fieri solitæ inductâ cerâ, è fago, abiete, buxo, tiliâ siue phylirâ, acere, citro, ebore. quæ omnia exemplis firmare non hîc locus. Vsi tamen & chartâ ad hanc rem: idque ex Martialis lemmate facilè colligas, *Chartæ epistolares.* quod nomen hodieque Epistolæ tribuunt Hispani. Sed siue Tabella, siue Charta, paullo alia tamen eius quàm hodie forma. Pagellæ enim erant, & species minuti libelli. Hinc Ciceronis illa capies: * *Extrema pagella pupugit me tuo chirographo.* * Et, *Alterâ iam pagella procedit.* Excipio, quod publicas litteras ad S. P. Q. grandiore formâ, & transuersâ chartâ scribebant, scilicet quasi Historias. Suetonij hæc mens in * *Iulio: Primus epistolas ad Senatû, ad paginas & formam memorialis libelli conuertisse fertur, cum antea Coss. ac Duces non nisi transuersâ chartâ mitterent.* Cui Isidorus dat lucem: *Quædam nomina librorum apud gentiles certis modulis conficiebantur: breuiore formâ, Carmina atque epistolæ; at verò Historiæ maiore modulo scribebantur.* Et hinc * *Senecam explico: Epistola non debet sinistram manû legentis implere.* quod scilicet referendum ad angustias & minutâ libelli formam.

CAPVT II.

Quid sit Epistola, & quæ eius partes.

DEFINIO autem Epistolam: SCRIPTVM ANIMI NUNTIVM AD ABSENTES, AVT QVASI ABSENTES. Animi nuntium dixi: quia finis Epistolæ duplex; aut affectui testando, aut rei significandæ. Illum, ingerit Ambrosius ad Sabinum: *Epistolarum vsus est (inquit) ut disiuncti locorum interuallis, adfectu adhareamus.* Hunc alterum, Cicero ad * *Curionem: Hac causâ insentia res ipsa est, ut certiores faceremus absentes, si quid esset quod eos scire, aut nostrâ aut ipsorum interesset.* Et ante eum * *Turpilij: Solâ res est † quæ homines absentes, presentes facit.* Rectè igitur dixi, *absentes.* sed addidi etiam *quasi absentes:* quòd interdum ea vsurpata ad presentes. Ita Augustus * *sermones grauiores cum Liuiâ suâ non nisi in scriptis & è libello habebat.* Et idem Iuliam suam in Amphitheatro * *admonuit scripto.* Quin mos ille sub Tiberio principe * *etiam presentem scripto adire.* quem originem sumpsisse à Iulio Cæsare ex Plutarcho colligas: qui *primus (inquit)*

* Lib. II.
 * Apud Hier. epist. XLII.
 † Velim trāponi, ut fiat Trochaicus: *homines absentes quæ pres.*
 * Sueton. cap. XXIV.
 * Macrob. II. Sacen.
 * Tac. IV. Annal.

quit) rationem repperit amicos per litteras conueniendi, cùm coràm agendi nec occupationes nec magnitudo vr̄bis semper occasionem daret. Atque id genus propriè Codicillos appellabant. Senecæ ea mens epist. LVI. *Videō te mi Lucili cùm maximè, audio. adèd tecum sum, vt dubitem an incipiam non epistolas, sed codicillos tibi scribere.* Hæc definitio Epistolæ. ex quâ partes præcipuas eius duas facio: Materiam & sermonem.

CAPVT III.

Materies definita, diuisa, & de præmissis Epistola.

MATERIEM dico REM QUAE SVBIECTA SCRIP-
PTIONI. Ea duplex, Solennis & Varians. Solennis,
QUAE IN OMNI EPISTOLA, EADEM AVT PAENE
EADEM, ET QVASI EX FORMVLA RECVRIT.
Qualia sunt, Præloquium, & Clausula. Præloquium intellego,
QVOD EX RITV PRAEMITTITVR: vt Nomina & Sa-
lus. In Nominibus olim receptum, vt in ipsâ fronte epistolæ bi-
na semper ponerent, Suum & Alienum: illo præposito, etiam ad
digniore. Cum causâ. quoniam prima legentis cogitatio & de-
siderium, est scire à quo missa. Etiam hoc seruatum, vt nomina
nuda, nec blandientia aut laudantia verba, sibi alterive tribue-
rent. excipio, si quis in imperio aut magistratu. Tum enim verbo
additum *P. Seruilus Rullus Trib. pl. X. vir Cneo Pompeio proconsuli.*
At Epitheta nulla: nisi ad vnicè caros aut domesticos. quos inter-
dum *Humanissimos, Optimos, Suauissimos, Suas animas* appellabant,
& receptissimo verbo *Suos*. Quod postremum interdum etiam
ad leuiter notos vsurpabant. vt apud Liuium: *Prætores Syracusa-* Lib. xxv.
ni Marcello Suo. Prisci interdum: sed labens ætas passim & omni-
bus dedit. adèd vt Imperatorem ipsum sanequàm familiariter
Suum saluter Plinius in magni operis præfatione. Ab hac mente
Martialis: Lib. xiv.

Seu leuiter noto, seu caro missa sodalis,

Omnes ista solet charta vocare SVOS.

Et in Plinij Iunioris epistolis vix aliter legas: sicut & Pandectarum aliquot locis. Olim ista: Ego hodie temperem ad vsum nostri xui; & alieno ingenio interdum seruiam potius, quàm meo.

A 3

Ad

Ad doctos, probos, simplices simplicia hæc seruem: ad magnates aliter; nec temerè nomen meum præposuerim, & appellandi formulâ potius scripserim, *Maxime Rex, Illustrissime Princeps, Amplissime Domine, &c.* Misera ostentatio scientiæ, quæ risum aut offensam debet; utique in epistolâ, quæ tum demum rectè scripta, cum videretur illi cui scripta. At de Salute, clarum est olim eam post ipsa Nomina adiectam: haud dubiè ex colloquiorum more, quo in occurfu statim salutamus. Græcis simile: quibus *χαίρειν* precari in vsu fuit, aut *εὖ δάξην*: quæ Epicuri salutatio: aut *ὑπεράγειν*: quod disputatiunculâ quâdam præfert Plato ad Dionysium. Horatius, non præter solitum Græcus, expressit ista:

Vide Dio-
gena. Laërt.
in Plat.

Epist. 111.

*Celso gaudere & bene rem gerere Albinouano
Musa rogata refer. —*

In Phocio-
ne.

Omirtebant hæc interdum, & præsertim Reges, quasi per maiestatem. Plutarchus notat: *Alexandrum, victo Dario, abstulisse ab epistolis, τὸ χαίρειν, (illud Saluere) exceptis quas Phocioni scribebat, quem vnum, sicut Antipatrum, compellabat, post Salutem dictam.* Pertinere etiam ad Præloquium videatur vetus ordiendi formula, S. V. B. E. E. V. quæ in priuatis litteris frequens; in publicis perpetua, etiam posteriore æuo. Concipi solet & his notis: S. V. G. E. V. id est, *Si vales, gaudeo, ego valeo.* Quæ apud Oppium de bello Hispaniensi lectæ, frustra turbât & ad mutandum impellunt eruditos.

CAPVT IV.

De iis que ad finem epistola, itemque de Signo.

v. Tist.

AD Clausulam venio: quam appello **TERMINVM EPISTOLAE ET FINEM.** In eâ hæc quinque solennia ferre insunt: I. *Valedictio.* quæ inserta pariter ex sermonis ritu, quo abeuntes alter alteri bene precamur. Expressa antiquis simplici verbo *Vale.* Ouidius:

*Accipe, quo semper finitur epistola verbo,
Atque meis distent vt tua fata, Vale.*

Interdum *Haue, Salue:* nec indecôrè cum adiectiunculâ *mi anime, mi suauissime.* Aut alio verbo ad argumentum apto: *Vale & veni, Vince & vale.* Interdum & voto concepta: *Deum precor vt te seruet, consilia tua fortunet, &c.* Quæ omnia cum iudicio imitanda aut

immu-

inmutanda pro re & personâ. **II. Loci adiectio.** quæ necessaria inter absentes: nisi si de eo planè constet. Itaque Ciceroni crebrò omiſſa: & in pari causâ omittenda nobis. **III. Temporis.** in quo dies semper, annos plurimum; horas interdum notatas inuenies. **IV. Subscriptio.** quæ priscis ignota: nisi fortè in litteris ad Imperatores; quibus subscriptum per speciem honoris & obsequij, * *Deutos se esse.* Nos tamen vsurpamus. nec damno apud grandes aut ignotos: apud familiares vacuum videatur, imò vile. **V. est Superscriptio.** quæ nobis inter legitima, veteribus rarò fortasse vsurpata. Dabant enim plerumque & mittebant per Pueros suos aut Tabellarios notos; nec aliud in exteriori epistolâ quàm Signum & Linum. Illud plerumque erat * Imago propria, aut alicuius è maioribus, impressa ceræ siue cretæ. De cerâ notum est: de cretâ, venisse in hunc vsum Cicero ostendit **IV. in Verrem: Signum iste animaduertit in cretulâ.** Et pro Flacco, *Asiaticam cretam* in hac re appellat. Linum fuit, vinculum quo epistola obligata, & cui signum ipsum impositum impressumque. Plautus:

Cedo tu ceram ac linum: age, obliga, obsigna citò.

Nec aperire epistolam fuit, nisi illo soluto. Inde apud Curtium: *At Parmenio vinculum epistolæ soluit.* Apud Ciceronem: *Incidere linum.* & passiuâ vulgataque phrasi, *Soluere epistolam.* Ferè autem signum cum eo fractum. ideoque iuebant semper ante apertionem Signa agnosci, fidei causâ. In Plautinis:

Accipe, hem cognosce signum.

Iterum:

Cape, signum nosce.

Cicero in Catil. *Ostendi tabellas Lentulo, & quæsiui cognosceretne signum? Annuit. Est verò inquam imago aui tui clarissimi viri.* Sallustius: *Pellectis litteris, cum prius omnes signa sua cognouissent.* Hoc curiosè ideo: quia signo corrupto facile & tutum negare à se scriptam. vtique cum dictassent (vt saepe) & alienâ manu esset. Ita olim. nec tamen rigidè abnuo, quin aliquando superscriptum. Plutarchus in Dione, inter plures epistolas quæ adlatæ, *ita d' h'v,* inquit, *ἡ αὐτῆς ἐπιτολῆς, τῆς πατρὸς παρ' Ἰππάρχου.* *Vna erat exterius inscripta, Patri ab Hipparino.* Quod pro eorum opinione sit, qui volunt ea quæ in capite ac fronte epistolarum veterum semper legimus, fuisse Tabellarij causâ, in earum dorso. Sed quidquid huius sit,

* Ex Dio. de LVII. Suet. Tib. XXXII. Et priscis Lapi. Id. D. N. M. Q. E. id est, Deurus Numipi Matritiæ, eius. * Sine aliâ aliqua ve Augustus Sphynge signatur solebat. Gallia imagine Alexandri, postremum sua. Lib. VII.

ius sit, nobis superscriptio vsurpanda: siue ob ignotos ignorantesque Tabellarios, siue magis ob receptissimum morem, cum quo frustrâ pugnemus. Quin & Titulis, eodem auctore, vti suadeam: sine ambitione tamen aut professâ nimis adulatione. Hæc Solemnis Materies epistolæ, in quam licet aduocem Epistolas totas, quas *Formales* * Suetonius appellat. Eæ de vnâ aliquâ re, vnâ ac simili formâ, ad plures scribuntur: in negotiis publicis, inque aulis Principum etiam hodie vsitatæ. quas ipsas *Canonicas* (nisi fallor) * Cassiodorus appellat.

* In Do.
mit. cap.
XIII.

* Lib. II.
Var. Epist.
XXIII.

CAPVT V.

De Materie variâ, eiusque sectione.

AT Variantem Materiem appello, QVAE DIVERSA IN QVAQVE EPISTOLA EST: IPSA OCCASIO SCRIBENDI ET CAUSSA. Ea multiplex: nec minùs latè patet quàm hæc vita. Quid enim rei diuinæ aut humanæ est, quod non sermone communicamus? ergo & Litteris, quæ alter sermo. Sed tamen diffusam coërcere his terminis posse videor: vt omnis ea sit triplex: *Seria, Docta, Familiaris*. *SERIAM* dico, quæ ad publica aut priuata pertinet, sed vberius ea tractat, & cum curâ. Id genus inter publica sunt: *Narrationes, Dissertationes, Deliberationes, de statu rerum, de militiâ, de pace*, & his talibus. Inter priuata; *Consolationes, Admonitiones, Petitiones, Obiurgationes, Excusationes, Suasiones, Laudationes*, & vno verbo, quicquid paullo magis seriò scribimus, & vnâ in re velut figentes pedem. Quod genus sæpe incurrit, & plerumque necessariò, interdum animi causâ, vsurpatur. *DOCTAM* dico, quæ ea quæ ad scientiam aut sapientiam, continet, & res non epistolæ, epistolæ veste velat. Talis triplex: aut enim *Philologica* est, & in amœnioribus studiis occupatur, vt olim Varronis *Quæstiones Epistolice*, Valgij Ruffi *Quæstia* per Epistolam. Aut *Philosophica*, & de Naturâ vel Moribus agit: vt Senecæ nostri epistolæ; sed & Platonis. Aut denique *Theologica*, quæ in sacris rebus dedita: vt sunt Augustini, Hieronymi, Cypriani, Basilij, Gregorij vtriusque. Denique *FAMILIAREM* dico, quæ res tangit nostras aut circa nos, quæque in assiduâ vitâ. Ea propria & creberrima Epistolæ materies: &, si verum fateri volumus, germanæ

INSTITVTIO EPISTOLICA.

germanæ illius vna. Cui priora illa duo, *Seria*, inquam, & *Docta* sæpe admixta: sed admixta; variumque ei semper nec simplex argumentum.

CAPVT VI.

De Inuentione pauca & Ordine.

SA TIS de vniuersâ Materie dictum: de Inuentione & Ordine addendum aliquid est: sed breuiter. Nam ad Inuentionem vberibus præceptis quid opus? Cùm semper ea prompta; nec ad Epistolam scribendam veniatur nisi argumento concepto; & mente (vt ita dicam) tumente. Quod in *Familiaribus* verisque Epistolis perpetuum est: In *Seris* aut *Doctis* paullo aliter. quibus quomodo aggerenda aut amplificanda Materies sit; nihil hîc ego: sed Rhetorum te libri docebunt. Nec in *Ordine* quidem admodum laboro: qui optimus in Epistolâ, neglectus aut nullus. Vt in colloquiis incuriosum quiddam & incompositum amamus: ita hîc. Adeo vt nec in Responsionibus ordine & distinctè ad capita semper respondeamus: sed vt visum, atq; vt hoc illud ve in mentem aut calamum venit. Omnino decora est hæc incuria: & magnus * Magister rectè monuit, *Epistolas debere interdum*

* Cicero ad Attic.

CAPVT VII.

De Sermone. quæ de eo dicenda, & primum de Breuitate.

VENIO ad Sermonem: cuius causâ, fateor, Institutio hæc suscepta. Nam de Materie; totum mediocris cuiusdam prudentiæ est; & vix peccatur, at in Sermone, Labor & Error est; nec corpus illud hodie crebro cultum vidimus (liberè effero) decenti hac veste. Sermonem appello, ELOCVTIONEM ET

B STILI

STILI MODVM EPISTOLAE APTVM. Is vt talis fiat, dupliciter eum considerabo: *Vniuersè & Distinctè*. Vniuersè, in toto Habitu & conformatione epistolæ: Distinctè, in partibus, id est *Phrasi & Verbis*. De Habitu igitur sermonis epistolici, præcipio vt quinque ista serues: *Breuitatem, Perspicuitatem, Simplicitatem, Venustatem, Decentiam*. Prima illa, prima mihi sermonis virtus est: adeoque epistolæ propria; vt, si longior, (cum Demetrio sentio) Libri iam nomen assumat, Epistolæ amittat. Cùm tam multa ea nuntiet, quæ debet multis? Adde, quod vt in sermone aut fabulis, sic in epistolis odiosa garrulitas. Quam tamen, quod obserues, imperitissimus quisque affectat; & loquentes ferè plurimum, qui minimum eloquentes. Vt corpore tenues, veste se dilatant; sic qui ingenij aut sapientiæ inopes, diffundunt se verbis. At Breuitas mihi amata, & iis qui sapiunt: si tamen cum Iudicio ea vsurpata & modo. Peccari enim & hinc posse scio: & vt in sagittâ mittendâ, non minus aberrat qui citra scopum, quàm qui ultra iaculatur; sic in scribendo, quisquis pauciora quàm pro re, aut plura dicit. Modum autem à materie specto. Si *Seria* Epistola aut *Sapiens*, diffundi paullo magis velim, & rei per se graui addi verborum aliquod pondus. Si *Familiaris*, contrahi: nec res tenues ac multas onerari laciniâ sermonis. Scilicet vt vela pro magnitudine nauium: sic verba debent esse, pro rerum: Iudicium porrò sumo à personis; idque dupliciter: A *Qualitate*, à *capto*. Ab illâ: vt si ad Ignotos aut Magnates scribitur, vberior & floridior paullo epistola fit. quia stricta illa breuitas apud hostales, non abest à contentu. Aliter, si ad amicos aut æquales. A *Capto*: vt si ad leuiter doctum aut acutum; si ad iuuenem. extendam tunc profectò, nec tenebras ingenij effundam per se parùm claris. Atque id mihi in omni personâ valdè notâ: vt illi, inquam, testilumque tuum attemperes. quoniam caput artis, scribere accommodatè. Quis fiet igitur Sermo breuis? obseruatione triplici: *Rerum, Cõpositionis, Verborum*. *Rerum*; vt superuacuum nihil admisceas, nil repetas, in primis non capita ad quæ respondes. *Cõpositionis*; vt structuram & periodum longiorem omnem fugias: membris vtare, & asyndetis sæpe. *Verborum*: vt lætior omnis phrasis, allègoria, imago abdicetur: parca & pura oratio sit, necessariâ suppellectile verborum contenta.

Habet

Habes de Breuitate; quæ viris mihi dicta, non iuuentur, sunt. ad eam enim hanc ad eam non voco, vt etiam absterream: siue quia tutò adsumere vix potest, & Breuitatis imitatio facillimè atatem hanc decipit: siue quia nec vtiliter potest, & iuuenili illo breuitatis studio (sæpe vidimus) aridus plerumque & exsuccus stilus euadit. nec facillè ad laudatam illam temperiem venit, nisi initio ybertas quædam & luxuries sit, quam atas paullatim depascat.

CAPVT VIII.

De Perspicuitate; qui peccetur in eam, qui paretur.

VIRTUS altera, *Perspicuitas*; de industriâ à me Breuitati subtexta, quia periculum magnum huic ab illâ. Quàm ardua, quàm rara illa Breuitas, quæ non præteruolet aures aut defraudet? in quâ legentis sensus non opus sit intendi? Atqui semel hoc imbibe: summum in sermone vitium esse, non solum non capi, sed etiam agrè capi. In quo peccant quidam Naturâ, qui ipsi obscuri & reconditi talia efferunt: plures, Studio; qui nihil doctum aut laudabile putant, nisi reconditum, & quod fugiat vulgares mentes. Stulti; quia malè ingeniosus ille, ad quem capiendum opus est ingenio: præsertim in Epistolâ, quæ arbitrum aut interpretem non querit. Clare ergo scribito, si potes; & breuiter. sed ita, vt hoc laudis esse scias, illud necessitatis. Clarus autem sermo erit, præcepto triplici: Si verba in eo propria; si visitata; si collocata.

CAPVT IX.

De Simplicitate duplici; & ad hanc monita.

TERTIAM virtutem posui Simplicitem: intellectu duplici. quia & in Stilo eam exigo, & in Mente. De Stilo: certum, & veterum exemplo testatum est, simplicem eum esse debere, sine curâ, sine cultu; simillimum cottidiano sermoni. Itaque Demetrius, vt Dialogum, Epistolam scribi vult: & ipse Cicero, *texi eam quotidianis verbis*. Seneca appositè: *Qualis sermo meus esset, si vnâ sederemus aut ambularem, illaboratus & facilis*:

tales volo esse epistolas meas. Quod feminas ornare dicitur, non ornari hoc epistolam. quam sequi decor debet, non ab eâ aut in eâ affectati. At de Mente: ita intellego; vt simplex quiddam & ingenuum in totâ scriptiõne eluceat, & aperiat candorem quemdam liberæ mentis. Nullâ enim ex re magis natura cuiusque & certa indoles elucet (Demetrio verè scriptum) quam ex epistolâ. Itaque optima eâ tibi repræsentanda, & imprimis illi ad quem scribis amica. vt inquam lenium affectuum & beneuolentiæ illud, vt sic dicam, saccharum, inspergatur; fiatque delectabilis, & ad legentis gustum. Quo in genere Cicero vnicus, & vnice imitandus. Præceptis enim aliis res non continetur. Cautionem addo siue exceptionem: pro re interdum epistolam assurgere, & paullo studiosius scribi (vt in Seruis:) sed tamen ita, vt simplicitatem totam non exuat; & ornamenta interdum habeat, lenocinia numquam. Nam illæ quæ ad pompam, & ostentationem ingenij scriptæ (quales Philostrati & Phalaridis, item Synesij & Plinij nonnullæ) nescio an tueri nomen veræ epistolæ possint apud iudices veros.

C A P V T X.

Iunctim de Venustate & Decentiâ.

RELIQUAE mihi duæ virtutes, *Venustas & Decentia*: etiam vix reliquæ. Vtraque enim eiusmodi, vt admonere de eâ breuiter possim, non docere. Illa ab Ingenio tota est, hæc à Iudicio: quorum vtrumque spernit ligari præceptorum his vinculis. *Venustatem* appello, cum sermo totus alacer, viuus, erectus est, & allucientem quamdam gratiam. *Veneremque præfert.* Quod natura ferè dat: non nihil tamen & duplex hæc monitio. Primum, vt Adagia Allusionesque ad dicta aut facta vetera, versiculos aut argutas sententias vtriusque linguæ: interdum immisceas. Secundum, vt iocis salibusque opportunè condias; quos animam & vitam epistolæ esse non fugiam dicere.

At *Decentiam* intellego; id quod Græci τὸ ἀπέωρον: quæ tum in epistolâ, cum omnia aptè & conuenienter scripta. Quod fiet aspectu duplici: *Personæ & Rei.* *Personæ* dupliciter; si tuam respicis; & eius ad quem scribis: *Rei* autem, simpliciter; vt omnia

nia

nia pro argumento ; & sententiarum phrasiumque vestis apta fit corpori rerum. Magna hæc, sed occulta virtus : nec immerito Cicero monuit, *vt in vitâ sic in oratione, nihil difficilius esse, quàm quid deceat, videre.* Nec verba hîc perdam: quia scio Iudicij totam hanc rem esse: quod à Deo & à naturâ pete, non ab Arte.

*In Orat.
ad Brutû.

CAPVT XI.

Ad Sermonem distinctè transitum: eum parari Imitatione: ad hæc tria præcepta. & primum de iis qui, & quando, legendi.

DIXI vniuersè de Sermone: magis distinctè ad partes eius transeo, *Phrasim & Verba.* Illam appello, **VOCES DVAS AVT PLVRES IN SENTENTIA IVNCTAS:** Hæc, **VOCES IPSAS SINGVLAS.** In illis *Elegantia & Nitor* requiritur: in his *Latinitas & Proprietas.* Ea omnia hodie, vel ex *Auditu* haurienda sunt, vel ex *Lectiõne.* Ex illo leuiter; quia nec adhærent audita animis, æquè ac lecta: nec est ferè vt optima audiantur. quia & rarus Latinus sermo, & pauci eâ curâ loquuntur quâ scribunt. Itaque doctissimi ac disertissimi, sæpè in sermone alij; nec temerè exemplum vidimus aut videbimus eloquentiæ, quam formauit Auditio sola. Lectio igitur magis tuta, magis utilis. sic tamen, vt *Imitatio* ei adiuncta sit: sine quâ languida hæc, imò vana. *Imitationem* dico, **SERMONIS NOSTRI AD SERMONEM VETEREM, APTAM CONFORMATIONEM, ET STILO EXPRESSAM.** A quâ (vno verbo dicam) spes omnis crescendi huic segeti *Phrasium & Verborum.* Nam Ars alia, quicquid conentur, non magis fertos fecerit, quàm vates somnium in Parnasso. De illâ igitur cum curâ & ad vsum dicam: & quidem hæc tria, *Quos & Quando legas: Quid & è quibus seligas: Quid exprimas & quid vites.* In primo: vtinam ea copia scriptorum hodie, vt iure ambigua haberi hæc lis possit! Pauci relictî veteres: quis controuertet quin ij legendi omnes sint: nisi fortè nuper aliquot Itali, qui in arctum reductam eloquentiam concluderunt finibus tantum Tullianæ lectionis. O vani & fastidiosi! non solum præter mentem magistrorum veterum, sed præter rationem præterque vsum. Quos nunc non refello; & adhæsisse olim me scio paullò iuuenilius;

B 3 donec

donec repressit & reuocauit maturioris iudicij frænum. Tu mecum, omnes legendos imitandosque tibi certò statue: non simul tamen aut omni auro. Discrimen aliquod temporum est, quod vtiliter enotabo. Est *Puerilis* quædam & prima Imitatio, est *Crescens*, est *Adultæ*: In illâ primâ, Italorum hæresis mihi placeat: & aliquamdiu Cicero non præcipuus solùm legatur, sed solus. Cui fini? vt corpus scilicet illud & contextus orationis primùm seriò formetur vno quodam habitu, & æquabili sermonis filo. Nescio an idem censerem, si Caluus, Cælius, Brutus, Cæsar, & alij è classe Oratorum extarent. Sed, vt hodie res est, quis præter Tullium periodos, membra, numeros, & continuatam illam orationis seriem nobis suggererit? A quâ, me quidem iudice, necessariò initium faciendum iuuentuti. Vt pictor cum tabulam accepit, primùm hominem totum delineat, colores mox aptos quærit, & addit cuique parti: sic meus Imitator, corpus eloquentiæ suæ formet, pigmenta deinde variè conquirat. Nisi facit, (crede iuuentus, aut serò credes:) hiulca semper, incomposita, & è variis varia quædam stili forma gignetur, nec satis sibi constans. quotidie video; & peccati causam non ignoro. Cicero igitur primus primas teneat: & teneat solus. Sed quamdiu? pro ingeniis tempus definiam: in molliore aliquo, annum; in duriore, alterum etiam annum. Et addo non inutiliter, sub hanc ipsam curam, Manutij epistolæ, Sadoleti, Bembi, Bunelli, atque in primis Longolij nostri, legi posse. non quia ipsi (liberè dicam) valdè probi; sed quia puerili quodam affectu Ciceronis illam orbitam anxio pede presserunt, ideoque per eorum vestigia tutior & facilior tibi cursus. At in *Crescentem* & *Iuuenilem* Imitationem alios admitto: sed successu tamen; nec vt saltu pergas, sed per quosdam velut gradus. Itaque meo consilio, eos hæc primùm adeas qui à Cicerone minimum abeunt, & qui copiâ, suauitate, fluxu dictionis, referant beatam illam facilemque naturam. Qualis Fabius in primis, & non nihil Q. Curtius, Velleius, Liuius, Cæsar: similiores futuri, nisi retinisset & stitisset alia species argumenti. Hos igitur tunc lege, sed leuiter: at eum omni studio Plautum & Terentium; qui semel corpore illo sermonis & tamquam ædificij formâ constitutâ, vtilissimè adhibebuntur ad poliendas omnes partes. Verborum proprie-

tas

tas à quibus petatur melius? à quibus Phrasium ille nitor Atticus? Iam Venus, & Lepor & comitas à quibus vberius hauriatur, quam à meo comico? Plautum enim hîc solum intellego; & præpono (nec impono: quia ex animo ita sentio) omnibus, qui in Latio aut Græciâ imbuerunt chartaceum hoc æquor. Hi ad Epistolam (de Orationibus enim aliter censeo) & familiarem seripcionem imprimis apti: quia reuerâ epistola quid aliud, quam cottidiana dissertatio? vt non errârit Artemo apud Demetrium, qui censet eodem modo Dialogum & Epistolam scribi. Et Plinius ab eâdem causâ, epistolas matronæ cuiusdam dilaudans, cum Plauto & Terentio metro solutis eas componit. Quin ipsum Plinium, in secundâ hac classe iure colloco, tersum, acutum, nitidum: sed non sine deliciis molliculum interdum, & parùm virum. Cui comitem nouum do, sed maiorem nouis, Etruscum illum Angelum, qui (nisi quòd affectatæ interdum & quæsitæ in eo argutiæ) cum illis ipsiis præscis pari passu decurrere posse videatur Epistolarum hunc campum.

Hoc velut tirocinij biennium sit: quo manus hæc stili coërenda nonnihil intra puram togam. cui iam deinceps, in *Adulterâ* Imitatione, liberè permittam exerat se & vagetur per scriptorum omne genus. Legat, videat, & flores ex omni prato carpat ad Eloquentiæ hanc corollam. Sed imprimis suadeam Salustium, Senecam, Tacitum, & id genus breuium subtiliumque scriptorum iam legi; quorum acutâ quasi falce luxuries illa paulisper recidatur; fiatque oratio stricta, fortis, & verè virilis.

Finij de parte primâ: nisi quod leuiter addo, perutile futurum eundem illum Ciceronem legi cottidie & relegi; vespertinis præsertim horis, & si oportunitas feret, sub ipsum somni tempus. Mens tunc nescio quomodo melius arripit, retinet, & concoquit per quietem. Tenta, reperies in leui monito non leue momentum.

De Excerptis; quo ordine ea instituenda, & à quibus
singula carpenda.

QUID seligas & à quibus, partem feci alteram. de quâ etfi exemplis dicere facilius possem, quàm scriptis; tamen breuiter hæc habe. Lectionem ipsam non sufficere, ne repetitam quidem, imò nec in felicissima memoriâ: sed opus esse *Excerptis* quibusdam & *Notis* rerum verborumque singularium; quas imitemur: quæ excerpta Memorialibus libellis, tamquam ærario, contineri velim, vnde sermonis illæ opes per tempus & ad vsum promantur. Fieri autem libellos triplices: vnum, quem *Formularum* dixerim; alterum, quem *Ornamentorum*; tertium, quem *Dictionis*. Duo illi ad sermonem vniuersum magis pertineant, tertius ad distinctum. In primo, Formulæ mihi duplices: Ad *contextum* istæ: *Ordiendi, Narrandi, Continuandi, Transseundi, Abrumpendi, Claudendi*. Ad *Materiem*, istæ: *Rogandi, Gratiâs agendi, Operam offerendi, Laudandi, Vituperandi, Assuerandi*: & quicquid istarum rerum communium est, quæ in epistolam creberrimè incurrunt. Secundus, *Ornamentorum* liber est: in quo distinctè & per capita collocauerim hæc: *Similitudines, Allegorias, Imagines, Acutiora dicta, Sententias*, & si qua eiusmodi illustria lumina sermonis. Tertius, *Dictionis*. quam diuido in duas partes, *Phrasum* & *Verborum*. Phrases quidem enotari velim, quæcumque insigniores aut nitidiores occurrent: Verba, quæcumque rara, noua, aut nouo sensu siue flexu vsurpata. In Phrasibus dispositionem non video; nisi quòd seorsim eas poni velim, pro discrimine scriptorum: Tullij solas, Plauti & Terentij solas, Historicorum solas: quod quisque pro iudicio suo aut industriâ facito. In verbis ordinem solum feruem Alphabeti. Hæc sunt quæ selegi velim. Sed à quibus? non enim promiscuè ab omnibus: sed ad iudicium paucis tibi sic præibo. *Formularum* liber à Cicerone maximè compleatur; addo Plinium, Politianum, aut si quid aliunde transferre aut haurire poteris opportunè. *Ornamentorum*, à Cicerone, Fabio, Plinio, Historicis, Senecâ, etiam à Græcis, & imprimis Plutarcho. *Phrasum* exempla à Cicerone maximè, & Comicis petantur: nonnihil ab Historicis,

historicis, atque etiam ab aliis quos non attigi, Varrone, Agellio, Suetonio, Iurisconsultis, imò & interdum Appuleio.

Verborum, vno verbo, ab omnibus: nec inutiliter etiam à Grammaticis & Glossariis antiquis.

CAPVT XIII.

De Expressione & formatione Stili, per tria genera Imitationum.

TERTIVM illud vtilissimum sequitur, Quid exprimas, & quid vites. Frustra enim priora illa duo, si non istud: nec lectio aut selectio adiuuerint, sine probâ expressione. Ea vt talis sit, per triplicem Imitationem distinctè te ducam, & quid sequare in vnaquaque dicam, & quid vites. In *Puerili*, duo hæc tibi propone. Primum, vt formulas imprimis & communia illa contextus totius imitere: secundò, vt ductum, numeros, lineamenta & faciem Tullianæ orationis. Et imitere, non industriè solum, sed panè adfectatè & cupidè: sic inquam, vt color quæsitus & fucus appareat, imò & furtum. Vt pueros nihil pudet, cum scribere discunt, per singulos litterarum apices alienâ manu duci: non item hîcte. Clausulas, membra, & periodi cuiuspiam partem cum veniâ saepe inferes; & Centonem è Tullij purpurâ contexes, paullò post daturus tuam. Exercitij genus quod olim in Germaniâ huic rei proposui, dicere operæpretium habeo, etsi non dictare. Fuit tale. Hæc sequere: quid fugies? nihil, nisi ea quæ Grammatici vitant. At in *Crescente*, crescat mihi paulisper iudicium, & seruari præcipiam hæc tria. Primum, vt in furtis iam verecundior sis; non enim vltra decet. Secundum, vt in Formulis exprimendis remissior; non enim vltra opus. Sicut digiti in citharâ ægrè & cum intentione initio ponuntur, iidem postea ad chordas & numeros spontè veniunt: sic mens istis paullum assuefacta. Tertium, vt Phrases & Verba meliora vndique assumes; & formes, vt sic dicam, cutem illam orationis tuæ externam. Atque hæc sanè præcipua hîc cura. quid vitandum? vitium agnatum Verborum delectui, nimia asperitas aut antiquitas. Quod in Comicis imitandis præcipuè mihi caue, & ne quid aut fordidum ab iis dictio tua trahat, aut obsoletum. Nam vt imperiti pictores in facie exprimendâ, rugam, næuum, verrucam

C

facile

facile imitantur, indolem negligunt, & ipsum vultum: sic sæpe adolescentes rara aut exstantia verba excerpunt, ingenium omitunt & genium dictionis. Quæ autem verba fordida? quæ iacent, repût, è face vulgi & è triuis sumpta, nec nisi iudicio discernenda. Quæ obsoleta? notæ duplicis: Naturâ & Opinione. Illa dixerim, quæ reuerà talia sunt: hæc, quæ sensu dumtaxat vulgi. Nam hodie ita inualuit, vt quicquid ignotum, nec tritum auribus imperitorum, obsoletum censeatur; quamquam ab optimis auctoribus peritum, & ab optimo illo æuo. Priora igitur aut planè vitabis, aut non nisi cum excusatione & interfatiunculâ vtêris: ista etiam apperès, & intexes sermoni tuo tamquam gemmas. De quo toto genere, opportuniùs monebo & instruam per exempla. Superest Imitatio vltima, siue *Virilis*: in quâ hoc præcipio, non tam exteriorem illum ornatum spectari debere, quam virtutes & cultum internum: id est, Figuras, Imagines, Acumina, & ea quæ appellauì Ornamentâ. In quo vna cautio, vt cum oratio perfici iam incipiat & summa illi manus imponi, καλοῦντία vitetur & Affectatio: infelix fanè vitium, & quod obrepit specie virtutis. Ea est, nimium cultus studium, & sine modo. Quod per te agrè videas aut vites: felix cui doctor hîc aliquis aut monitor amicus.

Hæc dictanda mihi nunc super Epistolis censui: cum fructu nonnullo eorum, spero, qui audierunt; vereor vt exiguo, qui tantum legent.

EX TON

Ἐπεὶ δὲ καὶ ὁ ἐπιστολικὸς
 χαρακτήρ δέεται ἰχνοτάτος,
 καὶ περὶ αὐτῆς λέξομεν. Ἀρ-
 τέμων μὲν ἔν, ὅτ' ἄς Ἀριστο-
 τέλης ἀναγράψας ἐπιστολάς,
 φησὶν, ὅτι δεῖ ὅν τῶ αὐτῶ ἰσώπῳ
 διάλογόν τε γράφειν ἔπιστο-
 λὰς εἶναι γὰρ τὴν Ἐπιστολήν,
 οἷον τὸ ἕτερον μέρος ἔ' διαλό-
 γου. καὶ λέγει μὲν ἡ ἴσως, ἐμὲν
 ἅπαν. δὲ γὰρ ὑποκατεσκευά-
 σθαι πως μᾶλλον ἔ' διάλογου
 τὴν Ἐπιστολήν. ὁ μὲν γὰρ μι-
 μῆται αὐτοῦ διαλέζοντα ἢ
 δὲ, γράφεται καὶ δῶρον πέμ-
 πεται τρόπον πινά. τίς γοῦν
 ἔτος ἀν διαλεχθῆ πρὸς Φί-
 λον, ὡς περὶ ὁ Ἀριστοτέλης
 πρὸς Ἀντίπατρον, ὡς ἔ' ἔ'
 Φυγάδος γράφων ἔ' γέρον-
 τῶ, φησὶν, Εἰ δὲ πρὸς ἀπά-
 στας οἴχεται τὰς Φυγάς ἔτος,
 ὡς μὴ κατάγῃ, δῆλον ὡς
 τοῖς γε εἰς ἄλλ' κατελθεῖν
 βουλομένοις, οὐδεὶς φθόνος.

QUONIAM verò ἔ' Epi-
 stolicus character Exilitate
 indiget, etiā de ipso dicemus.
 Artemo igitur, is qui Aristo-
 telis epistolas collegit ἔ' emul-
 gavit, ait eodē modo oportere
 Dialogum & Epistolas
 scribi. Esse enim epistolam
 quasi alterā Dialogi partem.
 Et aliquid quidem dicit, non
 tamen omnia. Oportet enim
 epistolam paullo magis ador-
 nari ἔ' quasi exstrui, quā
 Dialogū. Iste enim imitatur
 negligenter ἔ' ex tempore di-
 centem: illa autē scribitur, ἔ'
 aliquo modo mittitur quasi
 donum. Quis igitur ita ser-
 mocinetur cum amico, sicut
 Aristoteles ad Antipatrum,
 super sene quodā exsule scri-
 bēs ait? Si verò ad omnia ex-
 filia iste ita abiit, ut * nō red-
 eat: manifestū est, quòd ne-
 mo invidet ire ad inferos vo-
 lenti-

* non re-
 ducatur.

ὁ γὰρ οὕτω διαλεγόμενος,
 Ἰπδεικνυμῶ ἔοικε μάλλον,
 οὐ λαλοῦντι. Ἐλύσεις συχναί,
 ὁποῖα οὐ πρέπουσιν Ἰπσο-
 λαῖς· ἀσαφές γ' ἐν γρα-
 φῇ ἢ λύσις. καὶ τ' μιμητι-
 κόν, ἔ γραφῆς ἔτως οἰκείον,
 ὡς ἀγῶνος· οἶον ὡς ἐν τῷ Εὐ-
 θυδήμῳ, Τίς μὲν ὦ Σώκρα-
 τες, ὦ χθές ἐν λυκείῳ διελέ-
 γες; ἢ πολὺς ὑμᾶς ὄχλῳ
 περιεσῆκει. καὶ μικρὸν προ-
 ελθὼν Ἰπφέρει, Ἀλλά μοι
 ξένος τις φαίνεται εἶναι, ὦ
 διελέγου. τίς ἦν; ἢ γ' ἑαυ-
 τῆ πάσα ἐρμηνεία καὶ μίμη-
 σις ὑποκριτῆ πρέπει μάλ-
 λον, ἔ γραφομέναις Ἰπσο-
 λαῖς. πλείστον δὲ ἐχέτω τὸ
 ἠδικόν ἢ Ἰπσολῆ, ὥσπερ καὶ
 ὁ διάλογος· σχεδὸν γ' εἰκόνα
 ἑκάστος τῆς ἑαυτοῦ ψυχῆς
 γράφει τὴν Ἰπσολῆν. καὶ
 ἐστὶ μὲν καὶ ἔξ ἄλλου λόγου
 παντὸς ἰδεῖν τὸ ἠθῶν ἔ γρα-
 φοντῶ. ἔξ οὐδενὸς δὲ οὐ-
 τως, ὡς Ἰπσολῆς. τὸ δὲ μέ-
 γεθῶ συνεσάλθω τῆς Ἰπ-
 σολῆς, ὥσπερ καὶ ἢ λέξις.
 αἱ δὲ ἄγαν μακροί, ἔ προσ-
 ἐπι κατὰ τὴν ἐρμηνείαν ὄγ-

lentibus. Nā qui ita differit,
 demonstranti magis quam ser-
 mocinanti similis apparet. Et
 solutiones crebrae in sermone,
 quales non decent epistolas
 quia obscurū quiddā in scri-
 ptione solutio. Et illud Imita-
 toriū, non tā scriptiois pro-
 prium, quā contētiois. Si-
 cut in Euthydemo: Quis ille
 erat ὁ Socrates, cum quo he-
 rē in Lyceo differebas? certē
 frequēs turba vos circūfiste-
 bat. Et paullū progressus, in-
 fert: At mihi hospes quispiā
 esse videbatur qui cū loque-
 bare, quis erat? Hac enim ta-
 lis elocutio ἔ imitatio, histrio-
 nem magis decet, nō epistolas
 scribētē. Plurimum autem
 Morale epistola habeat, sicut
 ἔ Dialogus. Ferē enim ani-
 mi sui simulacrum quisq; ἔ
 imaginē, epistolam scribit. Et
 est quidem ex aliā omni ora-
 tione videre ac noscere morēs
 scriptoris: ex nullā tamen a-
 quē atq; ex epistolā. Magni-
 tudo autē epistolae modica ἔ
 contracta esto, sicut ἔ dictio.
 Valdē autem longa, ἔ elocu-
 tione

κωδέστεραι, ἔμα' τὴν ἀλή-
θειαν Ἐπιστολαὶ γέγοντο ἂν,
ἀλλὰ συγγράμματα, τὸ
χαίρειν ἔχοντα προσγεγραμ-
μένον. καθάπερ τὰ Πλά-
τωνος πολλά, καὶ Θεκυ-
δίδου, καὶ τῆ σωτᾶξει μὲν
τοὺ λελύδω μᾶλλον. γελοίου
ᾧ περιδεύειν, ὡς περ ἐκ
Ἐπιστολῶν, ἀλλὰ δίκλῳ γρά-
φοντα, καὶ ἔδ᾽ ἐ γελοίου μὴ-
ον, ἀλλ' ἔδ᾽ ἐ φιλικόν. ᾧ ᾧ
δὴ κατὰ τὴν παρρημίαν, τὰ
σῦκα, σῦκα λεγόμενον, Ἐπι-
στολαῖς ταῦτα ἐπιιδεύειν. εἰδέ-
ναι δ᾽ ἐ ἡσὶ ὄνι ἐχ' ἐρμηνεία
μόνον, ἀλλὰ καὶ πράγμα-
τὰ πνα Ἐπιστολικά ἐσιν. Α-
ριστοτέλης γοῦν, ὅς μάλιστα
Ἐπιτετευχέναι δοκεῖ τὸ τύπου
Ἐπιστολικό, Τοῦτο δ᾽ οὐ γρά-
φω σοί, φησὶν. οὐ ᾧ ᾧ Ἐπι-
στολικόν. εἰ γάρ τις ἐν Ἐπιστο-
λῇ σοφίσματα γράφῃ ἢ φυ-
σιολογίας, γράφῃ μὲν, οὐ
μὲν Ἐπιστολῶν γράφῃ. Φι-
λοφρονῆσις γὰρ πρὸς βουλείαι
εἶναι ἢ Ἐπιστολῇ σωτῆρος ἔ
περὶ ἀπλοῦ πράγματος ἐκ-
θεσις, καὶ ἐν οἰόμεσιν ἀπλοῖς.
κάλλος μὲν τοῖς αὐτῆς αἰ τε

tionē magis inflata, non, per
Fidem, epistola sunt, sed Li-
bri aut scripta Saluere illud
habentia. sicut Platonis plu-
rima sunt, & Thucydidis.
Et constructione quidem e-
pistola soluta esse debet ma-
gis. Ridiculum enim per pe-
riodos ire, tamquam non epi-
stolam sed iudicialem caus-
sam scribentem: imò non ridi-
culum tantum, sed nec familia-
re aut amicū. Illud enim quod
proverbio fertur, Ficus, ficus,
epistola oportet accommodare.
Sciendum autem, quòd nò so-
lum Elocutio quadam, sed &
Res sunt Epistolis propria.
Aristoteles igitur, qui formā
maximè epistola cōcepisse &
affectus videtur, ait: Hoc ti-
bi nò scribo: nò enim esset e-
pistolicū. Siquis enim in epi-
stolā Sophismata aut cauillos
scribat, aut Naturales disser-
tiones: scribit. quidē, non tamē
epistolā. Come enim quiddam
vult esse Epistola: breue, & de
re simplici expositio, etiā ver-
bis simplicibus. Pulchritudo
enim eius est decor, amica be-
nigni-

φιλικῶν φιλοφρονήσε, καὶ
 πυκναὶ παροιμίαι ἐνοῦσαι.
 καὶ τοῦτο γὰρ μόνον ἐνέσω αὐ-
 τῇ σοφόν, διότι δημοδικόν τι
 ἔστιν ἢ παρρημία καὶ κοινόν.
 ὁ δὲ γνωμολογῶν, καὶ περ-
 τρεπόμενος, οὐδὲ ἑπιστολῆς ἐπι-
 λαδοῦν ἔοικεν, ἀλλὰ μηχαν-
 ῆς. Ἀριστοτέλης μὲν τοῖς καὶ
 ἀποδείξεισι που χεῖρται ἑπι-
 στολικαῖς. οἷον διδάξαι βου-
 λόμενοι, ὅτι ὁμοίως χεῖρ
 διεργετῶν τὰς μεγάλας πό-
 λεις καὶ τὰς μικράς, φη-
 σὶν, Οἱ γὰρ θεοὶ ἐν ἀμφο-
 τέραις ἴσοι ὥστ' ἐπεὶ αἱ Χά-
 ριτες θεαὶ, ἴσαι ἀποκείσονται
 σοὶ παρ' ἀμφοτέραις. καὶ
 γὰρ τὸ ἀποδεικνύμενον αὐτὸ ἐ-
 πιστολικόν, ἢ ἡ ἀπόδειξις αὐ-
 τῆ. ἐπεὶ δὲ καὶ πόλεσι πο-
 τε καὶ βασιλεῶσι γράφομεν,
 ἔσωσάν τοι αὐτὰ αἱ ἐπιστο-
 λαί, μικρὸν ἔξημέμεναι πως.
 σοχαστέον γὰρ καὶ τοῦ περὶ
 ὧπου, ὡς γράφεται. ἔξη-
 μέμη μὲν τοι, καὶ ἔχῃ ὥστε συγ-
 γραμμα εἶναι αὐτ' ἐπιστο-
 λῆς, ὡς περ αἱ Ἀριστοτέλους
 περὶ Ἀλέξανδρον, καὶ περὶ
 τοῦ Διωνοῦ οἰκείους ἢ Πλά-

nigritas, & crebra Prouer-
 bia inserta. Atque hoc unum
 sapiens insit epistola; quo-
 niam popolare quiddam est
 Paræmia, & vulgo notum.
 Qui verò sententias loquitur,
 aut sermō cohortatur, non per
 epistolam iam loquenti simi-
 lis est, sed per artem. Ari-
 stoteles sanè ἐν demonstra-
 tionibus utitur interdū epi-
 stolicis. sicut cum docere vel-
 let, pariter magnis & par-
 uis ciuitatibus benefaciendū
 esse, ait: Dij enim in vtrif-
 que æquales sunt. itaque
 & Gratia, quoniam deæ, æ-
 quales tibi residebunt apud
 vtrasque. Nam ἐν quod de-
 monstratur Epistolicum est:
 & demonstratio ipsa. Quo-
 niam autem & ciuitatibus
 interdum & regibus scribi-
 mus, sunt eiusmodi episto-
 la paullo magis eleuata. (mēs
 enim dirigenda & in perso-
 nam, cui scribitur.) eleua-
 ta tamen, sed non uti Liber
 aut commentatio fiat pro e-
 pistolâ. sicut illæ Aristotelis
 ad Alexandrū, & Platonis

ad


τωνος. Καθόλου δὲ μεμί-
χθαι ἢ ἐπισολὴν τὴν ἐρμη-
νεύειαν ἐν δυοῖν χαρακτῆροι
τέτοις, ἢ τοιαύτους ἢ ἰχ-
νῆ. Καὶ περὶ ἐπισολῆς μὲν
τοιαύτα, ἢ ἅμα περὶ ἢ χα-
ρακτῆρος ἢ ἰχνῆ.

*ad Dionis familiares. Uni-
uersè autem miscetor episto-
la, quod ad Elocutionem, è
duobus characteribus istis,
Urbano & Exili. Et de Epi-
stolâ quidem hætenus, &
simul de caractere exili.*

F I N I S.



005644479
005644481



005644479
005644481